


昆明志 206

地350.75
39
11-5



平定縣志

平糞縣志原序

平夷地當滇黔之交為六詔鎮鑰明仿寓兵於
農之法建衛鎮撫諸蠻我

皇上德隆姚姒治臻雍熙於御極之二十六年丁卯

廢歸郡縣乙亥冬

督兩憲請以平夷故衛合亦佐故邑並析霑益
之久安長治二里立為縣

制曰可丙子姑蘇趙君宗武來蒞縣事未幾去越戊

寅中宜奉

命承乏其地邑當新建一切經函咸待創始爰為

一

之清賦稅均徭役繕城池振學校凡三歷寒暑
始就其緒顧其間因革廢興不無異焉苟不有
以志之使後之人莫可考據謂非中宜之責歟
雖然志之難也所從來遠矣事不核其實言不
得其據文無可考獻無可徵其足志乎哉於是
廣為之蒐羅慎為之采擇凡殘篇斷簡漫滅而
可識者不彈數百里必求致之一日獲平夷衛
弁襲職冊數十頁煙翳塵封蠹蝕破缺多方補
綴泆旬而差可摸索文字衣手為之屢黑也村
老遺民散處窮鄉僻壤能識往事者時引前席

詢其端委究其幽隱又漁獵典故事涉邑治者
囊括而記錄之因得舉其綱列其凡條分縷晰
甯簡弗濫甯嚴弗略經年而始脫稿共為志十
卷且以地在荒遠實多未信載諸行篋徧訪南
中舊志而質之叅以廿二史通鑑綱目纂要明
一統志諸書遠延歲月真鮮紕謬所恨覩記不
博終多闕疑不得考正函一難免因陋之譏然
中宜之於平夷志也一字一句莫不手經數載
校仇釋義迄無虛日是亦殫厥苦心矣夫宣揚
聖化而垂於無窮者有司之職

山陰任中宜識

續修平糞縣志序

竊以觀風問俗太史氏既勒成書考獻徵文守土者宜盡厥職蘭粵西下士滇省備員十年作宰屢任繁難凡職之所當為者無不殫厥心力以期無負而一切成敗利鈍在利不計甲午秋復任斯土白叟黃童歡迎道左蘭亦念此次重來人地相宜倍加奮勉以副民望而償夙昔未完之願公餘暇索閱縣志刻本已殘缺莫全僅見抄本距纂輯至今二百餘年無有從而續修者矣其間兵戎建置忠孝節烈漸就湮沒若不及時修補恐年湮代遠渺焉無聞是蘭之所懼

三

也爰集衆於庭謀款續修鈔曰宜自維簿書鞅掌筆墨久疏且邑當滇黔衝要冠蓋縱橫應接不暇未獲從事適有邑中同年李君竹虛奉諱家居力學好古強屬秉筆兩學司鐸王高二君共商較訂越十有餘月而書成蘭起而閱之邑於古為夜郎牂牁地漢晉唐宋徒事竊縻蒙鄭楊段互相竊據自元始通聲教明衛縣併置蠻夷滑夏寇賊奸究未盡歸純哉

朝定鼎燕京

康熙御極之三十四年以亦佐廢縣合平夷故衛為今縣事有專官權歸於一加以

閻

六七五深仁厚澤疆宇無驚閻閻安堵有司不過奉
行故事耳迨咸豐中葉禍亂半天下滇黔尤甚當邑
用武羣雄必爭四處小醜乘勢跳梁邑人士深明大
義守正不阿並能戮力同心出兵出餉西除寇蓋阿
馬肘腋之患東平普安大河堡華家邨積年巨寇南
距興義六屬大股髮匪不致與杜逆朋比為全滇禍
斯時殞命捐軀之將士陣亡殉難之官紳以及葆貞
完名之列女均有不可泯滅者迄今山川如故城市
依然戶度之繁殷有加於昔科名之鼎盛大倍於前
回首當年之效命行間捍衝桑梓而一種忠義奮發

四

之氣有足風世者能不表而出之况時世之變遷原
無定局一治一亂迭相乘除現在外夷狎侮恃其槍
炮藝學犯我藩籬有狡焉思逞之意倘不凡事豫立
避其所長攻其所短他日何以制其勝乎故武備之
飭修倉儲之積貯關津之險阻山洞之幽深道里之
遠近城池之高深皆守土者所宜豫講也然而蘭更
有進焉孟子曰天時不如地利地利不如人和人和
要在固結民心固結民心要在平日省刑薄斂民既
視我為父母我當視民如子弟修其孝悌忠信之教
激其親上死長之心民樂用命即我之于城矣夫何

憲英人據緬法人據越之覬覦哉是書之成也不惟
於政治人心風俗有裨即執是以求因時因地以制
其宜亦守土之程後之君子當不以蘭言為謬願廣
加摻羅以匡未逮是蘭之所厚望也適刊刻就竣蘭
需次省門李君同年函致因濡筆直書以弁簡端是
為序

皆

光緒歲在旃蒙協壯月日吉思陽韓再蘭序

續修平糞縣志序

縣志作於山陰任公懷庭先生之手成於

國朝康熙五十有五之年先生以名儒碩彥來宰於平邑當創始治理需人先生五載於茲遺愛常存迄今讀去思之碑想見善政累累每令人深高山仰止之松又復不殫煩瑣公餘暇旁摛遠紹緝成縣志十卷以貽將來垂為典則顧欲後之人踵而續之以為不朽也越今二百有餘年矣當乾嘉盛時不識不知順帝之則固無事紀述咸豐中葉髮捻作亂滇黔徇苗雲擾邑當破而復全其間忠孝節烈死難捐軀以及

六

奮力行間肇鮮之始勘亂之由固當傳為著作以資考鑑乃寂焉無聞是非吾邑之耻吾人之責也歟先緒甲申西林宮保復持節來滇奏修通志檄各邑采取事宜邑侯黃公開館延訪余以謗陋濫竽得備參稽公復垂情獻典欲於造報竣時續修縣志以收事半功倍之効乃惜其有志未逮此中殊多耿耿甲午秋韓公澧泉復任斯土以再來人欲償夙夕未了之緣見縣志殘闕歆踵而續之爰商之同人請之上臺均曰可適余奉諱家居強屬秉筆與王高兩司鐸商訂可否將及開辦兩月僅得發凡起例而公以他事

告撤亦遂爾中止十餘年來余雖有志於斯然屢謀
之當途既以迂闊而莫為求之同儕亦渺焉而寡聞
不禁悄焉傷之竊恐日復一日因循漫沒縱他日繼
述有人而事實莫采等於無徵之杞宋且弁茲殘編
斷簡亦漸就泯滅是則余之所深懼也因不揣陋劣
取篋中存稿合之舊志刪繁就簡幾費時日勒為成
書十卷以附懷庭先生之後而備他日采擇地步非
敢出而問世也但其中擇焉不精語焉不詳掛一漏
萬知所不免惟願後之君子知我罪我據此而踵事
增華從加筆削焉是即余之所厚幸也夫是即余之

七

所厚望也夫是為序

光緒三十有四年歲在戊申新正上元吉日祝雍居
士李恩先竹室氏題於塊澤之竹溪別墅

重修縣志姓氏

監修

花翎四品銜補用直隸州署平彘縣知縣 韓再蘭

纂修

光緒乙酉 西科拔貢 邑人 李恩光

叅訂

教諭

雲南縣王朝賢

平彘縣

舉人

訓導

石屏州高 暉

纂修平糞縣原志姓氏錄

纂輯

平糞縣知縣山陰歲貢

懷庭任中宜

叅閱

翰林院檢討新興州人

管灝

貴州石阡府知府海甯縣人

陳奕禮

較訂

南甯縣訓導

建水人

葉涑

巳邗科舉

馬龍人

查奉璋

壬午科舉

新興人

朱統

九

乙酉科舉人

河西甯人

常文起
李如玉

戊子校閱舉人

邑人

王憲

歲貢生

陳王前
彭起雲

馬龍州貢生

王來賓

新與州廩生

李文潔
余其祥

尋州廩生

杜兆鵬

雲南府廉生

較

字

興

山


陰

監

生

陳嗣虞

任振芳



目錄

卷一

序文 在前

舊志姓氏

重修姓氏

凡例

卷二

地理志

輿圖 附圖記

疆域 四至八到營里村寨

十一

山川 附形勢險要里甲區段

古蹟 天生者入之人工者入建置 景致附

建置志 卷三

沿革

城池

官署

郵傳

關哨 汛塘

水利

津梁

壇觀

寺院附坊表祀典

食貨志卷四

戶口

田賦

積儲

經費

物產附礦廠

蠲卹

學校志卷五

廟學

學額

書院附義學

武備志卷六

兵制

師旅上下

秩官志卷七

官制題名

列傳志烈循吏

土司

人物志 卷八

選舉

列傳 鄉賢孝友忠義

列女

藝文志 卷九

文詩 附金石

雜志 卷十

氣候

祥異

風俗

冢墓

種人

方言

輟事

凡例

發

一通志局頒發章程分別十有三門為之綱六十八條為之目中有本地所無者姑從刪略今存九門凡四十四目悉遵省例未便擅更從周義也一天文星野之說由來舊矣各處志乘必以此條冠首近世天文算法愈臻精密推步持籌確有把握一切讖緯占候類於江湖術士久已廢而不用舊志雜引諸說習見未除言星分井度考井鬼二宿屬雍梁二州分野自龍門西河迄於流沙凡陝甘新疆回部青海三藏俱統於雍州自

十四

華陽黑水迄於南海凡川滇黔緬暹越志統於梁州在天二十餘度在地縱橫二萬餘里區區一邑蕞爾彈丸天道幽遠從何窺測

高宗純皇帝欽定熱河志刪之其
睿鑒

夜斷迴出尋常今刪天文一門星野改為經緯附之輿圖後較為徵實而氣候祥異二條併入雜志一志以地圖為主然必藉圖而后顯開方計里準望經界必須實測非可鑿空先於各鄉博訪因咨繪成散圖草稿後匯散為總由分而合詳加佈

置務使山水脈絡道里村墟朗若列眉名區勝蹟閱津路途瞭如指掌而以縣城亦佐黃泥河三處為之經各營里為之緯分別度數界以疆索而疆域山川古跡綴附於後至於形勢險阻雖托空言今亦屬緊要未便刪削其他風俗隨時變遷亦屬人事非關地理宜入雜志

一邑志不過一方一隅之志也須有限制不可牽涉隣境借光異地即使連類而及亦宜賓主分明宋以前未入版圖荒渺難稽似宜從減舊志沿革一條上溯周秦兩漢兵戎建置詳加備載似

十五

覺蕪雜今為抉剔兵戎載之師旅沿革載之建置各從其類無關緊要者略加刪除餘仍舊貫庶不致繁複亦不沒前人搜羅苦心也兩得之一建置凡八子目食貨志凡九子目學校志凡四子目悉遵省志體例

一祠祀志舊志凡三子目今祀典俗祀各從類附壇廟寺觀併入建置似宜從省勿浪費筆墨也

一武備志兵制師旅而外邊防一條乃指迪西迪南與外夷交涉而言也東與川黔毘連無事防守雖近日添設巡防藉資彈壓旋置旋廢亦一時權宜

之謀非籌邊者比均不可載

一秩官志封爵使命二者既無名宦循吏寥口無幾擇其事蹟尤著者為立教傳而以土司附之

一人物志原分十目今一邑人物無多有者仍之無者闕之而以列女附之

一邑土著係夷民漢人皆遠來僑寓者其間種類各別語言風俗攸殊但不成卷帙今將種人方言二條附入雜志

一藝文志原分三條一紀載滇事之書一滇人著述之書一金石雜著今一邑文獻無幾凡奏疏公牘

十六

牘有關地方利弊以及名人墓誌碑版詩文雜著遍加摭括即文不甚佳姓仍舊貫未便刪改反失本真輯為一卷頗覺斐然

一雜志子目稍有移易首氣候次祥異風俗冢墓種人方言終之以軼事齊諧志怪靈祐記異掇拾瑣聞何嫌餽飭亦小說家之流亞耶

凡例舊志原例附載

一平彝新邑舊無志本稽之故衛與亦佐羅山故縣亦無所見用是括新舊通志廿一史通鑑綱目纂要明一統志南詔野史諸書而輯之

一作志自當先正地理地理正而後古今人物事變乃可由之而徵如平彝故衛亦佐故縣宋以前未建都邑莫可考據今以東之普安西之曲靖南之羅平北之霑益按之知在古為夜郎地在漢為牂牁郡宛溫縣地在漢蜀為興古郡地在唐為盤州地元建羅山於平彝鄉置亦佐縣於夜苴部明設

十七

平彝衛於故羅山縣治平彝鄉之名見於元史其來舊矣

一平彝衛右所原曲靖衛之中右所也散布南甯尋馬之間海蠻窟本越州陸梁漢晉並名平彝雖一郡縣而地宇幾郡遍郡邑凡事涉曲靖一郡之大小者不得不載之沿革

一志者記也所以記往事垂將來也縣志應詳於郡志郡志應詳於通志今郡邑皆無志本苟徒循之通志似太簡矣因博求境內文物而載之庶免掛漏之譏

一條目悉倣雲南通志共為十卷次其甲乙荒誕無稽者闕之

一敘事亦以新舊通志為本其采自他書者註明所自於其下示信也

一漢唐宋元明及

本朝開滇之事乃王化所由始而蒙趙楊段之竊據復

過聲教咸志之昭治亂也

一事雖重大非闕本邑者不敢及

一災祥附之天文敬天命也

一官署橋梁由於營造旅途明其所由咸入建設志

十六

中

一名宦出於官師因入官師之末自警以警將來也

一流寓隱逸方技仙釋舊無所聞竄闕以俟

一牂牁莊蹻等字訛傳者久畧疏明之

一志書鏤板各出微俸藏諸學宮庶有典守

新例既編舊例宜刪今附錄之不忘其初亦不沒前賢
苦心耳竹虛識

地理志輿圖疆域經緯

山川古蹟

昔先王仰觀俯察西野分疆敷水土以奠山川計道里而正經界凡以為斯民也宣徒泛洞窟之舟登會稽之嶺輯玉封山後設王會之圖也哉溥遠居天末古祿荒服虞夏商周莫可考據漢唐晉宋徒事竊縻自元太弟兵跨革囊野合烈東道曲請而聲教始通焉邑地當孔道旋置旋廢幾等於無徵之杞宋明初衛縣並置土流兼治安海中橫袤多漢少土地既磽确幅員亦

十九

交錯夫固難以道里計雖有各山大川亦抑鬱於雲烟瘴雨而古迹無論矣迄夫

聖朝兩勘滇黔頻勞南顧改衛設縣事權畫一二百年涵濡教養昔日之椎髻披氍者咸化為衣冠裳帶之倫矣凡疆域之遠近山川之險阻皆求治者所宜講也况夫清溪白馬居然名勝曷可不志乎爰作地理志

卞虛

圖說

平彝亦佐地處普安羅平曲靖霑益之間土壩山尚書音義曰壩疏也初氏曰玄而疏者謂之壩建治最後元興始立羅山縣于平彝

鄉設亦佐于夜苴部明洪武二十三年置平夷衛于羅山縣故趾正德二年析曲靖衛之中左所于平彝衛為右所以衛原部為左所指揮使與僉事領之

皇清順治十五年克滇仍名為衛罷指揮等官改衛守備

十年總經歷教授康熙二十六年裁衛徙曲靖府通判

勳駐其城三十四年合亦佐故縣為平彝縣名左所為民安里右所為物阜里其余家堡係沐氏勳莊我

轄朝闢滇之初吳三桂鎮守雲南乞而有之附霑益州

寄莊原霑益民地並以密邇平城咸附民安里至久

安長治二里舊名海地洪武二十八年入流屬霑益

州康熙五年編甲以其地錯于衛治亦析屬焉亦佐

故名夜苴部元即其地建縣使沙蠻世領之明洪武

二十八年沙蠻以罪降縣丞入流設流官知縣典史

各一人天啟四年改築城於烏龍箐崇禎十三年土

丞沙運泰死之嗣削襲康熙八年亦佐以小縣例裁

附羅平州十三年吳逆偽設縣二十年逆平仍裁歸

羅平州三十四年合平彝故衛為平彝縣名上五營

稱

為慕風里下五營為向義里其平亦之交有霑益之
安土羊腸三十六寨橫亘於中壤地相接因時為患
往亡梗途頗稱未便建治之初計不及此惜哉地為
滇之喉舌三面環夷中處安海棠窟比隣苗獯甚屬
難治者也况乎久安長治慕風向義四里獠多漢少
地盡官土按畊而入賦民仍往古代田之風隨畜遷
徙視守宰之拊循為去就者有之招攜懷遠端在後
之君子至民安物阜咸屬軍丁屯產為家依戀故土
酷類中原傳曰有恆產者有恆心其斯之謂乎

山陰任中宜識

三

圖說光緒乙亥夏

平曠地界黔滇路當孔道毘連十一屬環迴六百里
萬山叢擠一嶺橫擔以犬牙交錯之區號稱難治而
縣城據形勝之地東有晴雲西有清溪南屏白馬北
鳴丹鳳為全滇鎖鑰實六詔咽喉夫固往來者所共
知也然其間所轄之安民物阜長治久安慕風向義
獨在山海各里山川之險夷道里之遠近旁通斜袤
之紛歧設防戰守之緊要雖僻處邊邑均關圖治非
備悉周知何以臨敵制勝故於圖治繪外不殫瑣屑
以詳明之如由城東五里至玉真觀有居民二十餘

三三

過

家為城近關至東堡七里升官坪十里勝境關十五
里關上有坊居民二三十家為行人中伏處此由黔
入滇之中大路也由城西半里過茶亭坡兩山夾繞
一丸可封為城西近關二里至清溪洞乃燕遊之佳
境七里至揚威哨有碉樓可以瞭望十里至普濟橋
夏秋之交淫雨汪洋行人阻滯須繞道以過之十五
里至多羅堡已有居民百餘戶二十里至山黎哨塘
內外路徑曲折深密二十五里至車轉灣係茶間處
有行臺三十五里至腰站可以歇息村外里許為平
白交界有碑此入滇之西大路也城北一帶曠野蕭

條人烟稀少離城二十里四百戶村為產煤處與靈
益州界可以通宣威由城東北豫順橋沿河而上田
疇平行村落稠密三十里有迤后所居民二百餘戶
舊為產銅處五十里至教坪與普安靈益宣威交界
為由黔入滇後路設釐卡一區由教坪折而西過縣
屬之岔河洞上等處插白水關外二十里棠黎灣較
中大路最為捷徑由城西北山路五里至小涼水井
舊為紮營處八里至大滴水亂石蒼上山徑歧出此
處兩路一路折而西十里過多羅屯二十五里至紫
泉洞十五里至打濫碑五十里至新馬場取道曲靖

二十三

商旅多便又由打濫碑左一路朝西南而行入獨戶
里二十五里至定南山山勢崔巍舊為沐國公紮營
處七十里至西流水海土丞居崇山疊嶺夷民居多
一百里至大麥塘紅土壩諸處與南霑東南路交界
為入陸涼蒙自之便道平曠所屬除山半里孤懸於
南霑尋馬之間海半里夾處於曲靖海子之內難以
四至計其東西北三面所轄不出四五十里地惟南
面所轄較遠試更為說以詳之由勝境關內南行二
十里至鸚角嘴一帶長坪又由城南王家屯走龍海
溝過十字路揮鸚歌嘴為入十營大路下二盤坡到

青龍河至同草埧五十里底厄勒鋪六十里為一宿
站又由同草埧至黑稻冲到小海上一十五里崎嶇
鳥道為十營之咽喉惜安土中橫羊場一線設縣之
初未遑計及為憾自小海上一過羊腸營地面十里至
竹箐坡亂山縱橫絕少村寨坡勢頗高登覽之下如
德勝坪三棵樹等處宛在目前四十里至沙寨為一
宿站由沙寨三十里至雞場四十里至五里坡坡上
即可瞭望黃泥河一帶路經修治車馬可通非復前
日之險阻艱難矣五十里至黃泥河為一宿站局勢
開展水繞山環一大市鎮居民五六百家街衢齊備

二五

通黃草埧商務由黃泥河至沙營二十里古敢墩三
十里合安邊營地有水旱十寨與貴州興義縣接壤
為去白色入廣西之路由得勝坪小鋪子左十里至
富村二十里至亦佐舊縣廢城一區居民數十家為
上五營公所由亦佐縣二十里至雨得黑街四十里
至拖足過亮口子有十八連山而黑牛一山獨高且
峻至板橋兩山夾逼一徑潛通至魯木得則六十五
里矣再至五樂田土平行到抹每共三十七里蒼崖
峭壁一虹飛渡可稱天隙橋之外為興義地此為入
平彝之別徑又由竹箐坡羊場地面十五里至白石

岷直下十七里至塊澤橋與卑浙廠交界為入陸涼
蒙自之路由亦佐縣南四十里至成街七十里至泥
樹得九十里至狗街一路斜揮抹角底菩提五十里
均與興義界可通一路斜揮天生橋江底黃泥河塊
澤河匯於此與羅平興義界一路西至唐家橋又一
路由洒居西底朱家橋皆與羅平界再由小石橋東
至阿居卡過古木底巴茅河約五十五里與普安地
交界為入興義府路自小鋪子東行七十里至裸紅
大了口與普安地界為入州路又如自縣城南四十
里至大河免街過羊場營入久安里地與陸羅密三

二十五

在
屬交壤又自龍海溝繞白馬山脚河而下為海地再
進為久安里上五甲漕子此皆腹內橫冲直揮四通
八達節節可入在在可通難以枚舉茲但即其大畧
而說之以為往來者先容而補圖之不及云

平岡李恩光識

疆域

四至東至普安州界十五里西至南甯縣白水司界三十五里南至羅平州與義縣界二百二十里北至霑益州界二十里四隅東南與普安州之樂民里界一百里威舍界二百里東北與霑益宣威普安州三屬交壤之嘉木等處界四十五里西南與羅平州之東北路界一百六七十又與陸涼州霑益州之下堡起等處界九十里西北與霑益州屬之說達界四十里四距西距曲靖府城一百三十里距尋甸迤東道駐

二十六

紮二百九十里距雲南省城四百一十五里北距京師一萬一百七十里東西廣五十里南北袤三百里迴環約計六百里在曲靖一府有屏藩之寄在全滇有喉舌之繫外控諸夷內懷六詔實雲南踵難第一州也

附平彝屬挿入各州縣地

山半一里二十屯地孤懸南霑馬尋之間東距縣城一百五十里海半一里獨處南甯縣地東距縣城一百四十里零星交錯距各處城池均未可以道里計久安西南之茂蘭等村挿入羅

平州東北路距羅平州城一百二十里東南距
縣城七十里安邊一營挿入興義縣地距興義
縣城五十里兩獨戶一里為海土所居西北與
南甯霑益交距南甯二城四五十里六七十
里不等距縣城三四十里不等

附各州縣挿入縣地

霑益州之姚二場阿掌冲挿入城西六七里不
等又沙鍋冲挿入城東北十餘里又羊場營三
十六寨挿入縣之長治久安獨戶慕風四里地
面距城六十里普安縣之官居六寨挿入縣東

三七

南界距城八十里宣威州之間地一段挿入城
東七里之東堡村羅平州之板吉等村挿入縣
屬之則章營距城一百五十里

康熙三十四年設縣分定界趾縣東之滇南勝
境與普安州龍家溝接壤以閔為界南邪下至
鸚歌嘴以大路為界縣屬之黃泥河鄧庄等處
與普安威舍諸處接壤以大橋為界縣屬之安
邊營十大寨與興義屬之封塘諸處接壤以了
口石碑為界縣屬之東格洗上等村與興義那
巴箐接壤以山梁了口為界永安一帶以大河

為界此縣東南交界折而西縣屬之安定阿許
則章阿汪等營與羅平之東北兩路接壤朱家
唐家等橋為界縣屬之上五甲何烏互等處與
羅平卑浙接壤以土城口子為界縣屬之久安
里與陸羅霑三屬之上下堡起接壤以上下堡
起適中為界縣屬之獨戶里東山一帶與南霑
猪街馬場諸處為界在縣之西縣屬之腰站與
南甯白水司棠黎灣接壤有碑曰平白交界為
記縣北之勳庄余家堡與霑益之說達二龍口
接壤以川洞梁子為界縣北之四百戶屯與霑

二十六

益屬之三道箐為界縣東北之后所諸處與宣
威之老牛場等處接壤以路為界縣屬之教坪
與普安霑益家河等處接壤以河為界東下則
與巒岡宣威諸山為界

山

鳴鳳山即縣城之鎮山也由宣威蜿蜒而來至
城北五十里虎背斫幹枝中抽艮龍入首子山
午向兼壬丙形如龍鳳飲水者為巒夷地名曰
平夷鄉明弘治年由落蒙山移建衛城其岡群
山象壑四面環拱洵一邑雄鎮也山舊無名今

始名之有記斗山在縣署後邑侯韓公禮泉因
高築也公嘗攜余陟其巔南望諸峰羅列河流
如帶公顧余曰昌名諸余曰昔韓文公人仰之
如泰山北斗今公為之昌以斗山名蓋山城斗
大亦以山大於斗也公是之山以是得名
龍馬山一名白馬山在城南十五里高如之三
峰峙立中峯獨勝昔有龍現其巔馬至今石槽
猶存鄉人結廬其上即其趾建元帝廟額曰萬
山雄鎮麓之西蒼崖峭壁林木深茂下有清泉
一潭不涸不溢遊山者渴欲飲尋之不遇偶得

二十九

之味極甘美崖壁上隱隱現龍形夭矯倒挂勢若
赴飲然

巒岡山在城東十五里綿延橫亘崔巍岩堯俯
視一切雄據萬山每當陰雨層巒疊嶂間晴光
掩映倍覺分明

定南山在城西十里明初西平侯沐英闢滇駐
兵其上名曰定南樹坊壘石遺趾猶存

狀元峯在城西南里許一名席帽山冠冕堂皇
如王公大人巍然坐鎮山下有峯名曰貴人
落蒙山在城西半里一名古城寨又曰舊城山

詰

元初因險築羅山縣於上

老桂山在城西十里上有雲氣詰旦視之可卜
陰晴雨勢

文筆山在城南十里上建文筆以此得名

蒙洞山在城西北五里下有洪源洞

宣威嶺在城東十五里滇黔交界送迎盡境有
亭曰萬里明景泰中巡撫御史洪弼立坊其際
曰滇南勝境學道薰以仁重修黔旅至此覺山
平路坦東望箐霧障雲天限二方也

楊威嶺在城西七里山險箐狹中多毒蛇今無

三

大道經此歷年修治已成坦途

龍馬山在舊縣亦佐城東五里石崖壁立每遇
微雨如物蠕蠕欲動相傳龍馬出現故名

宗孟山在亦佐城東南五里夷呼山之至尊者
為祖慕訛為宗孟

早改山在亦佐城東十五里遇旱縣人禱祈輒
應之

矣層山在亦佐城西三里山有清泉居人皆吸
之夷語水為矣

風火山即亦佐縣之鎮山也今更名卓爾山有

有記

捧月山在黃泥河西十里林壑秀雅山水絕佳
春蘭秋月夏雲冬雪色色可人遙里之空青翠
靄中虛白微露如天際間雲舒捲自若余題其
額曰白雲在空下即白雲寺浮圖極盛
白崖山在城南五十里山麓秀雅古木參天中
有古刹羽客黃冠藉資修持
十八連山在向義里普只營距城一百八十里
重岡疊嶽有嶺十八絡繹不絕其山產苦竹居
民采筍作紙以資生活

三

大黑牛山即十八連山之第一峯也傑然獨冠
諸山能出雲鬱雨祈禱輒靈歲以黑牛祀之
募光山在縣治南八十里小溝溝側夕陽返照
光徹行人亦長途之佳景也

筆架山亦名黑牛山在縣南一百四十里亦佐
舊地三峰矗立形似筆架挿入天半山上有寺
居民歲祀

棋盤山在募光山北十里其形似之相傳有仙
人奕棋未識王質曾觀趙延曾祈否姑志之
野鴛山在縣治南七十里方廣二十里氣勢蒼

莽魄力雄大居民祀以祈年云

犂帽山在亦佐城北十里形似之山半有村落二十餘家變亂時居民紮營其巔頗稱險要

迪官山在亦佐城東四十里孤峰高聳四圍陡絕據險立營鄉避兵燹

沙子水井山在亦佐城南六十里其山獨高登其巔者謂與羅平八腊山等方圓可望數百里

蒲蘿山在亦佐城西十里孤高獨立形似蒲蘿民紮營其巔

登高架在城大西門外一里高與羅蒙山齊重

三十二

九登高處也上有古松一株獨立挺秀形如張蓋疑為朶雲

玉人山在縣城東南五里玉真觀面雙峰壁立亭亭似玉

清溪河在縣之西發源於白水司由縣屬腰站
至多羅海落水洞伏流出城西北三里洪源洞
南行到郭西南一里古城寨下南門河之水由
后所繞城匯於迎鳳橋至鹽廠庄東堡河之水
來歸赴龍海溝朝西南絕巴灣曹徐二庄之水
望東來會隨白馬山流四十里至岩山梁子折
而東經洞灘橋到青龍河倒西復歸南流有同
草堤之河從平彝所諸處至縣地沫河田揮來
入霑益羊場營順流而下至舍則有久安里之
三入河由西而來縣屬之一字河由東而至經

三三

河

天生塊澤唐家朱家等橋順勢直趨歸入羅平
江底與黃泥河之水匯自三入河下至江底此
羅平平彝之接壤以河為界
黃泥河在縣之東南發源於貴州普安廳資母
憂老紙廠等處伏流由樂民里湯嶂噴發下羊
橋嚮水行巴茅河有縣屬海水潮七寨半豐約
等處山谿之水流入黃泥河上又有白雲寺前
蒲織一河會於黃泥河折而西為熱水塘大寨
又有五樂之水從北而來附之過此經抹閣菩
梯等橋亦至羅平江底與塊澤河之水殊途同

歸入八達河走廣西泗城府匯紅水江而入南海矣自黃泥河上為普安平彝交界至黃泥河下為興義平彝交界滇黔兩地以河為限

川

清溪河見前水色常渾鮮潔居人因此卜年
塊澤河即清溪河下流穿崖走峽舟楫莫通
以則江在以則坡下與清溪塊澤一河各處稱
謂似殊也

多羅海在縣西七里遇霖雨則泛汪洋若海
滇人鮮見江河見陂澤潏水處即呼為海亦夜
郎自大也

二 十里河在城西南二百里與清溪河水匯
黃泥河見前四時水光常黃目為小黃河

三五

生 蒲纖河在亦佐城東南九十里白雲寺山下中
生九節菖蒲其狀如龍又如織成屈曲迴環盤
繞水面東流入黃泥河

南門河城南半里源來馬場口始由南門坪子
直流光緒己丑知縣韓再蘭改從山脚順流環
繞縣城如帶直入清溪河迎鳳橋上匯歸馬房
冲河在城西關外源狹流促秋夏谿水暴漲急
流如注與南門河同歸清溪河

東堡河在城東七里源發村外相云出水處有
九十九竅蓋源廣流促不數里至鹽廠庄即入

清溪河

同草堤河在城南五十里源出普安平彝里上入縣地五十里至沫河田下與清溪河匯流一字河在城南一百里白石崖對面源出竹箐坡腳西流十餘里為羊場營與縣交界地至天生橋上流匯

三义河源出九安里經羊場營河西地流至天生橋挿入

張家庄河源出曹家庄經徐家庄至張家庄流入清溪河距城二十里

三十六

五樂河在黃泥河西二十里源出哺米由曼那至沫角流入黃泥河下

土橋河在黃泥河東三十里源出縣地河頭起獅子山由古木至黃泥河上流挿入

嚮水在清溪河下城西南十五里兩山狹逼一水中流具有巫峽之險聲勢奔騰如十萬軍半夜潮

乾河源出盧家漕子余家老廠等處走拖

形勢

舊志云神馬擁前翠屏列后清溪環流蒼崖峭
立黔界所分滇疆首邑

白馬屏開清溪環繞重關深鎖門戶全滇
襟山帶水水繞山環居高臨下觀水知山

竹虛

三七

險要

附

舊志云地故遐荒壤屬夜郎西通滇戶東鎖黔
關南連安夷北距苗疆千山攢聚一線羊場滇
之喉舌也

崇山峻嶺羅列東西清溪黃泥合抱左右因險
抱要可戰可守

宣威一嶺綿亘縣東直抵興義三百餘里屏蔽
曲靖隔絕黔西洵滇南半壁也

東有勝境豫順之阻表以宣威巒岡之峻絕西
有山黎揚威之險帶以清溪白馬之雄而茶亭

全

一關猶具函谷之勢真金鎖額寔地東門戶
塊澤坡在亦佐城西十里山崇坡陡紆迴盤屈
徑畫之字成鳥形故名其巔為鸚鵡嘴亦佐知
縣邢偉作亭於上題曰若凌霄漢後人避兵紮
營其處亦名蒲蘿營

以則坡在亦佐城南一百二十里山峻而險其
上或蹲或眠如人物狀者不可勝記其山產蘭
四時幽香不絕亦荒服勝概也

五里坡在黃泥河北五里陡峻難行知縣任中
宜督工治平可通輿馬今為樂善者甃以石行

三十八

旅楫便

牢

茶亭坡城西關外半里迎處也兩山逼狹中通
一線坡似博望關擬虎牢余曾題曰一丸
竹箐坡在亦佐縣北二十里坡不陡而長路不
險而激漸加修治輿馬可通

小溝溝坡在縣城七十里長十里崎嶇鳥道日
之既夕人困馬乏每苦其難坡盡處茅屋數椽
暫歇行旅為下十營入城必由之路

長坪梁子在城東南二十里長二十里路平天
潤松陰夾道濤聲盈耳不于于亦忘其倦也

叢

二盤坡在城南三十五里陡險與五里坡等昔
日王尊之叱王陽之畏恐莫踰其險也

五里墩在城南十里崇山峻嶺亞於白馬但不
似二盤五里之險絕也

天生橋在亦佐舊城西北二十五里懸崖峭壁
鳥道懸壘塊存巨石天然結構雄關阨要疑如
飛渡塊澤橋在亦佐舊城西二十里羅平分界
處兩山壁立一關阨險丸泥可封

滇南勝境關在城東十五里滇黔分界處一關
扼要丸泥可封

三十九

豫順關在城東五里兩山逼夾一徑遙通

古迹

清溪洞一名三台洞在城西二里西面繞清溪中
宵十餘里與紫泉洞通苙火入之有淳屠龍象
芝朶雲英亭臺鐘鼓之屬皆石乳溜結而成騷
人逸士游觀之所昔有清泉從洞中出可以流
觴道光年間忽發大水傾圮佛座泉由此絕亦
觀覽之憾事也余題其額曰清泉在山
仙台洞在縣西三里石床石**帳**天然位置窻櫺
畢具夕陽反射俯瞰洪源水色山光互相掩映
若聚一樓樵者聞有奕棋聲

洞

桂花洞在城西北十里洞穴邃幽昔有百尺大
桂根盤洞底枝出洞外秋華時香散他山今無
紫泉洞在清溪洞山后穴與清溪洞通洞口寬
廠有台數層石乳結成一同清溪有水曲折盤
流可以觴詠

獅子洞在城南十里水從洞出波光蕩漾上下
相映可舟可漁

釣

三門洞在城西北三十里平列三門宛然儀署
洪源洞在城西北三里與仙台洞隣清溪河源
發此洞門高廠波平浪靜可釣可漁

天生洞在亦佐故縣西北二十餘里塊澤河之水由此經過中有石田經界分明兵燹居民避難常住可容百餘家吸飲便之

天生橋下即天生洞兩山夾流舟車莫濟不知

何年徒然一巨石橫空飛來塊存其上真天造

地設也人再伏行數武架木為樓可住仙人三兩

韜光洞在亦佐城東半里不知深遠崖火照入

中有天生石橋一座左右有潭橋盡處平敞可

容數十人疑有幽人隱處知縣程封題曰韜光

落水洞在城西北十里有竅九十有九水從竅

沒出洪源洞

嚮水洞失里趾源自白水有深潭天生石渠

牛鼻洞在城西十里天生層樓懸長索始克登

焉癸亥狃變邑人避兵多獲全

天井在城西古城山東岩壁下倚石俯瞰水光

射目投石鏗然有聲

地牢在古城山南儼然石室寬敞可容數十人

相傳土酋拘罪人處

巖阿在城西七里楊威嶺路側石竅天生攀躋

莫及有石像佛居民祈嗣頗著靈應因巖梯路

建閣供之若凌霄漢名曰觀音閣

雙碧潭在城東半里水光潏灩晴偏好三月三日天氣清遊人修禊處也

鯉魚潭在清溪洞上天將雨則水渾既雨晴亦佳

黃龍潭在城東巒岡山下深不可測旁有古樹上棲錦禽一對葉落潭內即啣之可謂有龍居古城潭在古城山西一泓清水可鑑臣心

珍珠泉在狀元峰下泉微溫村居資灌溉湧出如明珠累累成串又形似葡萄成枝一名葡萄

四十三

泉一在王家屯坪子視此稍次之

溫泉在塊澤橋上流濱河春夏之交天朗氣清兩廠士女麗服滿汀相携酒肴臨風擲沐以為修禊之所惟鳥道崎嶇不便車馬遊人憾焉鳳食堆在城南案山上黃白兩堆彷彿似之

景致此為平彝八景

滇南勝境亦名石龍古寺在城東十五里中有石如龍明萬曆二年作石龍寺前列一亭名曰萬里后燬於兵康熙三十四年總督王繼文即亭故趾治屋三楹施茶濟渴龍沒土中四十八年方伯李公華之捐金更新石龍復見明年春大中丞郭公瓌見之曰此虬也非龍也因更名石虬亭山界滇城嶺劃黔疆煙雲靉靆金碧曠朗帘影風翻松濤振響地盤石龍劫殘空王塵勞暫息行客徜徉

四十三

東嶺晴雲嶺橫縣東山宿霾雲形勢遼廓迤邐蜿蜒跨城帶郭蒼狗變幻娟秀如濯可卜陰晴嵐光綽約

巒岡翠竹在東嶺深處去縣十五里綠筠叢生簇崖穿石陰翳蔽天葱蔚籠日微雨輕風敲金戛玉宜詩宜酒可詠可築

宣威曉月在縣東十二里宣威嶺下潭擴數畝水深十尺朔望陰晴見月如璧曙雲曉星愈湛圓光含玉孕珠夜色蒼忙

玉真仙橋在東關外大礮上二里許雨後平明

雨

有仙人足印邑人奇之橋架飛虹溪流清潔驟
雨如注瀉下真仙往矚其處足跡宛然

白馬留泉在白馬上相傳白馬仙駒飲泉處
也石自成池廣不盈大中涵清泉不涸不漲甘
冽異常永留仙嶂

象壑秋潮在城南里許胡麻橋下洪潦既盡山
谿時流漲滿平田宿鷺浮鷗噴薄盤旋浪鼓清

秋山谷幽迥響答松楸

清溪仙洞在城西二里洞去清溪白尺石室凝
雲外殿內深煙蘿挂壁乳滴苔浸奇形怪狀雕

鏤難名杳不可測宛住仙靈

附亦佐縣八景

烏龍密箐在亦佐城北五里盤旋屈曲載飛載
潛時有雲氣微挂其間

札村松韻在亦佐城西北十五里茅屋傍山炊
烟濕露響徹松濤幽人獨寤

塊澤漁歌在亦佐城西十五里春波秋月漁叢
牧笛行歌互答籟音空寂

天生古洞在亦佐城西北二十餘里塊澤河流
經此而出內甚寬敞乳穴堆雲鎔研突兀鬼斧

神工鑿成仙窟

東流西水在亦佐城東七里倒飛瀑流清而潔
珠簾霧捲天青雲白

矣層名山在亦佐城西門外山鍾神異歲時告
處五風十雨民以有年

夜月明潭在亦佐城東門外一水一月含光湛
澈窈黑蛟宮皎然兔魄

窈

平彝縣志

卷二四


20350.75

39

12

會後

運筆



建置志

沿革

城池

官署

郵傳

關哨汛塘

水利

津梁

壇廟

寺觀

州亭臺榭閣坊表



昔先王因時制宜因地設險建官司以臨民置速
郵以傳命關市不征澤梁無禁其創制顯庸夫固
無微不至矣邑建治最晚元始立縣明並置衛土
流薰治諸多草創我

國家寰區一統治具畢張而萬里滇末猶僅

睿慮邑當入滇首站人煙稠密冠蓋縱橫則城池
之宜高深官署之宜巍峩驛亭郵舍以通聲氣關
哨汛塘藉資行旅與夫堤閘有灌溉之功津梁昭

旅

利濟之益皆守土者所宜講也至於為坊為表旌
善彰賢紺宇緋官祝

例

國福民亦得以例附焉因作建置志

平糶縣建置表

總部

郡

州

縣

唐虞

南交昧谷之間

夏商

梁州域

周

合梁於雍

戰國

滇國

秦

夜郎

漢

益州

牂牁郡

宛溫縣

蜀漢

益州

興古郡

宛溫縣

晉

益州

興古

宋

益州

興古郡

西平郡

齊

蠻瓚據

西蠻白蠻

東蠻烏蠻

阿芋路部

陳

益州

犍為郡

恭州

開邊縣

未設

協州

開邊縣

隋書地理曰大業初廢恭州協州入開邊縣

寶唐

戎州都督

西平州天寶中改盤州

蒙氏據

摩彌部

夜苴部

宋

段氏據

摩彌部

摩彌部萬戶

普摩千戶

元

中路

雲南行中書省曲靖路總管府霑益州羅

山縣曲靖路宣撫司

亦佐縣

明

雲南布政司 曲靖軍民府 羅雄州 亦佐縣

雲南都司

平夷衛

本朝

雲南布政司 曲靖軍民府

亦佐縣

雲南都司

平夷衛

雲貴總督

布政使司

曲靖府

平彝縣

雲南巡撫

沿革

唐虞為南交昧谷之地夏禹為九州華陽黑水為梁州殷制如夏周合梁於雍又為雍州地楚頃襄王使將軍莊蹻將兵畧地定巴黔以西地明一統志曰巴黔今四川重慶府屬地至滇池以兵威定屬楚欲歸報會秦擊奪楚巴黔中郡道塞遂留王滇師古曰有滇池地因以為名後漢書曰水源深廣流狹有似倒流故謂之滇公侯支黨相傳數百年自相雄長

秦依常額通五尺道諸此國頗置吏明一統志曰牂牁秦為夜郎且蒲地

漢武帝建始六年詔大行王恢擊東越因兵威使番禺音陽令唐蒙風調音曉南越南越王食音飲蒙蜀蒟醬音

且

址 材

蒙問所從來曰道西北牂牁師古曰道由也異物志牂牁王侯將軍莊蹻從沅水伐夜郎軍且蘭琢船於岸而步戰敗名牂牁地多雨潦俗好卒鬼禁忌實事生畜又無器器桑故其郡最負楊懷曰今貴州地明一統志曰古牂牁郡城在恩州府西史預曰唐貞觀初分牂牁郡北界置郎州尋改播州今遵義府是唐南蠻傳曰昆明東九百里即古牂牁

牂歸至長安問蜀賈人賈人曰獨蜀出蒟醬多竊

市夜郎漢書曰夜郎者初有女子浣於澗水有節節大竹流自立為夜郎侯以竹為姓荀悅曰夜郎捷為屬國也正義曰今瀘州南大江崖協州曲州本夜郎縣故址在遵義府北五十里

夜郎者臨牂牁江按牂牁今貴州為由黔通夜郎之道

江足以行船南越以財物役屬之西至桐師然亦不能臣也蒙歸上書曰南越王黃屋左纛地

東西萬餘里名雖外臣實一州之主也由長沙豫章
往水道多絕浮江而下出其不意制越奇策誠以漢
之強巴蜀之饒通夜郎道置吏易甚可得精兵十餘

入榮萬

上許之拜蒙為中郎將從巴蜀音昨音闕入史廣曰昨闕在雅州榮經

東北四十里一見夜郎侯多同師古日夜喻以威德約為置

名天險關吏以為犍為郡唐改戎州發巴蜀卒治道自犍音

道犍為指牂牁江元鼎六年中郎將郭昌衛廣誅且

蘭君平南夷為牂牁夜郎侯恐入朝上以為夜郎

王以邛都為越舊郡括地志云越山佳苻都沈黎郡括

志沈黎其在滇西者為越舊之遂久華陽志曰今繩水

萬

青蛉明一統曰定在三縣後漢書曰日縣在郡北明一統志

今其在滇東者為牂牁郡之且蘭前漢書曰沅水東南

且蘭平夷平夷之名始見於此明一統曰漏臥應邵曰故

町四縣地道記曰甸町有文象水更至增食入鬱應邵曰故

元封二年滇王入朝請置吏以其地為益州郡春秋

包云益州之為隘也言其所在之地險隘賜滇王玉印領二十

四縣西南君長以百數獨夜郎滇受王印前漢書曰益

國領二十四縣牂牁郡領十七縣第五為平夷屬宛宛溫南中志宛

溫北三百里有鬱金江廣數百步深十餘丈江有毒氣明一統曰曲

靖府東南二百七十里羅雄州為牂牁郡宛溫縣十七縣故且

蘭鐔封灑漏臥平夷同並談指宛溫母歛夜郎母單漏江

溫 壤

也亦曰疆壤益大故以名焉蜀漢先主章武元年庾隆都督鄧

進桑甸町漢書曰

帥

方卒以李恢為庾隆都督使持節領交州刺史征平
 彝後王建興三年三月丞相亮南征誅雍闓擒孟獲
 益州永昌牂牁越嶲四郡平即其渠帥龍佑那為酋
 長賜姓張改益州為建寧郡晉書曰建寧郡治味孟康曰味音昧劉宋書曰滇王國今雲南
 分建寧永昌地置雲南郡分建寧牂牁地置
 興古郡元史曰漢夜郎味縣地晉書曰治隸高縣劉宋書曰治漏臥今南寧縣是
 並越嶲前漢書曰郡國朱提應劭曰朱提山在正義曰朱提音殊
 為七郡縣治屬宛温隸興古漢武平滇初置益州郡郡兼理蜀滇至蜀漢始改益州郡
 為建寧以別益州之名

滇

晉武帝泰始七年以益州南境之建寧興古雲南交
 州之永昌四郡為寧州置刺史縣治隸興古寧州即大
 今郡見文獻通考劉宋地理志
 桓温改宛温為宛暖
 大康三年罷寧州入益州立南夷校尉以護之惠帝
 太安二年復立寧州分建寧以西七縣別立益州郡
 見晉書懷帝永嘉三年改益州郡曰晉寧分牂牁立平
 夷夜郎二郡見晉書曰分牂牁以南為夜郎郡郡之濞毫半為平夷夜郎
 五年寧州刺史王遜分興古郡之東立西平郡見劉
 隋文帝開皇十五年置恭州協州隋書曰大業初廢恭州協州入犍為郡開邊
 縣唐書曰武德元年復置縣三東安西安胡津元史曰興古
 郡隋初為恭州協州
 昆州唐書曰本隋置隋亂廢武德元年開南中復置縣四益
 寧晉寧安寧秦藏有滇地在晉寧明一統曰建寧郡隋置

釋

州未幾叛十八年分甯州為南甯州西甯州各設刺史於甯州戎州皆設都督

唐南蠻傳曰諸蠻自為首領如建甯以東則有東蠻烏

唐高祖武德四年置西平州

疑即西平郡也初高祖釋

內附因設郡縣

唐書曰唐興初未暇於回鹘即其部落列為都督刺史皆世襲雖貢賦版籍不上戶部然聲教所暨皆邊州都

七年命韋仁壽開南中地置七州十五縣改恭州曰

曲州

唐書曰隋置廢武德元年開南中復置八年更名故朱提郡北接協州縣二朱提唐興朱提本安上武德七年更名

悅州

唐書曰析協州置縣二靖州分協

南甯州都督治昆州

韋仁壽受命將兵五百人周歷數千里蠻夷望風歸順仁壽

還朝請徒治南甯州道卒以建甯酋長張樂進為首領大將軍費

觀初蠻宏遠死以蠻歸王代仁壽為南甯州都督居石城明一統

志曰石城在曲靖府北二十里滇國一統志曰南甯州本漢定甯州地味

縣唐初於此置南甯州後沒於蠻元初置千戶所隸麻手彌部萬

戶至之中陞南甯州后改為南甯縣本朝因之為曲靖軍民府治此

宏

址在

仍屬焉通志曰故南甯縣城

址在府城西十五里三岔平州中唐書曰

日南甯州漢夜郎地武德元年開南中因故同樂縣置治味四年

置總管府五年僑治益州八年復治味更名郎州貞觀元年罷都督

開元五年復故名天寶末沒於唐唐末置於清溪鎮去黔州二十九日

西洱河在大理府東即今三葉榆也一名瀾河。曲靖人曰曲靖府城是

唐曲州城城之南十五里地名南城是唐靖州城城西北十五里地名

三岔是唐南甯城即協州城姑存以備參考。按放旅途自白水關驛經

猶徙旅

由靖城抵三岔為一站三分山故南為丹治是以其駟猶名南甯順
治十六年徙南甯益州治於交水康熙初因行旅之便遷南甯駟
入交水城其駟猶南甯縣康熙四十三年太宗貞觀八年改
省駟至歸一治益州
西平州曰盤州見唐書明一統志善安亦佑陸涼皆盤州地元宗開元二十六年南詔皮羅閣求合六詔為一制可天寶十三年雲南盡沒於蠻

宋太祖鑿唐之禍棄雲南不通中國諸蠻凡三十七部縣治隸摩彌部為夜苴部元史曰兩治益是契刺二種所居後為摩彌部不集之摩彌部蠻提居交水村築城名陬龍后為大理高護軍逐其子孫為私邑又按元史契刺二種名今聲向去雷益不遠故得居之若縣治平夷鄉於交水為近摩彌勢強契刺二種或未能遠至平夷遂屬大理理宗寶祐四年蒙古立摩彌部萬戶於南甯州領南甯落溫陸涼納垢

馬龍普摩四十戶帝顯德祐二年元世祖至元十三年初置郡縣

改中路為曲靖路宣撫司領南甯倚郭陸涼即落越

州越州之川名魚望普摩部蠻世居之明一統志在曲靖

府城南四十里本唐悅州通志曰放越州此在越州衛北

十五里名羅雄州羅雄夷名其地為塔澈納夷向俗傳為船木

保土山西類六男其一曰崇由立後衣向有羅雄者居此向至

其孫普恐名其部曰羅雄元初熱並摩千戶馬龍即納

至元十三年割恒直部為州雷益州領縣三交水

益州即唐盤州后改其先摩彌部

城立縣在州南二百石梁在州東北五十里羅山在州東南二百

三十里交水村御夷名羅蒙山乃摩彌部東境摩彌部並見元史

設

元世祖二十年七月開雲南駟路設官治之二十八
年以雲南曲靖路宣撫司所轄地廣改立曲靖等處

宣慰司管軍萬戶府以鎮元順帝元統三年以霑益
州所轄交水石梁羅山三縣併歸巡檢司見順帝不
典南霑縣白水司霑益州阿幢橋松韶閑各府有巡檢
一員疑平夷亦有巡檢一員于羅雄州之衛時省是年
改為元至元二年立亦佐縣析羅雄州之衛編戶二
元沙首世領之明修健備考曰統志至元間置亦佐
使沙首世領之明修健備考曰統志至元間置亦佐
舊縣在西北溫縣地蜀漢晉皆與古郡地唐盤州百
五里涼苑溫縣地蜀漢晉皆與古郡地唐盤州百
後沒於蠻號夜直部訛為亦佐縣按元史無亦佐縣
名仍載交蠻號夜直部訛為亦佐縣按元史無亦佐縣
耳隸曲靖路宣慰司羅山三縣順帝事紀未詳明太祖
洪武十四年罷曲靖宣慰司為曲靖軍民府二十一
年築平夷堡通志二十二年置越州平夷二衛統志一
日平夷衛在霑益東一百二十里又曰普安州有平
夷守禦千戶所按普安舊隸雲南洪武二十二年改

徙鎮

隸貴州故有平二十四年平羌將軍何福降阿資作
夷名也故有平二十四年平羌將軍何福降阿資作
駟舍郵亭通黔蜀道石岑堡名曰水隸羅雄之置
沐英以阿資叛服不常請徙越州衛於陸涼鎮之置
甯越堡二十八年罷越州山以王劉二鄉入霑益石堡
因阿資又叛西平侯沐春何福誅之以亦佐縣入流
設流官知縣沙首以罪惠帝建文元年築平夷衛城
在舊城山上二年省平夷衛歸曲靖衛見龍成祖永
樂元年復設平夷衛職龍三年越州土舍祿甯詣闕
貢馬祿甯阿詔授亦佐縣丞置之亦佐城與沙
氏為左右土縣丞見海首龍職冊莊食之孝宗弘治

付

七年建平夷衛石城見舊通志正統武宗正德二年
 調曲靖衛之中右所益平夷衛為右所以衛原部為
 左所見衛官龍職冊指揮使與僉事領之所有十
 總旗付之旗置小旗一有七軍十戶所管百戶
 分馬步兵七屯田輸餉官軍並世襲奇以三戶管任
 平夷衛石城移多羅駝舍駐東關九年建平夷衛學
 十一年頒世宗嘉靖二十五年二月設雷平守備從
 也州見南詔野史請見神宗萬曆十六年以臨元參軍兼
 治雷平守備事熹宗天啟二年雷益夷婦設科叛陷
 平夷衛城改雷平守備為遊擊三年五月建交水城徙
 平夷右所軍士戌之七飭修衛樓櫓廩寺民舍四年

陷

十二月築亦佐石城懷宗十三年削亦佐左土縣丞

乏

沙運泰籍前籍嗣

本朝世祖章皇帝順治元年甲申崇禎十七年二月

明永曆改平夷衛為平夷縣見舊志十六年正月亦佐
 土丞海濶歸附遷雷益州治於交水城與右所官六
 省平夷衛所世襲指揮使等官易守備千總十七年
 匪吳三桂疏乞沐氏勳庄子之十八年以衛所軍

官職田照軍糧例起科編軍舍丁差罷管堡百戶官

以衛千總兼之明初設百戶一員康熙五年以示佐

流產

縣丞海濶地編為里甲海濶人流編刑糧已久濶

恣意飛洒毒虐股削此檣表懇切

奏請其地編為上中下伍營日久安長流下平三里

太平一里歸雷益著為額

遷多羅馬於城中八年罷亦佐縣附以小縣例省九年

五月安插土酋海潤於越州十三年胥吳三桂叛偽

設亦佐縣二十一年雲南平釋滇民之隸逆籍者為

民仍以亦佐縣附羅平州以吳三桂原請沐氏勳庄

併歸附近州縣余家堡等處入平彝二十二年巡撫

王繼文請修學校二十三年以駙丞兼治堡夫事二

十四年以沐氏勳庄變價還民照民糧例起科二十

六年二月裁平彝衛徙由靖府通判駐衛治故左所地

府從督范承勳請三十四年十一月建平彝縣巡撫石文

疏先文再設知縣典史訓導各一員以亦佐土縣丞改

縣管歸以平夷廢衛亦佐廢縣及析雷益州之寄

庄余家堡為治於故平夷衛城三十八年頒平彝縣

印禮部頒新設刻木為記至是四十五年增設平彝縣

教諭光緒二十九年裁雲南各汛千把設警察光緒

三十一年裁雲南巡撫歸總督兼理裁提督學院為

提學使司停歲科試鄉會試係三十二年停三十三年

年裁通省綠營鎮協以下官兵祇留大理提督騰越

開化普洱臨元昭通鶴麗並維西鎮邊景蒙中協等

官三十四年移矣松巡檢司於羊場營以資彈壓

禮 帶

址

古蹟

漢平夷縣 平夷之名於漢始見明一統志謂陸涼州漢平夷縣也滇黔兩志均失其址滇後紀

洪武二十三年建平夷衛於厄勒鋪任中宜曰今滇南勝境東十里平夷所去厄勒鋪五下里按此漢平夷縣當在厄勒鋪然亦無明考

廢羅山縣

元史謂在摩彌部東境雷益州東南一百二十里落蒙山至元十三年設元統三年併歸巡檢司明初建平夷衛城於此落蒙山在今縣治西一里摩彌部今曲靖府雷益州今州治又州東二里曰舊州今沒普安廳志謂在廳西平夷所香羅山下任中宜謂在今之多羅鋪

舊亦佐縣

滇後紀謂在夜直部巴蘭鄉元至元二年遷設烏龍箐巴蘭東五里今廢地

廢亦佐縣城

在今縣治南一百二十里天啟二年田巴蘭鄉遷建

舊平夷衛

舊志謂在縣治西一里落蒙山古城寨明建文元年因險築正統中以風高移今治

廢平夷衛

即今治明弘治七年築正德二年南移二十餘步

黃泥河城

在今縣治南二百一十里崇禎六年遷築亦在城於其地未就

普克城

在今縣治南二十里五樂村康熙三年亦佐知縣房習請遷亦佐縣於其地築

土垣四百五十丈東城甃石未就

交水城

今之雷益州治原駐平夷衛右所官軍

割

平夷所城

在今縣治東滇南勝境外十里普安地舊屬雲南洪武中始割隸黔

平巒山縣

按普安志謂即平彝縣以避桓溫改也在廳屬平夷所西五里香羅山下縣志無改今只存平巒古驛之名廳志不知何據且避桓溫者宛溫也縣治舊隸宛溫按宛溫今之羅平普安平彝諸地

開邊縣

隨初議而未設今存其名而無其地

里甲

民安里

即平夷衛左所分十伍曰馬伍劉朝伍陳鄉伍張斗伍董策伍崔伍張潘伍前大伍田伍聘伍而官田附焉又割流益州之地曰余家堡寄莊

附

物阜里

即平夷衛右所分十伍曰袁統伍袁鄉伍邵科伍李韜伍伍象伍兒金伍王家伍劉鎮伍馬伍缺員伍又衛地之馬場

慕風里

即亦佐之上伍營曰則章阿注赤迫得村豐約

向義里

即亦佐之下伍營曰阿許安定安邊普只普克

久安里 即海土之中五營舊編十甲今改六甲
 長安里 即海土之下五營舊編十甲今改六甲
 獨戶里 即今土丞所居地分作六營
 山半里 在露益之西北分作二十屯
 海半里 夾處曲靖海子內
 即物阜里

區段 宣統二年庚戌七月二十日知縣鍾銳奉文
 設自治局遵部章改里甲為區段因其名而易
 之分為七區

- 民安區
- 物阜區 即山海區
- 慕風區
- 向義區
- 久安區
- 長治區
- 獨戶區

每區分段多寡不一俟查勘後再訂今暫作三十六段

官署監獄倉廩附

縣署即衛守備衙康熙十二年守備李之陞建大門三間儀門三間大堂五間辦事房八間川堂三間後樓五間廂房十四間康熙三十四年駐劄通判沈宏緒於署左增建花廳三間書房三間廂房三間康熙三十四年改為今署四十二年知縣任中宜於書房後建廚房三間花廳右建書房二間道光十八年知縣達洪阿改建後樓五間為正廳三間以作行台同治六年折燬花廳三間廂房三間書房三間十一年知縣萬銓重修辦事房八間大堂五間光緒四年知

縣蕭培基重修川堂三間八年知縣劉樹勳重修頭門三間左右柵子十四年知縣韓再蘭因舊花廳址建正房三間對廳三間廂房四間面房三間十九年大堂圯知縣賈汝讓重修

典史衙在縣右舊驛官署康熙三十四年改為今署道光年間捕廳馬陶重修光緒三十一二年典史李全鏞重修

二十六年知縣蕭仰德改建二堂七間行臺舊即縣署為之二十九年署知縣秦發慶即署後層改建大廳五間左右廂各三間門樓俱全

監獄

一在縣署頭門右二十九年知縣秦發慶新修三間院墻寬敞不似當日之湫隘也三十四年春署知縣陳策賢又從而改造華麗之處有似官衙而無不及焉

罪犯習藝所在縣署儀門內東偏宣統三年知縣陳鑄新修女犯習藝所即土地祠改作

藝

門

駐防廳在縣署右舊為千總署康熙三十四年裁衛改今署把總呂春重修同治二年燬於賊光緒二年把總張家元李佩久暨百總裴永清徐翰卿徐克昌高陞等重建正房三間五年建廂房四間宣統三年捕廳移居焉

監獄在縣署儀門內光緒三年知縣熊開先領款重修二十九年知縣秦發慶重新改建三間院墻寬敞不似當日之湫隘也

廣會倉在縣署頭門內右原儲左所屯糧今廢
倉在交水城內原儲右所屯糧今廢

屯倉一在額勒鋪一在張家屯 今廢

積穀倉原在縣署後 今廢 一在縣署左 今廢

一在縣署儀門內右光緒十六年新修

一在黃泥河光緒十九年建

盛字廩在縣署內右儲汎兵米

郵傳 驛站 堡天 鋪州

元至元二十元七月始置多羅驛明因之設於石岑
鋪之乾橋正德中移東關外康熙五年移入城當羅
平州驛丞歸知縣帶管額設驛馬四十八匹馬夫二
十三名號書二名建驛舍三間馬號房六間並設有
棚廠槽鋤等項器具每歲應需工料各項銀兩向因
本縣錢糧無多不敷坐支春夏二季准由藩庫請領
於優缺各州縣中每年共攤捐銀津貼壹千貳百兩
按季移解以資協濟至咸豐年間疊經兵燹驛舍焚
燬道路梗阻滇省赴京文報改由宣威川陝行走光

奉

緒元年全滇肅清規復舊制秦文通遞東路正驛一
切文報差使往來仍由貴州行走遞送署知縣陳謚
請發庫款興修驛舍在縣之左偏規模仍招募健夫
二十三名號書一名旋又奉文添購驛馬數匹自後
歷年陸續增驛購馬損益健夫其二食銀兩由錢糧
項章支給造報

平彝驛現設驛馬十二匹馬夫六名號書二名遞送
往來文報上至南甯白水司驛六十里下至貴州普
安亦資孔驛六十里

平彝堡原名白水堡始自前明洪武二十四年設堡

平樂縣志

(張允恭抄)

一頁 一面 錯一字

六 一 一字不明

七 二 全右

十 二 全右

十一 二 錯一字另有二字不明

十二 一 錯一字

十三 二 二字不明

十七 一 錯一字

十八 一 錯二字

十九 二 錯一字

十九 一 全右

十九 一 全右

二十六 二 九行(蕭)誤(兼)

二十六 二 二字不明

三十 一 錯一字

三十五 二 錯一字

三十六 一 全右

四十七 一 一字不明

夫一百名以罪人徒充每名歲支本衛穀九石六斗
堡田一百八十畝名醬豆田立百戶一員典之順治
十八年裁百戶歸衛千總裁衛歸驛丞驛丞裁歸知
縣帶管 見舊志

滇省有驛州縣例設堡夫係預備各項大差餉銷火
牌摺本過境以供接運批指之役其應發工食原額
有田之堡夫日給支銀一分八厘無田之堡夫每夫
日支銀三分按季赴藩庫請領內扣三成搭放新錢
咸豐以後疊經兵燹此項工食停放日久至光緒二
年奉文通飾先將東路之滇陽板橋楊林易隆古城

馬龍三公交水定南平彝普魯吉火忽都共小大十
二堡之堡夫一千零八十八名先行招募復額其滇
陽板橋楊林易隆古城馬龍三公交水定南平彝十
大堡有田堡夫六百八十二名每名日應支工食銀
一分八厘季支銀一千一百零四兩八錢四分除扣
甲錢本銀三百三十一兩四錢伍分二厘又扣公款

銀七十二兩一錢七分九厘實支銀七百零一兩二
錢九分除扣外每年共支實銀二千八百零四兩八
錢三分六厘又十堡內無田堡夫一百一十八名每
名每日應支工食銀三分每季除錢本公款外實應

支實銀五百四十四兩九錢二分八厘每年共實支銀二千一百七十九兩七錢一分二厘該堡夫等俱係有業農充當遇有差使到境上站應役無差各安耕鑿不致因此曠日失時自光緒二年正月為始將東路十二堡堡夫統按應領實銀之數發給二成二食以資津貼令其照常抬運俾免悞公俟善後局事竣之日再為照例全支以符定制

平糶堡堡夫照二成支發除錢本公款外實支銀四十兩四錢四分一厘每年春夏二季自行赴藩庫請領秋冬二季由縣坐支

自軍興以來差務繁殷往來絡繹各州縣設立夫馬局派用民夫藉資供應平糶由六里地方按戶科派每歲用至二千數百金不第光緒九年上台奏請裁革民困始蘇旋奉文通飭清查堡田原額若干經署知縣傅炳墀督率紳士查勘平糶堡原額堡夫一百名堡田一百分分為四甲每甲夫頭一名歷年承充抬運一切往來差使但年深月久轉展典賣其中保無隱漏遺失及實在荒蕪之處現經紳士查出四甲堡田約共六百數十造具花名清冊申報在案

行臺打掃夫二名向由海土丞供應現已一律裁免

關哨汎塘

勝境關在城東十五里為滇黔交界自然險阻不惟風雨攸殊而且氣候各異天之所以限滇黔也咸豐四年因警知縣施仲麟據險築關關上建樓一座關外有哨

丸

豫順關在城東五里高瞻遠矚一覽無餘茶亭關在城西關外兩山夾逼一丸可封雖秦之函谷莫踰其險也分水關在城北滇南勝境哨在關外百餘步為黔地

宣威哨在城東十二里

揚威哨在城西七里

乾橋坪哨在城西十五里

山黎菓哨在城西二十里

嚮水哨在城西二十五里

梅子崖哨在城西三十里

棠黎灣哨在城西四十里南甯地今改隸雷益州

永安哨在城東南二百里舊屬亦佐汎

亦佐汎今廢在今城南一百二十里亦佐廢城

黃泥河汎今廢在城東南二百里

滇南勝境步塘 在城東十五里

升官坪步塘改為兵塘 今無在城東十里

豫順閑步塘塘房 在城東五里

平彝在城馬塘今改步塘

揚威哨步塘 在城西七里

多羅鋪今無步塘有無塘房 在城西十五里

山黎菓步塘 在城西二十里

土地坡步塘 今改道廢在城西十五里

以上十二塘屬平彝汛

黃泥河塘 在城東南 乾河塘 在城南一百 亦佐塘 在亦佐舊城

阿白寨塘 在城南一百 稗子坪塘 在城南 寬塘 在城南九

龍潭塘 在城六十里 羊場塘 在雷益地城 張銘鋪塘 在城南三十里

以上九塘屬亦佐汛今無

演武場在城東門外

水利

大壩在城東南六里引東堡河水灌溉黃土坡田百餘畝

溝

木規溝在城西北三里於馬房冲河紅崖子架木規由張家灣入望門分溉民田數百畝今河身漸高木規無用循舊道入城咸豐年間居民即城北鑿池蓄吸冬春二季尤為稱便既盈導引出南門

東溝起東鋪河歷龍海溝至嚮水計八里灌溉民田數百餘畝西溝起清溪洞上鯉魚潭歷鹽廠庄至盧家橋計十里灌溉民田數百畝道光八年知縣許應

元新開儒學訓導東本敦暨紳士監督

丁巳堤在城西百餘里嘉慶四年知縣王子音築今無存

官井在城西北隅引馬黃沖河入城咸豐十年鑿池
城梗脚儲水以濟冬春汲飲

李家官井在城中街李姓宅內鑿自前明李氏世襲
衛官時地勢雖高井泉不涸

双眼井在汛署前一井双口也

鳳眼井在城南外數十步小橋左右双碧澄清昔人

以城形似飛鳳翔飲故掘井以配之今廢

撐竿井在西台寺下濱河泉清而冽以竿挹之不假

人力

新井在西門外百餘步光緒二十四年正月修

津梁

豫順橋俗名大橋在城東國外里許明萬曆間邑人張大雲建光緒二十一年知縣韓再蘭暨紳民捐貲

重修

祈嗣橋在城東七里東鋪河明萬曆五年指揮李厚建今圯

曉橋在城東關外百餘步乾隆年間紳民興建曉風殘月早行况味亦佳

灑泉橋在城南門河半里光緒十五年知縣韓再蘭因改河興建名曰灑泉志不忘也

紅崖嶂橋在城南三里明萬曆間軍人賈汝貴建今圯

迎鳳橋俗曰胡馬橋在城西南里許繞城諸水均匯於此咸豐四年知縣王廣華暨紳士商建以為縣治風水有關

石岑鋪橋在城西十五里亦名乾橋萬曆五年指揮李厚建千戶田嘉禾周良用軍人張大雲建界牌鋪橋在城北十五里萬曆五年指揮李厚千戶田嘉禾建今圯遺趾尚存在今之四百戶屯

界牌橋在城西北八里萬曆二十四年分巡道高薦

捐貲檄經歷湯廷良督建作亭三楹 今廢
起鳳橋在城南門外百餘步舊河乾隆元年公建光
緒十五年改河橋廢

霖雨橋在城西二里清溪洞門前時值久旱橋成得
兩臺以誌之建於康熙年間

古橋在城西二里霖雨橋上今圯

子諒橋在城南三十里轉灣嘉慶二十二年邑人程
子諒建

錫福橋在城北三十里后所道光辛卯年鄉飲蕭彥
建咸豐壬子文生蕭彥重修

洞灘橋在城南五十里建於明中乾隆四十年士民

劉誠李文燦張寶吳應魁王朋洪尚敏周化洪沈廷
獻重修道光三年劉大用王服張國順張應祥培修

三十年張國順吳尚明楊仲春吳世相李輔唐補修
光緒七年秋水暴漲冲損紳民願天職胡文沛姚本

唐劉光澤等重修

塊澤橋在縣治西南一百二十里亦佐舊地懸崖峭

壁崔橋高架有馬從天上渡人在樹稍行之勢東西

有関一夫當之萬人莫踰関上有亭行旅休息處也橋

之東一巨石獨立寬廣數尋前人因崖鑿路創建觀

旅

音寺有樓遊人棲止風水聲喧山鳴谷應覺慮凡心
一洗而盡也真仙人所居余曾題曰亦普陀

抹閣橋原名龍鳳橋在縣治東南二百三十里嘉慶
四年五樂村黃好仁建光緒七年秋水泛漲沖倒八
年村民徐宗鵬倡首重建

兩橋在城西關外百餘步一曲驪歌千條盡向析柳
贈行依稀霸陵風景

培元橋在縣治東南二百里黃泥河地咸豐五年邑
人張養貴王見龍陳祖鳳及普安龐姓建創

永安橋在城東南二百里亦佐舊地康熙三十六年

建今仍舊

一在縣城北三十里同治甲戌村人蕭純建

一在城東七里東鋪河

興隆橋在城東南二百里亦佐舊地康熙三十六年
知縣趙宗武建

亦陽橋在城東南二百里亦佐舊地

魯基營橋在縣治六十里道光十八年耆民耿鳳岡
暨附近村民建一民名六合橋

河口橋在城西二十七里咸豐壬子年劉仲達蕭鳳
建

龍鎮橋在縣南七十里四學庄光緒七年鄉飲李朝
文等建

同草堤橋在城南六十里今圯年名無考基此猶存
此即天緣柳

淫旅

普濟橋在多羅海中淫雨泛濫行旅維艱光緒癸巳
知縣賈汝讓請款建修

天緣橋在城南六十里同草堤村外舊有橋久圯行
人苦之光緒三十年辛卯知縣秦發慶因鑲款而捐
資以成之

壇廟寺觀

亭臺樓閣坊表樹

社稷壇在城西北仍舊

風雲雷雨山川壇在城南仍舊

厲祭壇在城西仍舊

先農廟在城東教場下康熙年間建同治十一年知

縣萬銓重修光緒十九年知縣賈汝讓重修

龍神祠在城東雙碧潭上乾隆年間建道光五年

知縣羅祖望修同治五年士民重修

鄉賢名宦忠義節孝祠在營官戟門外同治十三年

重修

蓋忠祠咸豐十年參將何占標知縣李鳳翬暨閭邑

紳民建於武廟側以祀陣亡官兵

文昌宮舊在訓導署敬業堂地乾隆二十四年知縣

鄒越重修嘉慶四年知縣王子音教諭鄒有後移置

書院鳴鳳閣光緒八年通學重修

武廟在縣治右前崇禎中總兵陸盈丙重修康熙三

十九年知縣任中宜重修道光二十五年知縣馬建

勳把總尹開元重修宣統元年重修

魁星閣在文廟左偏明倫堂前嘉慶十八年通學建

光緒十年重修一在文廟右偏乾隆十一年建同治

十一年折燬

城隍廟在縣治左係舊建康熙三十六年通判何旅
增添建后殿四十二年知縣任中宜重修乾隆四十
九年知縣符失名熊失名典史張日明重修添建大
門四間道光二十二年知縣馬午陽重修光緒十六
年知縣韓再蘭重修民國元年壬子改建於舊典史
署

以上春秋二季均有祭祀

東嶽廟在城西南隅建自明時乾隆丁未邑人張雲
鵬楊發元重修光緒十一年補修

城隍廟一在亦佐舊縣城內光緒九年居民重修一
在黃泥河城內嘉慶十五年重修光緒十七年居民
移建東門外衛屯處均有原當日千百戶分屯故也
元帝廟在城南二十五里同治八年重修
祖師殿在城西十五里石岑鋪道光十六年移建村
西光緒八年村民重修

以上均歸俗祀

闕聖宮在城東十五里明萬曆中建康熙三十四年
總督王繼文重修嘉慶二十一年知府長失名知縣
王失名重修道光十七年巡撫顏伯燾知縣達洪阿

重新改建大其規模光緒九年紳民重修一在亦佐
舊治右咸豐十年居民重修

三元宮在城西半里古城寨下明初黔國公沐英建
嘉慶間邑人重修今正殿已圯僅餘前殿光緒九年
邑紳重修

西台寺在城西半里古城寨下萬曆中指揮李厚建
明末流寇燬康熙九年軍人陳洪祖重修道光十五
年邑人李伯琦楊作本重修光緒五年邑人補修
玉貞觀在城東五里萬曆時由白馬山移建康熙八
年雲南驛鹽道副使趙廷標重修二十二年綏遠將

軍總督蔡毓榮重修四十二年知縣任中宜重修同
治十三年知縣陳謐邑人陳發昌捐修左廂

觀音寺在縣治南一百二十里天生橋康熙五十八
年建同治六年附近居民重修一在塊澤橋東乾隆
五十八年卑塊兩廠士民建同治五年一在匹得
村一在乾河箐口一在馬憂村

永福寺在城南五十里白崖山建自前明康熙五十
年邑紳暨住持智淨古原重修乾隆二十八年住持
通和瑞峯崇重修同治元年住持楊岐重修

張口洞廟在城東十五里巒岡山上創自前明嘉慶

十一年荀有卿興修道光二十二年耆民張相武張士揚貢生劉耀南重修

迴龍寺在城東七里湯家屯嘉慶元年村民賀廷佐蔣之高李富唐郭文煜黃文舉建同治五年賀文光李時芳張宗富郭甫重修

玉皇閣在城北三十里迤后所嘉慶丁丑年監生蕭啟丙文生王朝祿建同治乙丑住持法本重修一在城北二十五里外后所嘉慶十一年村民建光緒十年村民劉丙榮重修

漢相祠在縣署儀門內左兩間光緒二十六年修

姥母殿在城東南隅乾隆四十年士民建道光十五年署開化府知府廣裕知縣黎恂等官重修

清溪洞寺康熙四十五年建樓三楹茶亭一間道光二十八年知縣沈世良建疊翠軒三間咸豐六年樓燬光緒八年紳士重建光緒二十年知縣賈汝讓因軒舊址建客亭三間

永興寺在亦佐城東門外建自明時同治十年僧趙榮重修光緒十四年拔貢李恩光暨亦佐紳首捐修白雲寺在縣東南二百里黃泥河地萬曆初年僧萬德雲遊到此結茅為菴僧密行因此力闢荆棘易茅

為瓦亦佐知縣房習另建雲岫菴後燬於兵康熙四
年亦佐知縣何繼芳捐折公署移建於白雲捧月山下
名白雲寺乾隆初年僧曉千重修嘉慶二年黔苗燬
僧萬德資紳耆力復建修大殿翼室齋厨俱備光緒
七年僧度景重修十七年建樓一區於寺前

雲岫菴在白雲寺側永曆辛卯亦佐知縣房習建於
白雲寺下戈當村嘉慶二年苗燬道光十三年僧廣
信改建捧月山中

碧雲寺在城南三十五里

垂虹亭在灃泉橋側光緒十五年知縣韓再蘭建一

曲農歌滿城烟樹天然圖畫夕陽晚眺賞雨幽軒絕
好風景也

臨

文明樓在城中十字街規模宏敞氣勢雄偉把酒

風登高作賦羣山萬壑都歸眼底洵一邑大觀也

東樓臺應推此為最先緒二十年甲午知縣韓再蘭

興建桂林殿撰張建勳典試雲南差回過此題額並

書

瞻雲亭在豫順仙橋東百餘步光緒二十一年春士

民為知縣韓再蘭建今廢

太和元氣坊在文廟前乾隆初年建光緒十五年通

學重修

丁巳坊在縣署儀門內嘉慶二年丁巳知縣王子音

建

遺愛坊在城東十五里滇南勝境雍正九年全滇官

紳士庶為鄂文端公立顏白德崇業竣

滇南勝境坊與遺愛坊並峙明景泰中巡按御史洪

弼立

節制坊在城西關外明唐時英建今圯

全陝保釐在小西關明唐時英建今圯

進士坊在城西明張聰建今圯

貞節坊在城中明張濬妻馮氏建今圯

貞烈坊在玉真觀道光二十六年烈婦陳劉氏立今圯

鳴鳳閣在平城書院內嘉慶年建光緒丁未重修

養濟院在城西茶亭坡外今圯

滇南屏藩坊在城內城隍廟左

衛坡坊在城內衛坡上今改為平糶小學堂坊

景忠祠在平城書院左側光緒二十年建未成

節孝總坊在東門內衛坡光緒二十五年公建

楊陳氏節孝坊在西門內火巷光緒二十五年建

食貨志

戶口 田賦 積儲 經費 物產 蠲卹 礦廠

閭

古昔盛時食貨有經田賦有制上自朝廟燕享下逮閭閻交際莫不節之以禮蓋由中古風氣漸開嗜欲日起有飲食即有出入而財用是需固不類於上古狃榛未化茹毛飲血老死不相來往者古聖王量入準出垂為經常其謹小慎微至周且密也平邑山多田少地瘠民貧竭終歲之勞苦不足以贍其父母妻孥而生死葬祭無論也國家念切邊氓易其田疇薄其稅斂減蠲之書屢下

毛

瘠

孥

誠

張卹之典特頒猶復殷殷垂誠內外臣工水旱凶歉必以聞陰晴雨價必以報計全滇歲賦不敵中州一大縣而經費等於中都出入不敷挹注他省朝廷之於滇民可謂至矣其取諸滇也如此之薄其與於滇也如是之厚果何有利於滇耶誠以聖天子招攜懷遠舉動有出於尋常萬萬者也官斯土者於民生見凋敝之餘於物力知艱難之故於積儲須念萬姓之託命於土產應識百物之相宜當思如何生聚如何教訓如何勞來而安集撫字之豈徒按簿書事催科以塞其責也哉况加富加教

聚

之經即懋官懋賞之符亦何樂而不為乎至於生
斯土長斯土為四民之先者須仰體

聖恩之高厚父詔兄勉以鼓其作育之氣咸曉然於
則財恆足之經勿虛糜勿浪費和親康樂共登仁
壽之域此食貨志之所以作也

戶口

舊志載原額廢衛軍分上中下三則共五百三十丁
衛廢弁舍分上中下三分則共一百八十丁亦佐夷
地例不編丁自康熙三十四年裁衛設縣後夷衰漢
旺漢民陸續增添夷民漸次減少亦未經實造狃亂
後戶口凋殘人丁逃散尚未復額自肅清以來安居
無事四十年滋生長養日漸繁昌約計現在共二萬
四千九百零戶拾萬零二千三百一十丁口零
宣統二年大造實得戶三萬 千零得丁口共十四
萬千零

田賦

原

原額屯地九十頃五十二畝六分七厘二毫一絲
七忽該夏稅本色麥一千一百三十三石九斗一
升三勺八圭八粒內除荒蕪無徵外成熟屯地三
頃四十五畝九分六厘該原徵夏稅本色麥四十
三石八升二合三勺三抄六撮二圭九顆四粟康
熙三十四年內巡撫石文晟

題准河陽縣民地上則每畝科稅五升九合二勺一抄
該實徵夏稅本色麥二十石四斗八升四合二勺
九抄一撮六圭每麥一石編條銀六錢三分九厘

五毫八絲三忽該實徵條編銀十三兩一錢一厘
四毫四忽六微七纖四塵四渺一漠

原額成熟官地四十畝該原徵夏稅本色麥十二石
今照河陽縣上則每畝科稅五升九合二勺一抄
該實徵夏稅本色麥二石三斗六升八勺四勺每
麥一石編條銀六錢三分九厘五毫八絲三忽該
條編銀一兩五錢一分四厘七毫八絲八忽三微
七纖七塵二渺

原額屯田二十六頃三十六畝三分九毫七絲五忽
該秋糧本色米六千四百一十五石七斗五升九

合七勺八撮八圭三粒折色三錢二分米四百三十石該銀一百三十七兩六錢內除荒蕪無徵外成熟屯田三頃五十七畝三厘七毫六絲七忽六微五纖該原徵秋糧本色米一千一百一十三石九斗一升一合四勺八抄今照河陽縣民田上則每畝科糧八升一合八勺三抄該實徵秋糧本色米二百七十四石七斗六合三勺九抄三撮六粒八顆每米一石編條銀六錢三分九厘五毫八絲三忽該實徵條編銀一百七十五兩六錢九分七厘五絲毫八忽九微九纖七塵六渺二漠

原額官田二十頃六畝六分該秋糧本色米四百二十一石三斗八升六合折色六錢米一百八十石五斗九升四合該銀一百八兩三錢五分六厘四毫除荒蕪無徵外成熟官田四頃四十四畝六分二厘該原徵秋糧本色米九十三石三斗七升二勺三抄該實徵秋糧本色米三十六石三斗八升三合二勺五抄四撮六圭每米一石編條銀六錢三分九厘五毫八絲三忽該實徵條編銀二十三兩二錢七分一厘一絲一忽一微二纖六塵八渺三漠

原額馬場銀二百六十六兩六錢一分六厘七毫內
除荒蕪無徵外實徵銀一百四兩二錢九分八厘
亦佐原額民地五十六頃五十九畝三分四厘七毫
二絲每畝科稅五合五勺三抄該夏稅本色麥三
十一石二斗九升六合一勺九抄一粒六顆
原額夷方原無地畝免丈照納夏稅本色四十石
原額民田五頃六十八畝六分五毫該秋糧本色米
一十一石九斗四升七勺五撮
原額夷方原無田畝免丈照額辦納秋糧本色米九
十石三斗三升六勺

原額茶編俱係營火村寨辦納銀七百五十五兩三
錢七分五厘九毫又額辦金價銀二兩九錢四厘
六毫二絲四忽五微一塵六渺又額辦協濟站銀
二十二兩又每石編地畝銀一錢一分四厘八絲
三忽該銀十九兩八錢一厘九絲九忽九微六纖
三塵五渺共茶編銀八百兩八分一厘六毫二絲
四忽四微六纖五塵一渺
實益州額內就近割歸中下二五營夷地免丈額辦
夏稅本色麥九石六斗四升一合八勺該茶銀二
兩八錢九分二厘五毫四絲

平糶寄庄夏稅本色麥一石五升

余家堡田二十五畝該秋糧本色米七斗五升一合

七勺七抄五撮奈銀三錢七分五厘三毫九絲五

忽九微一纖四塵三渺三漠

平夷寄庄免丈田畝該秋糧本色米二十二石六斗

九升六合三撮奈銀一十一兩八錢五分七厘四

毫七絲三忽九微八纖八塵六渺四漠

中下二五管夷田免丈照額辦納秋糧本色米二百

七十九石七斗五升九合九勺四撮一抄除荒蕪

無徵外實徵秋糧本色米二百四十三石四斗一

升九合六勺六抄六撮實徵奈銀七十三兩二分

二厘八毫八絲四忽八微

以上額徵奈銀一千二百六兩一錢三分

六厘五毫六絲二忽三微四塵一渺三漠額徵

丁差銀三百十四兩七錢八分

一起運項下銀八百四十四兩四錢九分五厘六毫


六絲二忽三微四纖四塵一渺三漠

一存留項下銀六百七十五兩八錢四分

額徵本色夏稅麥一百四石八斗四升六勺八抄

一撮六圭一粒六顆 本色秋糧米六百八十石

二年二升八合三勺四抄六撮六圭六粒八顆



積儲

常平倉原儲京斗穀九千餘石咸豐六年軍興藉費
社倉原儲京斗穀四千二百零九石五升八合俱係
正副里長經管收放按年查報軍興而後裸粒無存
光緒十五年巡撫譚鈞培奏請通省積穀由米折項
下每石於開徵日帶徵足淨錢二百文按市由各處
購存以備凶荒賑濟十年後再行定奪當於本年內
先由厘金餘平項下按州縣發給銀叁百兩照市購
買於今本城現儲倉穀
歸官經報

黃泥河於光緒十八年知縣賈汝讓由項下撥發銀
興建倉房購存積穀由本地紳士經管收買盤查造
報於今現有倉穀


倉廩

廣會倉在縣署前右原儲左所屯糧今廢
交水倉在交水城內原儲右所屯糧今廢
屯倉一在額勒鋪一在張家屯今廢
盛字廩在縣署儀門內右偏原儲平黃汛兵米今兵
裁米無存

常平倉在縣署西偏今廢

社倉在縣署後今廢

積谷倉在縣署儀門內左光緒十五年新建
一在黃泥河光緒十八年設



經費

知縣一員歲支養廉銀八百兩俸薪銀四十五兩門子二名皂隸十五名民壯四十名禁卒六名轎扇傘夫七名庫子二名斗級二名每名年工食六兩

政

宣統三年平糶知縣酌給月領薪費六百元以八成支領時以變政未成
民國元年批准月給一百元
民國元年六月本衙分科辦事設主計科以管錢糧出入行政科以辦上下移咨公文司法科

以辦民刑訴訟等事月共支經費三百五十九元
教諭訓導各一員每員歲支俸薪銀三十一兩五錢

分二齋夫二名膳夫二名門子二名民每名年支工食六兩喂馬草料銀十二兩

典史一員歲支俸薪銀三十一兩五錢二分門子一名皂隸四名每名年支工食銀六兩馬夫一名年支工食銀六兩

文武廟春秋各壇祭祀銀二十兩厲祭銀六兩鞭春酒席銀三兩貢生標匾銀十二兩廩膳生二十名每名年支廩餼銀二兩四錢 鋪司八名每

名年支工食三兩

按各工役食以及鞭春祭祀標廩餼均由地
丁坐支惟各官廉俸春夏由本處坐支秋冬赴
藩庫請領

把總一員養廉銀九十兩俸薪銀三十六兩例馬二
疋草乾銀二十四兩

原額戰守兵一百二十名戰兵每名歲支餉銀
十八兩米月支倉市升五升守兵每名歲支餉
銀十二兩米月支倉市升五升
按汛兵自節次奉文裁汰至今官兵無存

物產

稻

穀屬

稻凡十餘種約以紅白黏糯概之又有香穀名曰晚香最佳又有粟穀
 麥有大麥小麥雁麥數種
 黍有黃白二種
 苞穀有黃白二種亦名芋麥
 豆凡數種約以黃豆南豆飯豆豌豆金豆樹豆小豆四季等豆
 麻有火麻胡麻二種

稗有粳糯數種

蕎有苦甜雜等種

食物

油 酒 草果 冬米 白麵 惟平最佳 花椒
 烟 豆腐 豆軒 豆豉

蔬屬

薑 芥 葱 韭 蒜 茴香 白菜 青菜 蕨
 菠菜 芹 白荷 藕 蘆葦 紅苕 蒿笋 芋
 苦蕒 苜蒿 茭笋 瓜 薯 蠻荊 秦椒 茵
 甘露子 鷄菜 木耳 香菌 蕪白 茄子 瓜
 醃椒 樹花 牡芭 塞耳根 竹笋

果属

梅 桃 李 杏 梨 柿 石榴 胡桃 松子

麻子 木瓜 香椽 橙 葡萄 林青 山楂子

枇杷 甘蔗 羊枣 櫻桃 枳棘子 救軍糧

花生 白果 楊梅

花属

牡丹 茶花 梅花 桂花 杏花 李花 桃花

梨花 海棠 梔子 繡毬 紫薇 木筆 茄蘭

蘭 菊 山丹 小桃紅 冬青 粉團 仙人掌

芍藥 蓮 鳳仙 龍瓜 鷄冠 玉簪 金銀花

三台 罌粟 金絲蓮 茁著 葵 芭蕉 石榴

木属

椿 松 柏樹 楸 梧桐 楊 柳 槐 樟

梓 杉 桑 黃楊 棠梨 栗 榿 皂角

水冬瓜 白果 枳棘

藥属

沙參 茯神 茯苓 厚樸 南星 半夏 枸杞

薄荷 紫蘇 車前 首烏 葛根 寄生 防風

藁本 香附 紅花 黃芩 麻黃 黃柏 黃精

柴胡 荆芥 草烏 木賊 升麻 續繼 山楂

砮 雄磺

土属

璣 麝 草紙

汗烟 土藥


牛黃

石加皮

蠟

蜜

花楸



蜀郵

康熙二十四年巡撫王繼文奏發常平倉賑卹孤貧

二十八年盡蠲通省通欠

四十三年詔免通省田賦

五十年詔免通省軍民地畝人丁銀

同治十一年全滇肅清各屬抽收厘穀通欠錢糧概

行着加

恩免 兼署雲貴岑毓英 奏請雲南自軍興以來

逃 凶荒蕪甚請照各邑現徵呈數報解俟十年

限滿再為清查酌定蒙

旨俞准

光緒五年 總督劉長佑 奏派委員查辦開墾丈量

清查

八年十一月 藩司唐炯請奏免全省民夫民

馬由善後局籌款開支

十年議加津貼照糧每米一升加徵三文

十三年六月十八日洪水知縣劉樹勳據稟

上憲委勘發銀伍百兩賑卹公議以工代賑重修

西南附郭河堤

十六年 巡撫譚鈞培奏照各省積穀每秋米

一石加收二百文十年後再議

二十年十月巡撫譚鈞培奏免小河灣等處被
水田四十餘畝應徵銀二十八兩零糧十九石
零

十七年水災知縣賈汝讓稟請發銀一千兩築
堤散賑

三十三年旱災由省於

帑 上發帑金交一千兩與署縣陳策賢代賑因平不甚

災此銀未散尚存署看作何公用

秋八月羅多鋪被水臬憲沈過此目睹災區即

請發銀一千餘金委員同陳署縣散賑

三十四年五月阿許營阿母朵火災報發銀五
十四兩 宣統二年冬賑則章小堤火災六十
餘戶三年報阿汪雨采火災均酌發

礦廠


塊澤廠在縣亦佐城西二十餘里塊澤橋上河濱與
卑浙廠對峙產鉛鑛不知開自何年道光以前頗形
旺象縣署可得鑛鉛數千金課商民千餘戶資以為
生自咸豐後礦低水淹商民四散儼然一村落也
平彝諸山多產銅鐵硝磺礮礮如近城之所了口
離城之東瓜凹均各出銅但不甚豐旺旋開旋閉居
民亦有因此致富者然不能若湯得落雪之源源不
竭也

距城一百五十里拖足地面產礦兼出礮其他處亦

產聞能雄能硃礮礦未經試驗

10350.25
29-
13

學校志
武備志



平彝縣志

卷五下

清室流平彙考新志卷五

五 一 下 二 他 漢 三

五 三 三 上 の 建 漢 併

五 三 三 上 の 榮 編

五 三 三 上 の 聖 漢 編 五

五 三 三 上 の 聖 漢 編 五

抄略不教五

學校志

廟學書院義學學額

學校之設由來舊矣夏校殷序周庠學則三代共之自國學以至鄉校由王世子諸侯元子以逮凡民之俊秀者皆得肄其業焉君子讀闕宮伴水知魯之所以興觀成闕青衿識鄭之所以廢學校之廢興國家之隆替因之然師道立則善人多賢才輔而天下治如欲化民成俗其必由學矣

國家建立學校作育人材設學院學官以重其職後詔天下郡邑均立廟學有司歲時致祭與諸生習禮其中其尊崇雅意樂育深心固欲人知禮讓俗尚敦龐並養其士氣以供

朝廷之用邑為古荒地漢唐宋元土司竊據學校未興明初始設衛學典禮未備康熙二十六年裁衛學附諸三郡三十五年始即廢衛廢縣設立今治增廣學額會督撫大僚題請修葺滇黔文廟於時規模大備燦然可觀講習有基人材倍出二百年來沐

聖朝雅化其間掇巍科擢高第入境者聽絃誦鼓歌知
此邦有人焉士幸生明備禮陶樂淑鍾山川靈秀之
氣流泮壁芹藻之輝能不爭自琢磨仰副

聖天子崇儒重道加意右文與鄉先輩輩後先媲美也
我因志學校而以書院義學附之竹虛

文廟

舊文廟三間大成門三兩廡十間明正德九年建在衛治右萬曆六年重修二十七年又重修天啟二年為設斜燬崇禎八年復修康熙七年總督卞三元遷建衛治左二十二年綏遠將軍蔡毓重修三十八年知縣任中宜重修增啟聖宮三閣照壁一座櫺星門一座道德門圍牆全備乾隆二十四年知縣鄒重修嘉慶元年教諭鄒有俊重修大成殿啟聖宮至同治十一年歲修小補隨時有之然坍塌已甚知縣萬銓

暨兩庠創意培修僅將大成殿陞高三尺尚未落成遽爾構訟經費不敷中止十三年知縣陳謚任縣事續捐資重修因舊制而大其規模工程越三寒暑始竣墻垣階梯煥然一新並將啟聖宮移正新修光緒三十年因積款重將大成殿後墻修補完備明倫堂三間在文廟左康熙三十八年知縣任中宜新建光緒元年知縣陳謚重修奎閣在文廟左乾隆年間兩庠新建光緒六年重修一在文廟右建於乾隆年間折於同治十一年遂廢

教諭署在明倫堂後康熙三十八年知縣任中宜建大門一間住宅三間左右廂房五間並建訓導署在舊文廟趾住宅三間廳房三間大門一座

學額

明平彝衛學廩膳生員二十名 增廣生員二十名

歲科兩試每案取入充附生八名 二年一貢

亦佐縣舊無學附府每案取入三名

康熙八年裁縣附羅平州每案取入三名

國朝平彝縣學廩膳生員二十名 增廣生員二十名

歲科兩試每案取入充文武附生十二名

二年一貢 十二年一選拔

光緒壬寅停歲科試癸卯改試論策經義丙午停科舉改作十年三科舊存舉貢保送赴京考職選

用廩增附就省考職註選至丙子停止

書院

平彝書院在縣治右久廢無稽 平城書院在文廟右建始于嘉慶四年知縣王子音至光緒六年知縣宋寶斌重修

義訓書院在城南光緒二十三年知縣石渠集內
外紳糧謀籌巨款一萬三千餘兩創建正房五大
間陪房四間講堂書樓三大間大門五間左右書
舍十二間照壁柵子垣牆俱全共費銀五千餘兩
前後三年始落成存款七千餘兩作為院中接年
生息經費三十一年改為義訓學堂三十二年改
為高等小學堂

復禮書院在亦佐縣光緒二十四年知縣石渠因
生童赴城途遠創建正房五間陪房四小間費銀

三百二十兩三十一年改為蒙養初等小學堂三十
四年並小學堂亦裁減

向義書院在縣地黃泥河光緒十年本地集款建修
三十一年改為蒙養初等小學堂

義學

本城義館一堂在縣治東偏瓦房三間耳房二間大
門一門 慕風里義館一堂在亦佐舊城瓦房三間
今圯 向義里義館一堂在黃泥河瓦房三間 久
安里義學一堂在普魯岡今圯 每年由考列優等

教讀脩金由官租項下赴縣領二十兩光緒癸卯傳

廢

祭儀

省牲

正祭前一日儒學率諸生演禮於明倫堂由縣署迎執事榜張貼大成門執事者設香案於省牲房省畢遂烹牲以毛血少許盛盤餘以淨器盛貯祭畢埋之其牲須連皮肉烹熟共祭

正獻

知縣正印官

分獻

儒學教職

均用朝服

祭樂

舊用八佾今六佾 麾籥一面 搏拊二面 琴六張 瑟二張 祝二座 敔一座 笙六把 簫六管 龍笛四管 壎二枚 篪一管 排簫二個 籥三十六枚 翟二十六枚 應鼓一面 金鐘十六個 玉磬十六個 旌節二柄 舞衣三十六件

通十九事

樂章

迎神樂奏咸和之曲

大哉至聖道德尊崇維持王化斯民是宗典祀有常
精純並隆神其來格於聖容

奠帛樂奏寧和之曲

自生民來誰底其盛惟師神明席度越前聖柝帛具
成禮容斯稱忝稷非馨惟神之聽

初獻樂奏安和之曲

大哉聖師實天生德作樂以崇時祀無崇教清醑惟

馨嘉牲孔碩薦羞神明庶幾昭格

亞獻樂奏景和之曲並三獻

百王宗師生民物軌瞻之洋洋神其寧止酌彼金罍
惟清且旨登獻惟三於嘻成禮

徹饌樂奏宣和之曲

犧象在前豆籩在列以享以薦既芬既潔禮成樂備
人和神悅祭則受福率遵無越

送神樂奏祥和之曲

有嚴學宮四方來宗恪恭祀事威儀雖止歆茲惟馨
神馭還復明禋斯畢咸膺百福

祝文

惟先師德隆千古道冠百王揭日月以常新自生
民所未有璧雍鐘鼓咸恪薦以馨香泮水膠庠亦自
嚴夫俎豆茲以仲春秋幸修祀典肅展微忱配以復
聖顏子宗聖曾子述聖子思子亞聖孟子尚

社稷祝文

曰品物資生蒸民乃粒養育之功司土是賴惟茲仲
秋禮宜報祀謹以牲帛酒禮柝盛庶品式陳明薦尚
嚮

風雲雷雨壇山川城隍

惟神妙用神機生育萬物奠我民居足我民食今當
仲春秋幸修典禮肅展微忱尚享

厲祭壇祝文

維某年月日某官遵奉禮部劄付為祭祀本縣闔
境無祀鬼神等眾事該欽奉

皇帝聖旨普天之下后土之上無不有人無不有鬼神人
鬼之道幽明雖殊其禮理則一故天下之廣兆民之
眾必立君以主之君總其天又設官分職於府州縣
以各長之各府州縣又於每百戶內設一里長以細

武備志

兵制 師旅考上下

蓋聞兵可百年不用不可一日不講古者寓兵於農兵與民合而為一自井田廢阡陌開徭役興召募起兵與民始分為二竭天下之財賦半耗於行伍而卒至驕墮成風臨事不能收其效此有心人歎古制之不可復而有去之之說也爰及漢唐晉宋元明諸代一變而為南北郡國之軍再變而為郡廂五衛之萬戶之軍三變而為京營衛所邊防之軍居中重馭輕相維相繫均足以安內而攘外

其立法非不善而唐之府兵尤為近古乃法積久而弊生愈失愈救愈失其流弊有不可勝言者我

朝騎射開基武功赫濯震今鑠古而於兵制為尤詳內而八旗禁旅拱衛神京外而協鎮參游聯絡聲氣加以各省之駐防沿邊之戍守勁旅雄師列營相望一統寰區隱然星羅碁佈布奠

國家於盤石苞桑故二百年來安居樂業真有垂老不見干戈者蓋法制之善美曠古莫及也乃承平

日久武備廢弛委靡不振享無事之福則有餘膺
多事之秋則不足一旦群盜突起非止則虜以至
流毒蔓延莫可抗禦吁良可慨矣斯時也當賊勢
方張幾謂莫予毒矣而抑知忠義奮發之士卒至
自田間而興為田園廬塚父母妻孥身家性命計
或鄉自為團人自為伍乘時投袂冒矢捐軀與賊
相持竟使危而復安轉禍為福以仰副累朝休養
作息之恩嗟乎野人猶知赴義婦女亦解從戎矧
平日乘肥馬衣輕裘白玉橫腰黃金肘後坐享厚
糈食其祿而不思忠其事乎吾安得不於將率卒

伍望之於是乎作武備志竹虛

武備志

兵制

平彝之有衛也始於明洪武二十三年因土蠻阿資
叛服不常與越州衛並置正德二年調曲靖衛之中
右所益平彝衛為右所以衛原部為左所設指揮使
與僉事指揮正副千百戶鎮撫等官領之所有十五
伍有七旗千戶管所百戶管伍總旗付之旗置小旗
一人共軍七百有奇以三分馬步守城七分屯田輸
餉官軍皆世襲嘉靖二十五年改設霽平守備萬曆
十六年以臨元參將兼霽平守備天啟二年三月改

守備為遊擊

國朝順治十六年省衛所世襲等官易守備為千總十
七年改設平彝汛由由尋武霽鎮委千總或把總
一員帶兵一百二十名駐多羅舖防守康熙二十年
移汛入城滇南勝境以百總一員帶兵五十名分防
額兵屢裁至光緒二年存兵七十名三年三月奉裁
伍成又經裁汰只存兵二十四名光緒二十九年概
行裁撤官兵俱無

附亦佐縣汎 明無考

國朝順治十七年設田廣羅協委千總或把總一員
帶兵一百名防守康熙三十五年四月改隸曲尋
武甯鎮七月以土舍沙維屏沙鼎臣錐殺移黃泥
河改亦佐為大塘分兵二十名以百總一員守之
額兵屢裁光緒二年僅存外委一員帶兵數名駐
防三月裁撤現在無存

師旅考上

將軍莊躋漢書謂莊王後裔幼為盜更弗治楚頃襄王使將兵畧定巴黔以西地溯沅水伐夜郎軍至且蘭極船於岸而步戰遂至滇池以兵威定旁肥饒地千餘里屬楚欲歸報會秦擊奪楚巴黔中地道塞還滇變服王之支黨雄長相傳數百年漢建元六年大行王恢擊東越殺王郢以報恢因兵威使番陽令唐蒙風曉南越食蒙蜀蒟醬蒙問所從來曰道西北牂牁歸至長安問蜀賈人賈人曰獨蜀出蒟醬蒙多竊奸出市夜郎夜郎者臨

牂牁江江廣百餘步足以行船南越以財物役屬之然亦不能臣也蒙因上書曰以漢之強巴蜀之饒通徂即置吏可得精兵十萬浮江而下制南越奇策也上許之拜蒙為中郎將將兵千人食數倍之從巴蜀作閔人見夜郎侯多同喻以威德約為置吏聽之乃以為犍為郡蒙發巴蜀卒治道自犍道指牂牁元鼎六年南越反上使馳義侯因犍為發南彝兵浮江而下且蘭君恐遠行與其眾反隔滇道中郎將郭昌衛廣亦奉詔會擊時南越就平即兵誅且蘭與隔滇道者夜郎侯恐入朝上以為夜郎王昭帝始元元年夏

益州廉頭姑繒反殺長史牂牁談指同並等二十四
縣皆反帝遣水衡都尉呂~~破~~破胡將三萬人募吏民
並發蜀郡犍為奔命萬餘人擊牂牁大破之

蜀漢章武元年庾降都督鄧方卒先主以李恢南中
人問誰可代者恢曰人之才能各有短長孔子曰使
人也器之也且明主在上臣下盡情是以先零之役
趙克國曰莫如老臣竊不自揆陛下察之先主笑
曰孤之意在卿也遂以恢為庾降都督使持節領交
州牧住平夷後主建興三年丞相亮南征恢向益州
按道向建寧諸縣大相糾合圍軍於昆明時恢眾少

敵數倍之又未得亮消息給謂南人曰官軍糧盡欲
圖還吾久斥鄉里今不能從此欲還與汝等共謀大
事故推誠以告南人信之圍稍懈恢出其不意奮出
大破之追奔逐北南至盤江東至牂牁與亮聲援相
接南土悉平恢功居多恢前元人即今之潯江府

晉愍帝建興四年平夷太守雷煇殺南廣太守孟桓
帥二郡叛降李雄明帝太寧二年梁水太守鄧亮益
州太守李暹以興古郡叛降李雄三年領南蠻校尉
征南大將軍陶侃表陵零太守尹奉為寧州刺史殺
饒亮李暹降成帝咸寧二年廣州刺史鄧嶽遣督護

王隨擊夜郎新昌太守陶協擊與古並克之由是偏
安江表李氏據蜀馬氏據楚或東或西迄無定局亦
無從而過問嬰氏以方土大姓乘五代雲擾自為君
長據時柯興古群郡朝廷不得已而授之迨隋文帝
一統區宇南甯羌嬰翫遣使朝貢尋以叛誅諸子沒
奴

唐高祖武德四年諸夷內附即其部落列為郡縣聲
教所暨貢賦不入統於邊州都督七年命韋仁壽撫
校南甯州都督壽治越雋將兵循西洱河開地置縣
各官其豪帥而隸於戎州都督元宗開二十六年南

詔利邊臣求合六詔為一誤可之天寶九年南詔借
忿私仇發兵反官軍兩次失利前後共死二十萬人
瘴厲飢傷各半雲南盡沒於蠻南詔僭稱大理為蒙
氏縣治入大理

中太祖乾德三年武忠節度使王斌平蜀欲以兵威
取雲南進滇池圖太祖鑒唐之禍因以王奔畫大渡
河田此外非吾有也遂世為段氏所據三百年不逾
聲教太祖一言基之也

元世祖宋濤祐十二年擊大理寶祐元年由中道渡
金沙江進薄大理城虜其王段智興分兵取副都鄯

善野合烈入曲請諸夷內附段氏云己四年元設摩
彌部萬戶於南寧州所以立傾宋之基也

明太祖洪武十四年命顯川侯傅友德永昌侯藍玉
西平侯沐英副之率大軍征雲南由辰沅入貴州達
普定普安諸夷望風歸順十二月入滇沐英駐軍平
夷定南山敗元兵於白石江遂平田靖友德分沐英
擊越州龍海諸寨云南悉平傅友德復命班師沐英
留鎮二十一年復命顯國公傅友德等統番漢大軍
征雲南未靖蠻寇九月討越州叛酋阿資於普安置
越州平彝二衛以鎮之二十四年阿資復叛平羌將

軍何福降之二十八年阿資又叛西平侯沐率何福
討誅之及同惡二百餘人既土入流熹宗大啟二年
二月霑益夷婦設科叛陷平彝城指揮僉事曹三旋
李天植死之三月巡撫沈煥灼便宜起用故參將袁
善討霑益諸蠻四月參將尹啟易守備李嘉培周嘉
映等討叛氏於霑益敗績嘉培嘉映死之七月亦佐
巢安京營營長安應龍作亂合霑益蠻補鮪陷亦佐
城逐知巢封存章封府庫僭縣事存章走廣西九月
補鮪應龍阿九圍羅平城不克而去應龍與阿九分
據亦佐之上下五營三年四月補鮪等招誘亂民三

圍羅平城官軍大集七越月而解乘勝擊補魚安應
龍於亦佐覆應龍巢二應龍走普安參將施翰追及
之斬三百餘級賊從安氏三隴應麒及應龍妻子
而還勒石除羅平苛政七十二條應龍奔烏撒參將
袁喜收復平彝白水城堡招集流亡十一月兵備參
議王英考將尹啟易計禽設科李賢誅之十二月安
効良且文乞降巡撫洪學貴以獻補鮪應龍黃罪四
年縛應龍及貴州烏撒衛經歷司各印信使目把何
與先保邦正獻於曲靖道王謨謨以事蘇應龍故得
勞之遣還殺二使於曲靖城外三月水蘭烏密三道

合數萬窺密益敗走之懷宗崇禎三年黔國公沐天
波巡撫王伉巡按甘學潤詣曲靖討安効良設科餘
犇鷄世昌平之

世祖章皇帝順治三年丙戌密益土酋雞世昌子贊
統冒稱為亦佐土縣丞沙氏裔附宗沙定洲逐沙承
統母子奪知縣年道顯蒙徵吞賦稅理民事簿書悉
出其門道顯縉虛象聽命而已四年丁亥三月流寇
孫可望李定國等自黔入滇詭稱援師二十五日屠
平彝城五年戊子八月土舍沙贊統以定洲碟於雲
南自度不免飲鴆死子飛熊乘亂復據亦佐十四年

領之上下之職綱紀不紊此治人之法如此
天子祭天地神祇及天下山川王國各府州縣祭境
內山川及祀典神祇庶民祭其先祖及里社土谷之
神上下之禮各有等第此事神之道如此尚念冥上
之中無祀鬼神昔為生民未如何故而歿其間或有
遭兵力而橫傷者有死水大盜賊者有被人取財而
逼死者有被人強奪其妻妾而死者有遭刑禍而負
屈死者有天災流行而疫死者有為猛獸毒蟲所害
者有為飢餓凍死者有戰鬪而殞身者有因危急而
自縊者有因墻屋傾頽而壓死者有死後無子孫者

此等鬼魂或終於前代或歿於近世或兵戈擾攘流
徙於他鄉或人烟斷絕久缺於祭祀姓名沒泯於一
時祀典無聞而不載此等孤魂死無所依精魄未散
結為陰靈或依草附木或作為妖怪悲號於星月之
下呻吟於風雨之時凡遇人間令節心思陽世魂香
杳以無歸身墜沉淪意懸懸而望祭興言及此憐其
慘悽故教天下有司依時享祭在京都府有泰厲之祭
王國有國厲之祭府州有郡厲之祭各縣有邑厲之
祭一里有鄉厲之祭期於神依人而血食人敬神而
知禮仍命本處城隍以主此祭欽奉如此今某等不

敢有違謹設壇於城北以三月清明七月十五十月十日置備牲醴羹飯專祭本縣闔境無祀神鬼等眾靈其不昧來享此祭凡我一縣境內人民倘有忤逆不孝不敬六親者有姦盜詐偽不畏公法者有拘曲作直欺壓良善者有躲避差徭藉捐貧戶者以此頑惡奸邪不良之徒神必報之於城隍發露此事使遭官府輕則笞杖決斷不得號為良民重則徒流絞斬不得生還鄉里若事未發露必遭陰譴使舉家並染瘟疫六畜田蠶不利如有孝順父母和睦親族畏懼官府遵守禮法不作非為良善正直之人神必達之

城隍陰加護佑使其家道安和農事順序父母妻子保守鄉里我等闔縣官吏人等如有上欺朝廷下枉良善貪財作弊蠹政害民者靈必無欺私一體昭報如此則鬼神有鑒察之明官府非諂諛之祭尚享祀典

啟聖宮 先聖 先賢 先儒 文昌 魁星閣
名宦 鄉賢 孝忠 節烈 武廟

以上用大牢少牢春秋二仲上丁日祭惟文昌二月定初三秋八月擇日照奉文期武廟亦同並有中祭在五月十三

社稷壇在城北春秋仲月上戊日以少牢祭
風雲雷雨山川在城南三主合為一壇以春秋二仲

上戊日少牢祭

厲祭壇在城西每歲仲春以清明七月以十五十月

以十日祭無祀鬼神用少牢羹飯

先農壇在城東以正月布種日致祭用少牢各一

蓋忠祠今改為昭忠祠在武廟側

李定國因白文選敗可望於三岔十二月大師三路
取滇會於曲靖十六年亦佐土縣海潤歸附十八年
沙飛熊謀逆事覺總督趙廷臣捕逮瘦死
康熙十二年吳三桂叛十七年亦佐偽令龍元熹以
安邊豐約二營賄給沙飛熊從子鼎臣二十二年大
師入滇秋毫無犯所至反正亦佐阿江營火頭履魯
機子維屏冒稱為沙普元苗裔鼎臣安邊豐約踞
之三十四年十二月沙鼎臣殺維屏於沙營盡奪其
地三十五年黔首禮申信訟沙鼎臣於官勾致杖斃
二夷家口逐出境外豐約安邊二營仍歸流蓋維屏

申信壻也

嘉慶二年南籠苗變軍擾平壤之下十營燒殺搶虜
到處皆墟幸至竹箐坡一字河天生橋塊澤河諸處
堵截斯役也撫軍江蘭駐曲靖由尋協各將士皆進
堵時知縣王子音籌辦軍需奔走行間多有有力焉

按自莊躋朔沅水軍且蘭極船於岸而步戰降夜即以入滇必取徑盤江道出普安平彝為滇黔踵要橫亘三百餘里入滇必由之路古今稱謂雖殊山川不改當無不被兵者此平彝見師旅之始厥後累代用兵如唐蒙之通夜即從巴蜀筰關入在今之川黔地於邑無涉且未動眾史無明文諸葛武侯南征由水陸入越雋渡瀘水至永昌皆遠在滇西未便由為附會惟李恢之轉戰盤中關索之道出永寧以意揣之東西用兵縣治豈能獨完降及唐宗蒙段玠據東巒由巒迭相雄長邑當用武羣雄必爭惜無從徵耳元

世祖兵渡金沙野合烈東道曲靖聲教始通置曲靖普安路邑當適中兵戈劫火在所不免明太祖兩詔大將軍傅友德入滇征討留西平侯沐英世鎮雲南而海酋阿省叛服不常五次用兵始克誅夷均在縣地既而天啟中設科夷婦營長安應龍阿九諸逆作亂劫殺擄抄擄有不可甚言者矣最可惡者流賊孫可望等自黔竄滇戮屠人民視同草菅沿途一帶連日遭害而文水平彝曲靖更有甚焉舊志牽涉過冗近於蕪雜茲編明以前師旅經費斟酌有關縣治者錄之無涉者削之亦簡不欲畧詳不欲繁取其相

同云爾

國家兩甚渙黔王師到處田市不驚群逆授首出斯民
於水火而始得安居樂業共慶生成二百餘年深仁
厚澤決隨淪肌修其孝弟忠信真有垂老不見干戈
者矣嘉靖二年南籠^苗變雖竄入邊境旋即撲滅其
事亦無可記載咸豐中葉滇黔雲擾幾無定土而平
彝一縣壤接十一屬各處小醜乘勢跳梁邑無一人
一士阿附從逆亦足以彰
聖朝涵育馴至之深矣維彼雷屬阿馬狗逆倚賊魁馬
聯升勢恣肆猖獗驚擾我人民站距我城池我邑士

民切剝膚近牀之痛竭忠效命冒矢捐軀卒至傾彼
巢穴復我城池猶能鼓其餘勇東平普安大河鋪華
家屯積年巨寇南距興義六屬大股髮匪不致蔓延
結染杜逆為全滇禍以稽
天討二十年出兵出餉奉調征誅為諸處先其有勇知
方敵王致愾為何如耶雖曰良有司率作休養之力
賢紳董激勸鼓舞之功然六七王教養深恩流風遺
澤不圖於斯民睹之其致亂之始甚亂之由與夫忠
臣烈士愚夫愚婦殺身成仁舍生取義者凡見聞所
及能不志之以示來者竹虛

武備志

師旅考下

辰丙 咸豐六年六月二十四日雷益州之阿掌冲馬頭山

狗匪作叛

阿掌冲馬頭山乃雷益州屬何為而書也蓋近於平
壤而平壤之受害實深也咸豐中葉全漢雲樓半屬
狗匪阿馬二村約計二百餘戶曷敢稱亂蓋倚尋甸
塘子雷益上五鄉善安大坡鋪華家屯與義之新城
諸賊勢而狡黠者竊陰附之始因岷岷小怨恃強橫
行繼以隣村多羅鋪諸惡多少踴躍每逢街期互相

械鬥後以狗匪寶某強搶縣屬腰站漢民王姓已聘
之婦王姓不甘聚眾報復遂至漢狗各護成仇時各
處狗匪蠢動其魁丁長明馬公馬小双巴小科馬大
黃二黃三黃四黃桂麻六等於六月二十四日竟爾
揭竿起事明目張膽肆行燒殺平城戒嚴

巳丁 七年始召募

時承平日久民不知兵武備空虛莫可抗禦一見白
幟四散奔潰當道者又示姑息遂至決裂莫可收拾
當時之患多壞於此知縣李鳳翬把總何占標集議
始行召募有貴州普安縣白沙地易飛熊率眾應募

將進滇關被賊偵知先於升官坪諸隘設伏攔劫飛
熊之眾十喪三四狼蹠入城越日再戰敗績喪然氣
阻惟閉門坐耗餉費而已

又有普安者夷民安金榜亦率眾來赴所與黃道人
自神其術實不知兵戰於城西礮了口金榜被殺道
人為官速府繫斃謂其就和而滋事也當道作為如
是時事概可知也

又有臨安沈文學貴州寶石榮等或十數為羣或三
五成隊應募投効各不相下石榮巡城誤責占標兵
柯某兵夥不服占標啣之縱兵辱石榮石榮啣之糾

聚民人陳小妹等三百餘人以投効為名意在入城
與占標為仇占標知之率眾閉城俛紳耆與石榮小
妹等越日排解暫令住紮西門外小妹等因糧鼓噪
辱罵官紳與城中人為難時值上台有撫和意占標
從且縣官暗遞消息與賊於次日賊眾突至占標閉城
石榮小妹等進退無據被賊殺盡殃及無辜生擒小
妹至巢磔死雖小妹等自啟其禍而占標諸人亦不
得辭其責也

迴賊馬双友等接迹延燒大河一帶民兵紮白馬山
營縣善盧始暮送公文與白馬山途次被賊殺

始調鄉勇

把總何占標目擊賊勢日熾客兵難任與縣尊公議

調集鄉勇日加訓練占標固久歷戎行操演有方親

加部署為之鼓其氣壯其膽初試兵於城外茶亭坡

清溪洞礮三日三戰皆捷人心始安

始議捐輸以濟軍需也

戊午八年七月殺迴賊馬公馬双友等

占標度我軍堪用預設伏於大滴水諸要隘樹偽

幟以混之親自單騎直抵馬頭山賊巢誘之賊素輕

占標懦見我軍寡傾巢進之引至伏處虛晃白旗賊

誤認為伏應不疑我軍橫截前後攻擊賊首尾不顧

盡屠殺賊之精銳得百餘級織其渠魁馬公馬双友

巴小科丁長明等賊風始衰

克馬頭山

越日我軍乘勝直壓賊寨占標相機攻剿賊莫能支

死者過半奔潰阿掌冲馬頭山平

天心營得勝

營在城西七里揚威鎮我軍據以窺敵為傾彼阿掌

冲基也賊悉眾來撲我軍奮勇破之賊喪無算

未巳九年四月二十二日克阿掌冲

我軍既克馬頭山又勝大心營勇氣百倍遂進圍阿
掌冲賊自度不免溺其幼弱作奔逃計我軍四面環
攻破其寨柵誅戮殆盡遺者逃依窟逆馬聯升阿馬
蕩平人民安堵

庚申

十年三月奉調攻普安廳賊

賊屬大坡堡華家屯狗匪猖獗莫制廳人請援於雲
貴總督張亮基亮基以平隣封且龍屢勝之餘檄占
標率邑團勇進剿師次亦資孔大保山屢戰皆捷
十月十日克華家屯斬賊首張志祥賊走大坡堡
十一月十八日克大坡堡

酉辛

賊首張凌翔等以積年老寇視州人自謂莫能予
毒不意我軍悉皆精銳賊屢戰皆北攻破巢穴賊屢
悉潰於新城諸處是役也使州人不作偷安計助其
資糧占標不遇奸人害曾其餘勇率我平人殲彼醜
類夫何至養癰遺患滋蔓難圖致六州百姓不睹天
日者十餘年必待王師大至始克誅夷也

九月羅平散匪侵擾縣屬之阿許等營占標督團丁
遇退

冬占標進攻密逆馬聯升把總陳永慶戰死海子堡
壬戌同治元年三月初三日戌時參將何占標被賊戕占

標因十一年冬攻雲逆失利欲圖再取即日申刻往
闕聖宮點視團眾以備進攻點次多羅堡丁自董彩
名見其凶惡申前海子堡不力救把總辭詰責之彩
反戈內刺占標撥戰外連將及大門外賊夥自外攔
劫登時斃地蓋由占標疏防親信外出左右無人故
聞之父老賊等豫與馬聯升有謀路人皆知惟占標
素性嚴急而多忌故人不敢豫聞致疏於防範而初
害也

占標被戕實部下諸惡及積怨者暗地仇謀特聳董
彩童裸羅諸兒以發其端也曷為而書賊蓋有主使

之傳達邦正邦諸人與馬聯升通殺以應也然亦占
標因勒刻兵餉以自取也易曰我不制彼之命彼且
將剝我之膚也占標有馬小人之可畏也如此可不
慎歟

中秋後十月興義徇逆蔓擾縣地之黃泥河下五營
等處圍總沙懷琳死之輕信赴和故也

大股髮匪石達開自廣西竄入貴州晉安由勝境關
繞城東豫順關趨縣北五里池外后所過宣威入川
而潰

亥癸二年二月二十八日平城失守

時因占標被賊眾心不一莠良雜處雷逆馬聯升站
距曲靖府城姑就撫強握曲歸嚴以興義逆相馬負
圖等撲普安城段解圍名使賊將馬四黃桂經綸等
率賊三百餘名至縣城駐紮東關外索取行糧信值
漢相夷之教互相羈縻平城無備逆等豫結土匪張
耀張文運楊萬董裸獼張春榮諸奸為內應天將曉
斷東門鎖入城踞之知縣司馬楠先日公出看驗未
歸越日賊黨四出分擾大河一帶兼困楊德望諸人
於牛鼻洞一時民心忿極久期而會者數千人圍營
圍之為復城計賊屢出不利求救於聯升聯升使偽

將軍馬榮率賊十餘來援將近城十餘里天大雨雹
賊衣甲皆濕無復隊伍兼昧路徑我軍沿途截殺負
創入城喪然氣阻又乏糧作遁逃計我軍聞司馬公
遇害攻城愈急賊謀屠城逃走眾姓惶亡城中曉事
者謂城屠亦不可逃不暇督諸父老與外軍講和誓
不傷城中寸草只求讓一生路我軍為保全桑梓計
謀大西門縱賊出馬實於半途伏兵邀截至大滴水
等處賊被我軍屠戮殆盡奪回子女無算餘賊逃依
馬聯升時在四月十五日早事也
十月羅平土匪楊耀陳捷頭等蔓擾縣屬則早營新

甲 啟諸處知縣全懋霖督飭團甲於得勝坪遇退
三年夏大軍克復曲靖霑益

潘司岑毓英由宜良陸涼統大軍攻取曲靖霑益檄
知縣全懋霖東路接應並調邑紳楊德望張兆顯陳
發昌等率邑眾由白水關進攻王家堡子猪街子海
子堡諸處克復城池陞陞賞有差

乙 四年冬制軍樊崇光節駐平彝由黔來滇十二月中
至平五年丙寅二月初旬始赴滇

丙 派捐輸釐穀以供軍資解運也
五年邑眾隨潘司岑進剿猪街等海馬姑平復

派養練丁以供征調也

丁卯 六年夏始開考

戊辰 七年秋西逆犯省垣潘司岑檄邑人楊德望陳發昌

張煥等隨帶邑眾赴楊林諸處堵禦與總兵楊玉科
克復嵩明州並解省嚴

五月興義迺逆軍擾縣城下五營知縣任傳綸檄邑
人張兆顯率團眾遏堵巴茅河黃泥河等處

冬知縣文鴻盛檄邑人十總銜街楊德溥率邑人力
解普安圍緘興義迺苗合規犯貴州上游困廳城

庚午 九年雲南省開科取士巡撫岑調邑人陳發昌率眾

隨征迪西克復雲南縣諸處並調邑人楊依洲張煥
率邑眾隨總兵楊國毅征竹園等處

未^辛十年秋雲貴合剿興義迴逆張定中金阿烘鹽法道
沈壽榕檄邑人防堵供億合邑悉索敵賦以從事焉

申^壬十一年秋興義六屬肅清
乙^亥光緒元年全滇肅清

丙^子二年夏阿掌冲馬頭山狃逆餘孽尚存數十家奉劉
制軍札准其復業惜未深創自是漢狃相安人民樂
業共享昇平同登壽域祝我

國家億萬斯年永遠無疆之休懿欽哉感矣竹虛

丑丁

光緒三年丁丑三月候補同知李秉堃因案奉檄查

辦邑人張旭中拒捕傷弁督撫檄鹽法道鍾撫標參

將葉並調集平羅兩屬團丁匯擒張旭中於普克營

板橋村解省置法此案係因仇鬪另有記論可稽可

否載入尚待商訂

庚子光緒二十六年庚子六月奉匪肇衅八國聯兵
京都失守先期

聖駕西巡

辛二十七年六月議操團練九月加徵團費征

收各山場并斗地鋪冬

旋鑿二十八年二月始抽收牲稅三月檄調操團練九

月初初六游匪竄擾興義縣失守十一日攻散十

四日奉文設黃泥河冬防二十九年二月十二日撤

止五月初裁免街場地鋪


午三十二年改團操為警察設巡警公所今改為保

安警察

宣統元年五月委員來平募充新軍四百餘名赴省
操練彷彿洋操以備外侮

地350125
39
14

人物志
卷之



平糞縣志

秩官制

官制 題名 循吏 名官 土司




朝廷設官所以為民其制度則歷代雖殊而盡職則大小不異然有司之賢否亦視朝廷之意向為何如耳漢重郡邑之選其時循良卓茂接踵而起吏既盡其職民亦得亦安其業厥後內重外輕充其職者非昏庸衰老即罪譴遷除於是借郡邑為藏污納垢之藪而其職遂不可問矣即有一二名流亦自怡情山水飲酒歌詩而於民事之攸關盡委諸僚佐漠然無與也如是而欲於郡邑中求修己安民之說得乎哉我

一

國家攸司慎簡立賢無方而於親民之吏尤加之意焉堂簾必重引見之典州縣特用讀書之人更雜取他途以廣登進而使人人有功名之奮故一時龔黃之政績召杜之聲稱真有史不絕書民歌無已者雖漢之循良何以加焉嗚呼盛矣於今為烈矣邑於古為荒服地明神衛縣並置其治尚簡我朝改衛併縣事有專官權歸於一其武職之借資彈壓無論矣若夫知縣者儼然古之百里侯也禮樂政刑兵農錢穀無不於斯職統之其寄託之匪輕豈徒冠冕堂皇作威作福而已哉蓋欲俾造福于斯民而無

桑厥職也職斯土者能不上體君心下畏民若當思
如何報效如何激勸勉為循良之吏也歟故志秩官
竹虛



秩官制

、官制

元

羅山縣

至元十三年設元統三年三月裁歸巡檢

知縣一員餘無考

亦佐縣

至元二年設康熙八年裁

知縣一員

典史一員

多羅驛

至元年設康熙三十四年裁

驛丞一員

明

平夷衛

洪武二十三年設順治十六年裁

指揮使一員

指揮僉事三員

世龍 掌印 掌操 掌屯 各一員 俱考選

經歷司經歷一員

知事一員

教授一員

左右二所正副千戶十二員

均世龍

百戶十九員

世龍

鎮撫所鎮撫一員

世襲

廣會倉倉大使一員

亦佐縣

國朝

知縣一員

典史一員

多羅驛

驛丞一員

白水堡

洪武二十四年設 順治十八年裁

平糶衛

順治十六年設 康熙三十六年裁

守備一員

千總一員

經歷一員

教授一員

通判一員

康熙二十六年裁 衛從曲靖通判駐紮學

平糶縣

康熙三十四年設

知縣一員

典史一員

教諭一員

訓導一員

把總一員

光緒三十年裁

明題名錄

亦佐縣 公秩

知縣

封存章

雷其會

房習

余

李晉亨 貴州貴陽舉人崇禎年任陞雲南新化知州

趙敷政 江西吉安進士

李之駒 貴州平壩衛舉人 御賜進士崇禎十七年陞羅平州

牟道顯 四川歲貢崇禎末年任

國朝 明 永曆

邢偉 江南丹徒生員

何繼芳 四川保寧府劍川人

平糞縣

知縣

趙宗武 正白旗江南蘇州吳縣人號時菴康熙三十五年五月任三十七年

任中宜 浙江山陰歲貢字懷庭康熙三十七年八月任四十五年八月陞興

傅永緒 新州 山東熙生

王開銓 湖北舉人

汪無限

孫士寅

浙江錢塘人舉人號善哉貢康熙四十五年任五十二年行取

尹旦生

湖廣茶陵州舉人號清菴康熙五十一年任

李本澄

高為阜

唐樾

鄒越

王子英

江西武寧人字心華嘉慶二年任有傳

按自康熙末年至道光初年百餘年中摺羅殆遍僅得李本澄以下數人籍貫無考年次失序甚至得其姓而遺其名此中泯滅不知凡幾嗟乎良由題名無刻之故後之來者其可忽諸

自道光元年起至光緒

李培英

四川舉人

羅祖望

貴州人

秦鳳梁

李北榜

許廣元

滿州人

劉三珩

奉天進士

李承基

貴州人

李秉鈞

陝西拔貢

張國瑞

吉修孝 陝西進士

達洪阿 旗人

余崇本

顧壬濬 四川人

高魯 大興學士

馬午陽

魯承宗 浙江紹興會稽人 議叙

馬建勳

邵仁樂

張安濤 四川人

沈世良 浙江人

楊汝芝 山西進士

吳

札勒梳阿 旗人

杜浩 四川人

王廣華 浙江舉人

施仲麟 安徽進士

李鳳翬 奉天拔貢

陳廣訓 浙江人由捕所代理

光灼 旗人

盧承弼 江南拔貢

司馬楠 江南拔貢

金懋霖 紹興人

鄧先春 普安人

慶勛 旗人

奎照 旗人

任傳綸 江蘇翰林

文鴻盛 湖南廩生

積壽 旗人

萬銓 江西人

陳謚 安徽優貢

石泰 貴州人代理

張榕 江蘇舉人

熊開先 四川舉人

蕭培基 湖北人

伍懋邨 四川廩生

宋寶楫 四川解元

傅炳墀 四川進士

黃懋材 江西歲貢

劉樹勳 四川舉人

瀘州

涪州

納溪縣

龍化龍 湖北進士

韓再蘭 廣西拔貢

賈汝讓 山西人

韓再蘭 前人

鄒振鐸 湖南人

石渠 巴縣進士

李良年 廣西進士

徐永恆 四川人

蕭仰德 四川人

龔樹勳 貴州人優貴

秦發慶 桂林人

勞啟懋 善化人

翟樂善 山東萊州人

郎廷杰 江西寧波人

黃景濬 山東人

馮江 成都人沒於任

陳策賢 湖南長沙人


楊寬 廣東保送舉人

陳策賢 前人

鍾銳 成都綿竹人

鄧殿臣 河南人

李錫庚 明夫字孫人
陳 崎 四川隆州



經歷

明湯廷良 萬曆廿四年

汪祥龍 四川人

國朝

梁弼 河南人

任鏜 南楊人 康熙六年任十二年賚表京師會三桂人沮兵不進

池銘 福建人

通判

何旅增 施設旋廢

教授

明 葉本桂 臨安選貢明末仕

國朝

梁經 四川永寧人

陳鳳鳴 江川人

王德芳

李霽 大理人

全聯璧 曲靖人

刘体宸 尋甸舉人

張全斌 雲南人

楊邠俊 安甯舉人

康熙三十五年增設

教諭

樊之翰

號信伯

楚雄縣副榜五十年二月丁外艱去

馬統乾

號調如

大理雲龍州恩貢

鄒有後

建水拔貢

唐述中

王上選

胡天培

廣通進士

夏丕章

舉人

官全

大姚舉人

傅永昌

東川副榜

倪懋禮

楚雄舉人

楊東森

昆明歲貢

楊聚奎

昆明廩生

李燿照

太和歲貢

柏鶴齡

習義廩生

胡棊林

廣西副榜

李東華

河西歲貢

張曙

昆明歲貢

楊舒長

元謀歲貢


王朝賢 字南孫 舉人

朱文藻 浪字 舉人

李向東 新平 歲貢

裴履謙 昆明 舉人

許克寬 宜良 舉人 宣統三年 歲



訓導 康熙三十四年設

時 甫 宜良歲貢
號果菴

黃開高 姚安府歲貢
號質公

羅其杰 羅次歲貢
號人瑞

吳內美 昆明州歲貢
號子族

許承訓 石屏舉人

東本敦 石屏舉人

王 昕 石屏舉人

李暄 昆明附生

劉承思 元江歲貢

覃懋和 呈貢舉人

孔鑄顏 富民歲貢

施道治 路南舉人

羅三才 元謀拔貢

張純仁 通海舉人

高 暉 石屏舉人

尹彤襄 昆明舉人

張 澂 路南歲貢

王世裁 永善舉人

典史

邊

崇禎年任

章選青

浙江湖州府烏程縣儒士号靜菴

余世昌

大興籍浙江山陰山字子元

閔時芳

大興人号蘭齋

黃宗憲

貴州人崇禎末年任

國朝

曹

元

康熙九年

周琮伯

康熙七年任

丁 幹

馬 陶

陳廣訓

浙江人

賀 清

貴州人

馮 桂

直隸人

成 名

山西人

婁慶榮

四川人

許登錄

四川人

王家樸

浙江人

齊錫福

山西人

曹廣勛

湖南人

劉濟清 湖南人

王 璵 順天人

李時欽 四川人

周秉忠 四川人


李浩鍾 奉天人

許家琛 滿洲人

李金鏞 貴州人

郭耀遠 貴州人

和士溫 麗江人



驛丞
多羅驛曰爲平今改曰縣屬康熙三十四年裁


國朝

張國治 直隸人

林正茂 浙江人

陳錫 浙江人

張期爵 湖南人



李厚 應元子

李加培 厚子天啟二年死事子龍衣

李成喬 加培子天啟四年戰死雷益城下子三曰琛曰璣曰琮均死見公碑文

李忠 山東恩县人本衛左所副千戶功升本衛指揮僉事

李忠 天明四年任成化十八年故子龍衣

張義 忠子成化三十一年襲職弘治十八年升指揮使以本

張成武 義子 浙江的鹿水人本衛左所正千戶

張守宗 成武子 弘治十八年升任故子龍衣

張守祖 守宗弟

李東寧 山東恩縣人本衛指揮使李印之子降僉事

李天植 永寧子

李繼剛 天植子

曹昂 南京丹州人本衛左所付千戶 成化三年升指揮

盧倫 無攷

曹希忝 本衛指揮使曹夢吉

曹宗岱 之子曹昂之曾孫 希忝子以功升守備歷任至貴州清浪衛忝將

曹三聘 不知宗岱何人

曹三捷 三啟二年死事

曹融 崇禎三年任

左所正千戶 按名宦內有平表千戶徐宗千 嘉靖中追賊被難今無攷

張儼 永樂中任

張義 浙江麗水人弘治十五年任十六年升指揮僉事

張台

張啟玄

左所副千戶

石堅 湖廣辰州府沅陵縣人

石可印

石登明

石天柱

田貞 山東沂水人

田樂堯

徐綸

曹昂 南京天順四年升指揮僉事

李英 山東恩縣人宣德五年任

李忠 英子正統七年任天順四年升本衛指揮僉事

左所百戶

劉文 山東膠州人弘治十年任

劉相 文子

劉世禎 龍衣

劉大堂

劉盡忠

蕭滿

蕭應思
龍

蕭馨
應思子

劉佐
山東安樂人

劉潮
佐子

董源
湖廣沅陵人

董文源
子

董全
文子

董勛
全子

董林
勛子

董策
林子

董萬鍾

張銘

任貴

張能
浙江

張剛
龍衣

張潘

劉國聘

陳鄉

崔憲章

田有功

張善增

北京永平府盧龍人
宗圖道失缺畧數世

張合麟

張正和

合麟子

張斗

正和子

張昱

江南常州人

曹昂

石金

湖廣沅陵人

石嵩

龍表

石權

龍表任千戶

莫祥

湖廣長州人

莫源

祥弟

莫伸

莫世勛

莫世爵

莫儀

賀恩光

賀沐麟

賀瑞麟

所鎮撫

張榮 浙江丽水人

張璘

張義

璘于弘治十三年升正千戶歷升本衛指揮僉

右所正千戶

係正德二年以曲靖衛中右所官軍調撥

許俊 南京定遠人

許大朝

許登瀛

許國忠

張淮

正德三年撥

張應燾

張鏡

張心正

張駿猷

右所副千戶

盧英

湖廣辰州人正德二年作係正千戶

盧國卿

盧添瑞

盧政

盧任清

王朝
山東文登人

王國仁
子武臣降虜百戶

劉世勳
南京江都人

降虜百戶

劉天佑
湖廣沅陵人正德二年任升正千百

田繼武

田嘉禾

田濟民

田守禦

南京定遠人

陳滄

陳一言

陳朝恩

王用
山東安丘縣人

王繼祖
用孫

王喬年

徐漢
南京宜興人

郭綱
山東莘縣人

郭鳳

郭守印

郭中珙

右所百戶

刘昂 南京江都人

刘胤祚 千户天佑子降魏衣百户

刘振武

陳滄 正德二年調任

李昂 山東鄒縣人

李韜 世襲試百户嘉靖八年授

王武臣 山東文登人千户王國仁子降魏

王加陞

邵科

袁卿

佐國賓

倪金

素統

王恩錫

刘鎮

所鎮撫

湯洪 南京上元人

湯祥

湯鑿

湯紹興

國朝

平襄衛

守備

王守魁 陝西人

金邦重 陝西人

盛昌胤 陝西韓城人

李之陞 陝西藍田人

張祖淳 直隸良鄉人

千總

劉堯同 本衛人

丁嗣印 曲清人

劉之傑 本衛人

王國棟 山西人

劉允譽 山西人

秩官志 列傳

循吏

國朝

任中宜字懷庭浙之山陰歲貢康熙三十七年知縣事邑當初設諸多未備公勵精圖治規模大具恭敬惠義有君子之道焉復手輯縣志十卷以惠來者去任日士民環泣若嬰兒之戀慈母有去思碑文載公事蹟甚詳

孫士寅字義賓浙江錢塘己卯舉人康熙四十五年履平潔己愛民絃歌雅化有古遺風琴鶴之外

二十七

別無相携去任日兩袖清風一肩行李民思其德為立鬻琴碑以高其風

王子晉字心輦江西武陵人嘉慶二年任時以南龍苗變軍擾縣屬下十營公在防營日事勤勞事平不居其功惟撫養殘黎不遑以期無忝厥職並建平定書院重修明倫堂留心民膜嘉惠士林遺愛常存著有官拾錄一卷

許應元直隸人道光八年知縣巡行阡陌勸課農桑沿河田畝燥濕失宜公集士民力開東西溝灌溉千餘畝民甚德之

劉珩字蘊山奉天人以進士分滇道光九年知縣
事厚風俗敦禮教課農桑興紡織凡有利於民而
病於民者皆次第舉行無不剔除殆盡期年內奸
宄斂跡世風丕變至今父老猶稱道弗衰
沈世良字虞臣道光二十七年到任潔己愛民親
賢下士清釐積贖民少冤滯吏畏民懷

鄒有後字養泉建水拔貢乾隆五十二年選授教
諭時值南龍苗警知縣王子晉日事防剿公為之
繕葺學宮改建啟聖宮重修明倫堂贊子晉創建
平成書院而造士有區士林至今感戴之

二十六

王慶華字珠樵會稽舉人咸豐二年任平榮學校
培風水賞善懲奸政聲藉藉士民咸稱頌焉
李鳳輦字芳橋奉天鉄嶺拔貢咸豐四年任時值
阿馬狃匪作亂公日事防堵剿撫兼施與參將何
占標和衷共濟力保孤城卒滅二處狃逆其功洵
不可沒也

韓公再蘭字澧泉廣西上思州同治癸酉拔貢勤
慎自矢強毅有為居心簡易所至有聲兩履吾平
一切利人之事弊人之法莫不實心實力慨然為
之於時強悍斂跡良善安居當其始去也而咸思

來之及其既來也而咸恐去之曾記後此奉諱去
任凡父老兒童鄉愚婦女聞公之將行也不遠數
十百里臥轍攀轅奔走汗流相而徘徊泣涕不忍
去者約以萬計即此而覘公之為人已見一斑亦
覺當世之所希也

石渠字書舫同治甲戌進士以部曹改官來滇丙
申四月履平年近七旬頗有胆氣如創建藝訓書
院復禮書院捐資以萬計而民不擾力請辦強豪
而民咸悅均於人所難能也

李良年字淑甫廣西桂臨進士戊戌夏署縣事雖

三九

到任未久而潔已愛民諸事皆理人交口稱之施
調署昆明竟以能吏名

秦發慶字茂齡廣西桂臨人光緒壬寅秋權縣事
一年之間其他未有概見如絲毫不取於民皆出
己貲

名宦列傳

如沐英傳友德以下諸人其功烈表表人寰固無煩紀述茲所取者必有關於邑地而始記之
甯正明都督沐英遣從傅友德擊阿資敗降築平夷堡城

何福明平羌將軍從沐英南征海酋阿資叛服不常討誅之作駟舍駟亭通黔蜀路後以功封侯
尹啟易臨元參將兼霑平守備事計禽夷婦設科李賢誅之有功

沐春英子襲西平侯爵阿資屢叛率將軍何福討平

三十

施翰參將討三逆有功計禽阿九父子於法于寨斬之

袁善字復虛昆明人習天文精韜略以順甯守備陞撫標中軍轉松潘參將畧著軍功天啟二年安酋設科糾水西夷祿千鍾葺隘亦佐平夷霑益諸城堡善駐松林分兵大破之民賴以安巡撫閔洪學謂其用兵如神談笑破敵有古名將風功升左軍都督僉事卒贈都督同知蔭一子錦衣衛指揮使崇祀名宦
李厚世襲平夷衛指揮簽事居官如素儒雅風流邑多培創以子嘉培累贈定國將軍崇祀名烈官

事見公碑
文嘉乘

左土縣丞一

明

沙普額

元時為丞佐縣商長洪武初為附授世領縣事後以不法事降丞仍世襲

沙中玉

襲左土丞

沙正

中玉子龍左土丞

沙騰蛟

正輕萬曆中襲左土縣丞

沙運太

騰蛟子崇禎初襲左土縣丞無子崇禎十三年削籍

右土縣丞一

明

龍海

元時領越州事洪武十四年為附仍為首長世襲

三十一

何資

海子洪武二十年襲知州慶長二十八年沐春等擒斬之削籍以其地入流分屬鄰近州縣置平彝越州衛以鎮之

祿寧

苗子永樂二年劉楊二戶引之入貢治授亦佐縣右土縣丞以越州附近村莊而之移駐亦佐城而沙氏並為左右土縣丞子業嗣

海業

寧子天順六年襲以功加州判服色卒子宇定龍襲

海潮

業子洪熙元年襲卒子潮龍襲

海宇定

潮子嘉靖四十二年襲卒子文明嗣

海文明

宇定子萬曆十三年襲卒無子任銀現襲

海銀現

文明任萬曆四十二年襲卒無子叔起龍襲

海起龍

銀現叔天啟元年襲卒子得明嗣

海得明

起龍子天啟元年龍襲卒子潤幼弟自明襲

海自明

得明弟崇禎十二年龍襲卒無子任潤龍襲

國朝

潤

得明之子自明之侄順治十六年為附康熙八年裁縣九年五月安插越州
潤和結序于竹園村不去年從吳三桂反授為都司戰率兵拒戰兵敗
亡為二十年復漢潤阮跡深著使其長子海網乾出降網乾未襲故次

海納乾

子納乾襲
潤次子康熙二十四年龍三十四年改平糶土縣丞三十九年死以妻隴代撫子
海天溢未襲死以堂叔海一清

海一清

起龍元孫起龍生誠明誠明生潤：生一清康熙四十二年龍四十四年故子海
泰未龍不故藏珍珍襲

海藏珍

海潮元孫潮生次子元在元在生龍生龍生國太國太生騰洲騰洲生藏
珍以一清無子康熙四十六年承襲乾隆二年告替子岑龍

海岑

藏珍子乾隆二年龍三十八年故有子元昌未襲故再從堂侄繼昌入襲
岑再從堂侄過繼為岑子乾隆三十七年龍四十四年故之嗣胞弟紹昌

海繼昌

襲
繼昌弟乾隆五十年龍嘉靖十一年請休于沛沈龍

海紹昌

紹昌子嘉靖十三年龍道光二年故子朝宗職

海沛沈

海朝宗

沛沈子道光十五年襲二十五年故子光曙龍

海光曙

朝宗子咸豐九年龍同治六年故無子堂叔述宗襲

海述宗

光曙之堂叔紹昌之孫沛瀛之次子襲

海光昭

人物志

選舉 鄉賢 增官蹟 忠烈 孝義 列女
孔子云君子居是邦也事其大夫之賢者友其士之
仁者孟子云一鄉之善士斯友一鄉之善士吾人讀
書籍古固不猶獨仰夷惠之清和風師百世契文且
之琴夢神交一堂而於鄉先輩尤宜深景仰之恩也
况碩德儀型昭然在耳目間士既生於斯長於斯豈
可忘恭敬桑梓之心耶平糞雖屬下邑代產哲人如
尹道直之文教初興傅寶紀圖之政績卓茂張廷璧
剛直不阿唐繼軒忠勞素著此固南中人傑為邦家

三十三

之光而非僅閭里之榮也他如篤行可表烈義堪欽
父子兄弟萃忠孝於一門高曾祖考繼簪纓於九世
以及茅戟之士亦知取義成仁閨閣之姝竟能完貞
葆節類皆增簡編之色貽彤管之輝而豈徒文采風
流科名鼎甲表一時人才之盛也哉是蓋山川之靈
秀所鍾而亦鄉先輩之流風所振况此間清溪白馬
氣象沈雄老成宿德典型尚在又焉知後之人覽遺
徽躡芳躅有為者不亦若是乎其登諸斯編者非徒
諸此邦有人焉亦聊以導豪傑奮興之先路也故特
表而出之志人物竹虛

選舉
明

進士

張璉

成化五年己丑

唐時英

嘉靖八年己丑

國朝

彭大賓

道光庚戌籤掣山東知縣

舉人

張璉

成化元年己酉

唐時英

正德十四年己卯

李朝用

嘉靖十年辛卯知州

周應麟

萬曆十三年己酉

國朝

王憲

康熙十七年戊子

潘汝梅

科目失察

郭王藩

科目失

李茂林

嘉慶戊午科

李恒芳

嘉靖壬午科昭通府教授

程延禧

道光乙未科

吳士昂

道光乙未科

彭大賓 道光丙午科

黃汝和 道光己酉科

劉守先 同治庚午科

楊椿 同治庚午科

陳配虞 光緒乙亥 恩科

劉宗煒 光緒乙亥 恩科

董之俊 光緒丙子科 太和縣教諭

陳琦 光緒癸巳 恩科

楊篤慶 光緒甲午科

武進士

馮聯科 乾隆癸丑 欽點侍衛貴州古州鎮總兵

馮聯元亦名元 乾隆丙辰 欽點探花貴州古州鎮總兵

武舉

馬之驥 康熙乙酉科

劉 科名俱失

馮聯元 乾隆壬子科

馮聯科 乾隆壬子科

董策 嘉靖戊午科

蕭鎮川 道光乙未 恩科

恭紹先 道光

楊鍾第 同治庚午科 千總
楊鎮洲 光緒乙亥科 守備
賈鳳鳴 光緒癸巳 恩科

拔貢

李 端 乾隆丁酉科
董 聰 科目失
方時雍 乾隆辛酉科
李坦芳 嘉慶癸酉科
李自芳 道光乙酉科 廣西山恩州知州
黃汝謙 道光丁酉科 浪穹縣教諭

胡壽昌 咸豐己酉科
楊自升 同治辛酉科
董之濂 同治癸酉科
李恩光 光緒乙酉科
陳君佐 光緒丁酉科
盛文光 宣統乙酉科
施永嘉 宣統乙酉科

恩歲貢

明

黃汝金 智 黃 鶴 訓導 曹汝通 廣西興安知縣 陳堯道 訓導

國朝

熊配麟 縣丞 張應元 教授 郭維城 教授 鍾天佑

李如桂 李長春 李三晉 李三捷

戴景時 王大興 董祖舒 胡來臣

夏大任 李經

鮑繩廷 張銘 朱胤秀 董陳策 姚州訓導

楊復光 經緯 劉繼向 戴明謨 陳王前 廣通訓導

施良懷

以上舊志所載

李梅 楊洺 田昫 許尚選 郭士杰

楊鳳儀 溫東洋 鍾毓秀 程延禧 李咸芳

徐功烈 李肅 劉守先 劉耀南 胡文濬 教諭

董英華 教諭 劉本濬 盧周禎 鄧應璜 劉守權

楊椿 陳嘉謨 董楷 李人俊 董之俊

吳建寅 蔡肇鏞 盧周柱 陳開元 賀文禧

顧宗顯 潘清一 訓導 鄧祖源 沙芹香 劉鳳誥

張如鵬 李思波 王紹唐 陸熾昌 田德昌

胡漢川 張元中 張鼎昇 李憲章 鄧觀臣

蔡肇渠 黃瑤 陳君鼎 陳君弼 楊選林

鄧欽臣

恩歲一途年遠人多既無題名可以收錄故半就湮沒僅即日見耳

聞得載其名幸矣因難編其次序

保舉

軍功諸人半由田間而興或在事出力或附驥從戎雖各異賞有差亦足以酬其勞然一時勤勞有不容沒故擇其尤以附之而為後來者勸

楊德望

字碩庭城西台寺人以軍功平黃沈存積至激江營游勇

陳發昌

字岐山王家屯人以軍功由白水沈積至元興營參將加提督總兵

陳發陞

岐山弟以軍功至普濟鎮千總

張北顯

字仁齋多羅堡以克復縣城賞加都司銜

張煥

仁齋子亦以軍功賞加都司銜

李春華

字協臣早屬以往村人以軍功由平黃沈存積至副將銜補激江營守備

李廷忠

字少臣以文協臣積勞隨征效力補有標千總署尋甸州守備

李向陽

字雲階魯木得人以軍功積存至臨元鎮中軍游勇

楊依洲

字庭任以隨征賞千總銜

宣統三年辛亥七月選舉議員九月初一日開設議場於武廟

人物志

附宦蹟

鄉賢

東漢

尹

珍字道直牂牁郡平夷人桓帝時自以生於荒裔不知禮義遂從汝南許慎應奉受經書圖緯學成還鄉里教授於是南中始有學焉官至荊州司馬刺史

晉

謝

恕字茂理牂牁郡平夷人咸和間甯州為李壽所破尽有南中地惟恕不從

三十九

獨保郡城以事晉官至撫彝中郎將甯

州刺史

傳

寶字紇圖牂牁郡平夷人仕至尚書郎長安令時號南中人傑

明

張

璵字廷璧平彝人成化己丑進士授南刑部主事歷員外郎中以明允著遷重慶知府遇事迎刃而解郡中翕然大治丁外艱復補重慶治績懋昭弘治初南贛閩廣彝寇為亂擢江西兵備副使

既至繕修城池積糗糧練士卒修器械
設險隘防禦建七城堡人皆稱便偶而
當事論不合拂衣遂行於是盜復起江
西巡撫鄧廷瓚疏奏南贛不可一日無
總特旨留之總更築南康城興學校盜
聞風解散尋以疾解官總剛正不阿盤
錯立斬墨吏歛手比歸橐中無餘資

唐時英字子才号濟軒平夷人嘉靖己丑
進士授平陽令問民疾苦知賦稅不均遂
銳意履畝清丈凡六閱月得平又疏陂塘

四十

興水利會明年大旱民得以濟陞戶部
主事歷員外郎中擘畫周詳為大司農
所器重知真定府有水鏡之頌晉青州
副使歷左副都御使巡撫陝西時西虜
為警烽煙不息英曰虜不足患患四鎮
之不協心耳遂和四鎮復建奇策入告
西虜果不致為患邊鄙晏然鄉書忠勞
二字賜之致政為置義莊周貧乏衣布
茹蔬多所修建卒予祭葬旋祀鄉賢

孝義

明

李騰龍亦佐人有二弟甫雖襁褓父重賢
將終騰龍號泣父曰善視二弟吾如生
矣卒廬墓傭工養二弟教以詩書皆遊
郡庠事母尤孝知縣雷其曾以孝舉年

七十猶廬墓側

楊汝賢亦佐人少孤且貧母劉氏疾望斗
拜泣愿以身代會有癘亂寨民皆遁母以
疾不能行汝貴閉門侍母不離竟未被害
知縣李晉亨舉為孝子

四十一

李珍亦佐人郡諸生父亡母文氏哭泣損
目珍因齋戒終身不離左右曲盡孝養
知縣趙敷政以孝舉年近五十子孫亦
多珍以母育奉侍夜食親執不息
李一鰲亦佐人年十二母陳氏病危割股
療之知縣房習舉以孝
李益亦佐人事無孝政

忠烈

明

徐宗平，藝衛千戶，勇略素著。嘉靖中，安海二夷焚劫村舍，鹵掠商民，大為邑害。宗屢禦之，少戢賊忿。甚一日，設伏而來，見宗佯走。宗單騎追之，伏起，眾寡不敵，負重傷，猶手刃三人而死。巡按御史為立碑於揚威，哨春秋祭之。

同時有百戶唐九官，亦追賊，負傷同死。查平，藝衛

曹三捷，平藝衛掌操，指揮簽事。天啟二年，夷婦設科

叛，陷平藝諸堡。三捷拒敵死之。

李天植，亦平藝簽事，指揮設科之叛，與三捷同拒敵死之。

周嘉映，以武舉為霑平守備，討叛氏於霑益，敗績死之。

李加培，世襲平夷簽事，指揮李厚子，積功升建南遊擊，擊以霑平守備，往討叛氏，與加映同死。敵難封定國將軍。

李成喬，加培家子。天啟五年，水藺烏霑三逆合叛，以蔭襲隨參將，表善征討，血戰霑益城下死。子三曰：

琛曰璩曰琛隨父効力均死於難

事詳公碑文及家乘

國朝

司馬楠字峙亭江南選貢同治壬戌權縣事值烽煙告緊日事防剿幾費經畫癸丑二月二十七日赴城西四十里羅木村看驗未歸寇逆馬聯升詭稱援師普安乘隙作假道計猝至龍波縣城公聞之越日歸未毅然進城為救民計內撫殘黎外調援兵四月初旬四鄉奉公密札克期困城賊求救於馬聯升使賊渠為榮率黨千餘人來援被戎軍攔途截殺自剄入城遷怒于前阨城諸賊謂前賊擄其利彼受其害前

四十三

賊狂誑言縣署未擄留以縞軍榮縱賊入署抄擄謂公密調團丁截殺伊等公忿罵之遂被害同治二年癸丑四月初七日申時事也至十五日早城亦克復同時公次子府經焜從九耀家丁倪之柏王相公皆遇難惜未請旌卹後知縣事四川劉樹勳曾吊以聯云罵賊仰前賢劇憐擬腹受創廿載精忠猶待詔同官慚後進恨未縫頭飲血一椽私祭不勝情

賀清字澂齋貴州貴筑縣三官殿人氏以卸典史在縣署同時遇害

參將何占標字敬堂南甯縣瀟湘村人咸豐六年以

曲尋協標千總來任平黃汎值阿馬狃逆作叛侵擾
平城斯時承平日久民不知兵悉合邑之众而不能
抗公選取精壯訓練部署為之鼓其氣壯其胆復出
奇計以佐之竟將二處狃逆剷除由是軍威稍振南
拒羅匪西遏霑逆東平大坡堡華家屯而普安資之
以為聲援馬逆畏之如虎屢以功擢升參將方期率
我平人克復曲靖剷還霑益滅賊朝食乃壯志未伸
而逆計已成馬逆用謀勾取公部下之素怨公者於
同治元年壬戌三月三日戌刻而被戕於闕帝廟前
過樓下同時有弟錦標親隨李瓊皆被杀

四十四

把總陳永慶曲靖府人咸豐十一年冬參將何占標
攻霑益狃逆馬聯升於海子堡戰沒或云霑益城外
新橋

李廷璋城南門街人同治癸丑二月城陷時天將曉
众為不備皆萌潰獨廷璋持械與賊巷戰众難支
上座取瓦擲賊賊忿甚攆殺之

蔡毓麟字紱亭南甯廩生寄籍在城博通經史諳習
世故咸豐六年阿馬狃亂參將何占標以鄉誼延為
佐資克復諸處運籌維多癸丑城陷遇害

沙恒琳縣屬豐約營大興寨夷人同治吳義狃逆距

興義縣城寧擾縣地之下五營恠琳率團眾拒之被
誘至雞場村不屈被杀同行十餘人均被杀
咸同之間到處云擾或陣亡兵民或殉難仕女
豈乏伊人情見聞未周不能記載僅登一二為
恨願後來者博采而亟書之

列女

明

張 淸妻馮氏平夷人庠生卒馮守節不嫁嘉靖七年旌其門

李 文妻代氏平夷人年十九夫卒遺二女無子姑欲奪其志自經死嘉靖二十二年有司旌其門

楊德威妻李氏亦佐人年二十二夫死守節嘉靖有司旌其門

張武成妻曹氏武成平彝指揮僉事早卒曹撫其二孤不嫁以張氏婦終焉

四十六

國朝

吳 傑妻呂氏傑客死廣南府呂矢志守節事姑以孝遠涉千里移夫襯為教子吳峰成名康熙三十七年詔旌其門

余唐氏城南滿昌妻民間女也素嫻禮義同治二年霪逆踞城設局於李廷璋屋即氏之對門居也賊出入闕視欲犯之氏不堪仰毒死焉

歐陽利氏邑人歐陽石和之妻于歸二載夫沒適氏年二十歲矢志撫孤有欲奪志者氏覺負孤母家其事遂寢繼而謀歸故宅家屋罄有叔翁為售破屋數

椽置荒原一段氏朝耕暮績撫孤榮昌成立娶媳生
孫春茂春華無何榮昌殞媳他適二孫甫四齡為之
提携保抱至今俱各成立石和宗嗣得以不墜氏之
力也行年八十有二同治六年知縣任傳綸旌其門
陳董氏廩生陳元勳妻貞靜自持有名媛風二十四
夫卒骨立哀毀誓死不二伯氏聞之以子開元為之
嗣氏紡績辛勤教入邑庠咸豐丙辰卒清節二十九
年罕有見其面者後開元名列成均行修德立久為
閭里矜式母教有以然也

榮蔣氏世良之妻賦質幽靜年十九于歸世良同治

四七

甲子世良卒氏毀容茹素矢志靡他
有槍為妻不從
竹藪死控之官經前曲請府買執罪人
伏法氏寃以
申

楊德馨妻吳氏生員楊德崇女小妹楊德啟女桂鳳
同居郭外之西台寺同治癸亥霜遂計陷縣城紳氏
義舉恢復四月初七日賊援至西台寺眾潰賊逼迫
之恐見奪氏暨二女同溺死於清溪洞河

陳刘氏陳玉貴妻民間女也城東門外貞節自守偶
有游匪向氏買戲之含羞自縊匪逸知縣潘時穗緝治
於法詳請旌表

陳萬達妻田氏年三十歲夫卒家貧無嗣僅餘二女
矢志不二晝夜馬日績夜刺辛塔備嘗守節四十六
年終

文生劉大儒妻瞿氏生於乾隆四十五年幼婦大儒
事翁姑以孝聞生子一文名嘉靖六年夫沒甫氏二
十二歲矢志撫孤有歛奪其志者氏勵操亦堅之死
不二如是者經二十年撫孤成立內外咸欽群議始
息六代一堂同治九年知縣積壽給詞旌其年九十
七歲於光緒二年卒歷苦節六十五載

四八

程延伯妻王氏貞氏王休中女幼貞淑年二十四夫
沒子繼歲甫四月誓志守節撫孤成立年六十有九
光緒九年歷苦節四十五年

程延初妻楊氏年二十五歲夫沒誓死守節不二其
志遺腹生子裕歲撫育成立現年六十六

董常華妻李氏年二十七夫沒遺子允中矢志不渝
撫孤允中遊泮現年五十四

臧李氏生員運昌妻年二十七夫卒欲殉姑曰其奈
吾二老何且遺腹或子曷少待旋生子家齊甘守淡
泊潔奉翁姑後姑病危氏焚香割股以進病旋愈人
以為誠孝所感今家齊已生孫矣現年六十有七

曹應馥妻陳氏年三十歲夫沒矢志靡他撫孤繼後
復身遊泮皆氏之教也歷苦節二十四年現年六十

四

李舒方妻陳氏幼質貞靜年十八于歸甫四載夫故
哀毀骨立義不獨生活倪慙以撫孤計遂矢志奉姑
愉色承順務得歡心廿年無倦容姑沒氏獨立經費
哀葬成禮教子紹昌食饌於庠繼紹昌率媳撫育諸
孫勁節清風閭里欽仰

張昭貴妻趙氏年十九夫沒矢志撫孤依叔翁奉祖
姑躬操井臼曲盡孝道至五十三歲略無間言

四十九

苟有祥妻葛氏年二十五夫沒誓守柏舟不二其志
撫孤子萬金成五行年七十有八

姚宗林妻王氏于為半載夫沒年十六矢志守節遺
腹生子士誠撫育成立娶媳胡氏生二女士誠卒胡
氏二十五歲事姑謹撫幼女贅婿學使盧旌其門曰

一門双節

楊三妻石氏年二十四夫遠游昆明至二十八年卒
氏隨姑至昆明扶櫬為葬家赤貧遺三子氏績紡傭
工撫育三子

弓李氏夫樹琳年十八于為弥月夫遠出依生父李

春林居兩載聞夫年矢志守節家貧無子十指營生
奉事生父無只氏一人朝夕承歡無倦容父卒置
地安葬隣里賢之

周定生妻張氏年二十歲夫沒無子家無宿糧氏矢
志守節十指生活經不變歷苦節三十二年

龔佩璽妻王氏年二十四夫故守志不渝撫孤成立
現年五十二歲

馮兆年妻荀氏父萬金之嗣即氏贅兆年兆年多遠游
氏家居養親以孝聞二十五歲夫卒累氏獨力支持
養親撫子樹祥補並列膠泮吏將次子樹祥為荀氏後

更名熙春鄉里賢之

李茂林茂年舉人妻楊氏平糞大厦格人年二十九
夫沒無子氏清節自矢之死靡他撫侄自方由乙酉
拔貢 朝改補寧洱縣訓導推升廣西補授荔浦縣
知縣歷署上思州融縣氏迎養在署道光廿九年
聖旨旌表咸豐二年卒時八十歲

張艷氏張家庄時友妻二十四歲夫故上奉翁姑下
撫孤子坤道無虧人言莫問現年五十四

李清英妻趙氏平糞豐約營人年二十四夫卒子燦
春甫十月氏矢志養姑以儒業訓子為諸生成豐六

年 學憲吳旌其門

奠榮昌妻刁氏平癸阿汪人年二十九夫亡子國太尚幼女誓不二志事姑教子六十餘而終六緒六年學憲盧旌其門

張望聘妻李平癸石岑堡人年十五歲失怙夫家未家未婚有狂童向夫弟謗氏誹語時夫弟年幼以寔告氏聞之遂奮身服毒死

蕭思女石貞孫女金英平癸迤后所人咸豐八年細匪侵據后所二女恐見辱隨恩死於水中

蕭榮先妻高氏平癸迤后所人同治元年冬擒匪入

五十一

滇由后所經過被賊執氏恐見辱給賊出投井死焉田應斗妻鄧氏平癸抹河田人年廿九歲夫沒氏守節撫孤始終一志壽高八十五歲人以為難

趙丕顯妻李氏平癸安是營人年二十八夫亡氏年少苦守堅貞一移五十六終

趙炳字妻徐氏平癸阿汪營人夫增生氏年二十六而孀克孝翁姑撫子滄云成立至八十九歲以節終趙澐妻李平癸阿汪營人年二十三夫沒越三月遺腹生子君統疆撫育成立修婦職以養翁姑節操淨然

徐履寬妻趙氏平糞慕風里人年二十五夫卒氏幼
嫻禮義矢志靡他事翁姑孝養備至子幼氏以耕織
撫底於成立壽終七十五鄉人嘉之

趙翹妻徐氏平邑河汪人年二十六夫卒遺孤珍瑞
氏誓節苦守養姑撫子為鄉里所重

陳箴妻黃氏平糞人夫為增生氏年二十九夫沒甘
貧守節善事翁姑子加楨金奎俱幼氏撫成立時兵
燹二孤又亡復撫其孫成人苦節十七年

李崇英妻楊氏平糞海半里夫為邑廩生狃逆臨曲
請殺赤氏年二十八歲子嘉珍甫五齡氏誓死不二

紡績撫孤成立苦節歷二十五年

陳大美妻謝氏平糞泥河人年二十八歲夫卒子
君^輔君佑俱幼氏誓節不渝奉養翁姑久無懈志撫
三子皆為諸生守節歷二十三年

楊槐妻史氏平糞久安里人夫為邑庠生氏年二十
二歲夫死矢志不二孝翁姑克修婦道撫孤熾清成
立入武監守節凡三十五年

羅乾元妻段氏平糞阿汪人年二十九夫七子良相
甫五齡氏勵志撫孤教以義方後成立為諸生守節

歷二十三年光緒十三年學憲代旌其門

郭榮亮妻王氏平糞阿汪人年三十歲夫卒遺孤祐
宗氏克孝撫孤堅志不渝守節二十四年
段光選妻王氏平糞黃泥河人年二十四夫沒遺一
子甫週齡矢志靡他清潔自矢撫孤成立同治八年
氏卒年六十有二
呂保妻李氏平糞人年二十夫沒無子家貧甚女紅
養姑備格辛苦時旅人以重金聘氏姑許之氏覺欣
然曰哀孤養老有資予死無憾矣遂閉門自縊聘者
亦聞風而逝鄉人嘉之
朱福妻王氏平糞人年二十九夫卒冰孀勵志育孤

撫成立孤亡氏志尤堅守苦垂二十六年
肖連英氏吳氏平糞四百戶屯人年二十六而孀撫
孤自芳成立誓死靡他二十七年如一日
張燦中妻李平糞向義里人夫為邑庠生卒氏年二
十九勵志不移守節二十一年貞風聿著
余華元妻張氏平糞向義里人年二十九夫亡誓志
撫孤苦守二十二年始終如一
李懋塤妻肖氏年二十六夫故堅志如一撫孤承昌
成立苦守二十九年
耿重光妻楊氏年二十六夫亡守節撫子乾堂婚娶

成立篤行婦道無間人言縣屬大坪子人

袁加瑞妻陳氏年二十八夫沒撫子少年成立五十二歲縣屬新廠人

董云妻賀氏年二十八而寡撫孤孤亦夭折針肯度日始終不渝其志苦節垂二十三年現年六十八歲楊敬修窟益州屬人氏於光緒八年敬修西台寺十年有狂徒有寺戲弄仰毒死鳴官置罪人於法建坊製碑列入節孝祠

文楊氏年十九歲夫遠遊適無子氏指工苦守至四十九歲而終

五十四

楊陳氏年二十一歲夫故矢志靡他守節以終光緒二十四年請旌建坊

李楊氏葭州人幼適夫聞文琴瑟頗光緒二十年夫遭時症罔效氏將夫葬畢即服毒死

王培元妻區氏年二十一歲夫沒矢志守節克全婦道係阿汪營草子地人氏

唐羅氏阿汪遠東田人年二十一夫沒守二子無成甘淡泊以終現年五十一歲

羅秉一妻劉氏長治區人氏夫故年二十八矢志不渝撫孤俱成

劉羅氏長治區人邑人劉中林之妻夫故氏年二十
一撫孤成立皓首完貞

田高氏邑人田宗興庠生之妻夫沒氏二十七歲無
後誓志不二里無間言長治人

張春榮妻袁氏平城內人夫沒氏十九歲乏嗣氏青
年矢志鄉覺難得

楊黃氏氏人楊國洪妻夫沒氏二十九歲矢志靡他
上視親姑下撫二子曰正剛俱各成立鄉人嘉之節
志訓子雖不成名似有孟母之風氏現年六十一歲



00310-23

39
15

平彝縣志

卷九十一



藝文志

御文 奏疏 記序 考引 文詩

關

聞之太上立德次立功次立言三者俱不朽夫言者心之聲也聖神立言垂教萬世一言而世為天下則此易象詩書春秋禮樂論孟學庸是也其次子史傳記奏牘箴疏有益于世道人心動關國計民生此言皆有物而傳於無窮者也他若簪毫鳳沼揆藻天廷揚厲鋪張光聖謨而迄風雅勒之金石播諸官絃此又得志一時之為而國有史家有乘夫固無煩紀載也至於文人學士隱居流寓胸

興

懷珠玉發為詩歌或即景生情風流自賞或因物寄興月露悲吟長篇短詠各隨興致之淋漓麗句清詞要皆風雲之刻露其平日研精竭慮吐血嘔心積成卷軸既不能登諸上國和聲以鳴其盛而惟此零篇斷簡五字七字之留貽亦莫後之人覽其遺編登諸一二借此相傳稍慰風音撫吟之苦又是一方一隅之志所不容沒者也邑地界滇黔路當踵要山川靈秀之鐘冠蓋縱橫之盛豈乏名流惜乎簡冊散失文獻闕如年湮代遠都沈於兵戈劫火之間錦剩珠零難尋諸翳障塵封之內徒

令有心人致歎淪亡無從網羅而為之于邑也其
見于旧志者若干篇首雖不甚佳姑仍旧貫其見
于今志者亦復寥々除奏疏公牘有閩邑治備錄
外而於各体惟即耳目之所周仿志例而亟登之
亦不過存什一於千百以俟後之賢者廣加摭輯
補其未逮云因志藝文竹虛

明諭祭唐時英文

萬曆七年歲次己卯三月丙午朔十二日丁巳皇
帝遣雲南布政使司參政李良臣諭祭巡撫陝西
都察院右副都御史唐時英曰惟尔蚤擅經術蔚

遺

閒

有才名奮迹制科筮官邑宰歷郎署而出典郡符
躋臬司而荐更方岳靖共厥職所至有声逮簡擢
於撫台俾保厘於全陝三建防秋之策克宣却虜
之威尋指摘於人言遂投閒於故里官守竟昭於
國是清修益重於鄉評頃報令終夫復何憾爰嘉
往績宜沛優恩諭祭所頒北塋兼飭惟灵明之不
昧其祇服以時歌

明唐時英墓志銘

荆州知府

李元陽太和人

公諱時英字子才濟軒其初號也里居號一相居
士先世湖南人高祖玄三公以成籍徙自辰瀘遂

世居曲靖之北閔曾祖義妣楊祖洪妣鄭皆旣德
不顯考經封主事妣伍氏封太安人生公甫十餘
歲皆屬文治尚書日講誦千言嘉靖己卯舉於鄉
己丑登羅洪先榜進士授平陽縣知縣始至問民
疾苦惟賦稅不均大為病公銳意以履畝量田為
己任白於大府大府曰此美政也其如豪右何公
曰天子以百里之命畀臣當盡己命以圖於是不
辭怨謗不避險難暴於烈日中面汗雨滴不以為
勞首尾六月而一縣之田腴瘠高下無不得其情
矣冊其大府深加讚歎遂**成不刊**之典縣有陂塘

三

獲馬

歲久淤淺公度田興役富無巧免貧不獨勞瀦蓄
有則啟閉有期明年大旱果得水利隣縣所獲**方**
於平陽百姓以公為神君**馬**乙未授戶部主事委
理通倉時新革內官出給皆由主事公與諸僚盟
曰今日之事同舟共濟時也苟**三**其德狐鼠將乘
吾之隙矣時內官方偵伺以中之一年之內井然
有條然有理官軍使之竟無異議通倉至今守其
法而不移再委權稅九江俸薪自給襟都**肅**然取
前人雅語揭之庭柱曰寬一分民受一分**之**賜蚤
一刻舟行一刻之程以此自**勸**常日在之雖賓旅

肅

勸

燕飲應酬紛然終不以彼而妨此也其攷課以公
為戶曹最丁酉皇子生推恩得封父母及本身
文林郎妻張氏安人己亥晉員外郎督理銀庫前
官下錦衣獄人為公危而公始終擘函如法雖毫
厘無不詳且盡焉大司農深器之庚子晉郎中辛
丑拜直隸真定知府時虜井陘真定屬邑也先是
總兵未稟方畧調度不前公至示以所應趨避兵
未動而虜先遁人謂公之先聲有以却之真定名
雖為府寔則直隸之劇藩也况地在要衝政連畿
甸朝言於戶暮傳於京庶務之來立加裁決出納

四

錢穀纖毫無爽訟無留獄案無積牘賦去其科徭
省其冗在任三年凡膺十荐神明之故水鏡之頌
兒童走卒莫不知之公去三十餘載人之稱之有
如一日甲辰晉貴州按察副使便道省親二親榮
壽喜不自勝擬上疏乞休二親勉之曰汝為憲臣
能忠於國即克孝於家矣豈有二道哉公不敢違
乃之任丙午丁母憂遷貴州參政丁未接父憂服
除補河南辛亥遷浙江按察使壬子遷山東右
布政癸丑遷陝西左布政使歷中外輟著賢聲公
為介潔端莊坦夷樂易及其臨事破奸發伏逆見

敬

隨決如逢蒙之射方逆之占無一不中君子愛之
小人畏之此甲寅秋套虜烽警至虜西顧上問冢
宰須沉毅才畧之臣為之冢宰以公劉遂晉右副
都御史巡撫陝西時公久以於其地熟習時事謂
諸監之曰虜不足患患四鎮不協心耳今宜先和
四鎮遂飛檄馳書要以必從四鎮果來虜遂退所
公於是一志防煉他無所事在任三載边防鄙晏
然例應給由會旱災地震不敢遽去公退之暇稍
延儒士野老談玄講道言官論其倦不負其勞許
留京用而公歸矣戊午夏至冢依布茹淡散髮不

五

孫

擲足不履外戶耳不聞塵事滌除機心容養純淑
方其在位雖鞠躬盡瘁不敢少懈而以適為得以
足為至固已幽結於林中驟感於遐心為日久矣
萬歷乙亥春命子熙載具棺擲衣衾擇葬地乃為
祭擲文有丙三二十五之語不知其所謂也明年
三月二十二日公不食但飲水子孫泣勸不听二
十五逝

貴國朝

裁平糶衛疏

雲南總督
湯陽人

范承勳字蘇公

看得滇省都司衛所設自明時蓋仿古寓兵於農
之意我皇朝一統兵置鎮在七拱制軍民糧差

同其輸應已於康熙初年間先後奉裁曲靖等八
衛甲屯十一所歸併各州縣又於康熙九年間奉
裁在省左等六衛歸併都勻尚存平彝大理永昌
騰越瀾滄景東等六衛楊林木密馬龍新安姚安
等五所仍屬守千等員管理後因都司不便催征
復題設左右二衛守備二員分管臣到任後即行
該二司查議茲據布政使李昌世按察使蔣寅會
詳稱衛軍既無防守之責又無調遣之例似不必
更設官以糜俸食等因臣復行駁確查滇省軍衛
地方寄居各境則裁衛所以歸有司允屬相宜合

六

無如該二司所議將復設之左右二衛見存之平
彝六衛楊林等五所裁去其由土軍餘即查附近
之州縣歸併管理再都司一官原有通省考成職
掌軍衛所既已盡裁而留此空員似于名寔未稱
亦應一併裁去計裁都司一員衛守備八員衛千
總九員經歷七員雖節省俸糈不過三千六百餘
兩而冗員既汰共費稍甦其於國民命未必無小
補也

兩

國朝

請設平彝縣治疏

康熙三十四年十月

雲貴

王繼文

看得滇省乃極邊之重地蒙被

總督

皇上隆恩陞授

總督任重而責大夙夜競：無由報稱凡屬兩者

政事臣惟竭盡愚誠俾細舉日張以仰副 皇上

柔遠安邊至意所有平彝縣治之設謹當特疏陳

情者也查平彝為滇黔接壤四外蠻數而中則要

道也舊係衛治設有守備經歷教授等官康熙二

十六年內前任督臣范承勳將全滇衛所議裁而

平彝一衛勢難獨留是以一併題請分歸別屬在

案誠有見於多一官則多一費冗員不可不為節

七

省但自裁衛以來案據士民董陳策陳王前等額

請設縣以資彈壓又因彼地遼濶狡夷出沒不常

奸民往來最雜自平彝上至滇之霽益州下至黔

之普安州共計四站約遠二百七十里竟無印官

居中分守札軍需政務餉鞘逃人等項需員接應

每委曲靖府通判赴彼料理顧此失彼究非印官

專任其責者可比兼之普安等處界聯平彝向食

滇鹽或可無分彼此今蒙 皇恩遠播改食川鹽

若無印官督率捕役於衝僻路徑分頭巡緝則滇

鹽味苦價貴川鹽味厚價賤小民喜賤惡貴私相
買食不特川省私販乘間人賈即滇省私販亦將
乘間出買兼恐附近蠻夷勾引生事漸為聚訟之
場問之弁兵難周問之州縣則稽查甚遠滇省黑
鹽數萬課額較前更恐難銷此平彝縣治之亟
宜請設也彰明較著矣茲據布政使于三賢按察
使佟世雍糧儲道副使張仲信驛鹽道副使子嗣
昌提學道副使張傳等會詳委員勘明將平彝舊
額仍舊歸還併將附近平邑羅平霑益二州征收
之亦佐即中下伍兩營勲庄余家堡等處改歸其

征秋糧夏稅正耗米麥一千七百六十四石五斗
八升零共征丁差等銀一千三百二十九兩七錢
七分零商稅銀一十四兩九分零在他省固屬小
邑在滇省寔為中縣等因造冊詳請前來合臣所
議均屬相符相應恭疏題請將平彝廢衛改為平
彝縣治設知縣一員典史一員訓導一員鑄印銓
補其多羅驛原在平彝城內并請將丞裁去歸縣
管理平彝縣學照依中學進取文武童生各十二
名以為有才廣教之治如是則地方永得安靜蠻
夷有所懾服私販無由侵擾鹽運免致壓欠且

於滇黔出入重地藉有印官分守邊方不致無裨
益再照學宮衙署等項尚有原屋臣等自當捐修
合併聲明除將設縣事宜造冊送部外臣謹會同
雲南撫臣石文晟合疏具題

清溪洞記

明副使麗水人張敦仁

清溪洞去平彝僅五里洞去溪僅百尺然平彝溪流以百數而此水獨清故以名溪洞亦因以名云洞東向一小山斜掩故遊人至洞僅咫尺猶未得見磬折而入洞始豁然洞門高十餘丈濶似之洞之內其平若堂可坐百客再折而上其高若台可坐數百客台之後一洞深窅洞口則石乳垂垂各極天巧而當中一石下垂至地其色微白若玉柱洞之內多怪石有似鯨者有似角豹者皆作外奔狀詢之士人謂此洞深不可測中有石如几如

几

榻如鐘鼓叩之有声欲往觀非連首不可予曰此豈神仙宅耶塵鞅中人不得為神仙辱故弗入洞之左別有洞聲勢頗底窪可容數百人稍後勢漸高怪石峻嶒如憑虛樓閣好奇者每攀躋而上又其上為絕壁有穴如小龕一僧跌坐其間短衲穿結招之下乃下麾之上復上輕利如猿猴人咸異之嘗謂雲貴之水多伏流水所出入而洞因之故未甚稱奇此洞迥出山陬若神劈鬼鑿非他洞比奇哉平彝去滇數百里去京師萬餘里地愈僻洞愈阮人跡鮮到而洞之名未甚章々也惜也時同

閩

遊者大參高泉謝君憲簽一江梁君開帥裕菴趙君皆有事茲上而參戎魯峰曹君則鐘灵此山者也副使白山張子以幽潛長故為記云

國朝重修平彝衛學記

平彝教張全斌雲南人

粵稽天地鐘芸生而獨畀靈於人毓群黎而必萃精於聖以聖人能成人成物而贊化育之所弗為者也故生數聖人於始養欲給求民得以遂其生安富尊壽而治統以昭生數一聖人於後開厥心思民得自見其仁義禮智而教統以著此素玉之所以有裨於民物有功於群聖補救於乾坤者也

王

十

雖文明之運昉乎羲軒繼乎二帝紹以三王而服相傳但吾夫子出有其德而無其位易治統而為道統闡庸道叙彝倫正人心於淳厚勢處群聖之所甚難功為萬古之所獨絕凡有血氣心知者罔不服其風哀其教相安於君臣父子之間潛移其性情入於善政而不自知甚矣哉聖人之弘也與天地而相終始者也是以有教養斯民之責者靡不修崇廟典以彰風化為生民之攸賴也平彝為入滇首衛學肇於明人文間出廟疊因兵燹廟宇傾歆人才失其教育士習未克丕揚茲值督撫會

址

題修葺滇黔各屬文廟平彝獲遇綏遠大將軍云
貴節制使蔡公毓榮按臨荒衛見廟埋衰草座龕
飛塵捐金五十重修舊址藩司李公世昌捐金二
十郡侯柳公景芳捐金十兩共襄厥成通學庠生
咸出銀米兩所軍民各助工役衛守張祖純捐金
二十千經驛斌各捐數金管理方之泰竭力贊襄
故雖未獲烏革翬飛竹苞松茂而草創有基俾後
之君子得以講學於斯習禮於斯黎老扶杖而現
小子得以有造皆大將軍之作人也大中丞之振
興也藩司郡守之裁成也故記其巔末為後重修

十一

杖

之君子勸

國朝

清溪洞記

南寧令
休寧人程

封

黔入滇之六十里有城曰百平彝去城三里許有
清溪洞傳者謂下有溪：水流入此獨清故名焉
洞口軒敞初入若堂可坐百人再上若台可容數
十人有大石壘：下垂若柱柱以內幽悶不可入
遊者淺測之謂現止矣順治庚子十二月予隨郡
守李君司馬俞君別駕陸君遊焉望洞中不知其
深淺之所至遂勃心動欲往入不果明日復遊
命土人執荳鄉導先入予隨郡守諸君各多携吏

後僕從奮勇以行不數武洞勢陰闐群火無光予
生怖悸不欲入奈前後左右皆怪石峻增中通一
線兩人相牽後人踵前人履跡援引而上前人隨
土人火光因得縱觀所謂石床者石几者石田者
石塔者石笋者銳而出為虎牙者尖而背為熊耳
者角而巘為牛首者冠而峭鷄頭者奇形怪狀不
可名象再入里許旁一小罅僅可容一人樓偃屈
曲而入若石級然中若堂若廡門垣壁俱備郡守
曰此仙人修煉所也天造之巧非五丁之力所能
鑿成行到岩石窅窳之際又以觀止矣土人云尚

十一

十餘里與紫泉洞通遊人畏險難不欲入及出土
人謂旁一洞上有石鐘石鼓在焉急命更葺尋至
其地皆石笋垂十餘丈持石叩之噌吰有声雖鐘
鼓之響不能亂也再出見石柱悉自平地崛起特
起似有骨氣人決無阿附其石之高者仰視長餘
丈上非絙索扶挾不可得而登也因思石鐘山記
云事不自見耳聞而臆斷其有無可乎予小視天
下以為茲洞甲於天下不僅甲於滇也而未嘗見
稱於昔於遊者豈昔人盡皆皮相即一山亦必待
人而得名耶予從郡守諸君驚訝久之時草火漸

微曠然得明噓笑而出

國朝 驅虎牒

知縣 任中宜

竊惟 朝廷建置郡縣原以禁暴安良故吏與民
最親疾痛必救豪強必鋤城隍神亦猶是也城隍
之爵與縣令埒其土與縣令同蒞所異者陰陽之隔
耳而捍災禦患神有力焉平糞古荒服地介於滇
黔之交今 上始詔立縣以奉宣教化善者勸惡
者懲民咸雍熙於化日光天之下何意蠢爾猛虎
離其巢穴負我郊岵晝伏夜游吞噬村落宰豕民
不安矣近復偏入城郭踰垣傷人民益惶惶日未

宰

十三

沒而掩扉客將行而躑躅以 聖天子声教四訖
威德遠播之世而可容此噬人噬物之暴類與其
間哉中宜與城隍神智難辭其責為此移牒尊神
祈為大振陰靈凡我境內猛虎期於三日內驅逐
入山毋令復入村落其曾傷人抵命之律者照殺
人抵命之律亟為冥誅以正法典若神力不及此
中宜 急命我山虞挾弓矢操戈矛而與虎從事神
其默佑克稱厥職益昭神之靈應謹告

問閱古良吏傳而見虎渡河涉江事心竊異之
乃不令捕之而虎伏厥罪登封簿移文嶽神而

虎飲爪歸山則知莫猛於虎而亦未嘗不沐法而
惕威也我山陰任老夫子令平糶之五載吏畏民
懷善劝惡懲真信乎豚魚而口碑載道矣壬午八
月山村有虎三五成群噬畜產間至噬人我夫子
計呂虞人搏之轉念弓弩兵衛駭人耳目且恐負
嵎之感或至傷人於是致齋移文縣城隍之神令
陰驅逐蝶後三日虎果潛踪歛踪縣之感頌夫子
至誠感神福我無疆誰謂古今人不相及哉吾因
之有感矣莫靈於物莫靈於人昔孔子過泰山之
側聞婦人哭而曰苛政猛於虎夫政之苛也而猛

於虎殆揚子云所謂虎而翼者乎被殘自性生雖
日呼天而籲之而亦未必肯悛也若夫子之知有
虎而必欲驅之神應如響其心與政之仁孚於冥
冥不於見一班耶馬龍受業查奉璋謹識

國朝 邑侯任公去思碑記

平糶舉人 王憲

公諱中宜字宏文號懷庭浙之山陰人由歲貢來
宰吾邑邑當新治也康熙乙亥冬 大府以地當
滇戶請於平糶廢衛置縣益以亦佐故地詔曰可
兩子夏姑蘇趙公履任未幾而去諸不逞理乃邑
當除舊維新不有治人以立治法其何能濟哉寅

字

秋我任公來蒞下車之初見土宇荒殘人民凋敝
亟進諸父老資其利弊願一切與之更始邑中人
亦喁喁然仰維新之化公年富力強加以勤敏暮
年而政和人悅請于朝邑篆之頒自公始也初賦
稅官無細籍輸將聽書算操重輕公新為科綜之
宅尔宅田尔田飛詭弊絕矣城垣歷久傾圮公鳩
工庀材甃以磚石門各蓋樓三楹以壯圍堵觀山
川為之改色公以禮讓之不興由學校之弛也方
聖天子崇儒重道文治光華平雖岩邑甯解忠信
宮墻鞠為茂草可乎爰除荒蕪新殿廡門墻春秋

十五

聖

獻享歲時課誦足以妥先靈而育英髦已又憫子
弟之不學而竄貫人多也創義學捐俸延師申冒
籍之禁甄拔寒士入庠者百人朔望躬詣講所宣
聖諭民知向化若決訟也虛以求其精明以燭其偏
尤言立折人不敢欺草生囹圄歲不過二三十積
噫何其良哉先是平俗多輕生眚眚小隙動輒自
盡其命以相儲害公悉其奸不予理於是邑中絕
無投環赴水之惡習有鄉蠹煽訟惑民者公桎梏
之而坐諸加石德而化之威而惕之息事甯人始
未有過之者地當滇黔之交為宵小淵藪莽伏探

丸行旅苦之公明禁令嚴保盜賊屏息良民販賈
卧始貽席矣最難馴者獬狴公示以威信膏以寬
仁稚髻披氈之輩在匕膜拜而頂祝且性甘淡泊
不妄受一錢人或以苞苴謁者斥却之下猶面頰
而心忿其私廉而有守清譽遍於滇之東西迤馬
往者虎出入村郭殘人噬畜民咸恐怖公又為疏
牒神三日而虎屏跡偶遇旱潦公禱之而上天輒
應自戊寅迄丙戌時洽年豐家給人足咸謂公之
德厚所致云 大府稔其賢能壬午歲權馬龍州
戴愛篆甲申歲權尋甸州篆兩州士民戴其惠受咸樹

豐碑以頌而循良之聲聞噪人寰凡見：聞：者
莫不引領望曰安得任公一來而活我乎他如修
城隍祠以事明神建鐘鼓樓以培風脈捐金而供
億使節公出而募夫從役養老慈幼革陋剔奸鋤
強梗正風俗闢土地招流亡修道路勸農工善政
難更僕數也兼之孝友成性禮義律躬身先為治
風行草偃而仕優則學手日一編與古明臣碩彥
相往復青燈午夜雖誦之声琅上出晨析風簷鈴
閣間是亦近古簿書中所罕覩者也更擴拾遺文
參以時政著邑志以垂法守服官八載歷艱辛而

崇

無倦臨大事而不擾凡有關於民院侃然抗論
於大府之前必期事定而已或以利害場之正色
力拒畧不為動間遇羽嚴務不分霜晨雨夜單騎
直往咄嗟立辦生平勤慎勇決鎮靜類皆如此今
年夏以秩滿遷興新州刺史邸抄甫至闔邑士民
不啻赤子之離乳母呱呱欲泣夫公之德及我平
人溥矣我平人受公之恩亦恐厚矣今一旦舍我
而去留之不可從之不能悠仁我思其曷能既獨
可幸幸新興去平不遠藹仁常陰此歌勿剪彼咏
勿拜不日陟崇階擁節鉞總我平人隸之宇下是

十七

則我平人繫念之極思也公其必有以慰我俾兒
童竹馬刻目以昭其信乎詩曰樂只君子民之父
母又曰有斐君子不可諠公之德應與清溪而長
流羅山而並峙矣敢覩繼記之以壽貞珉庶垂於
勿替云 以上錄舊志

重修平彝縣學宮記

陳謚 優貢安徽池州青陽

平彝之有衛學由來已舊自

國初改衛設縣康熙四十餘年間任君中宜宰茲邑
建造學宮廓新殿宇規模煥然大備自是以還間
經培修不過仍撫舊制略加整葺而已迄今垂二

壞

百餘年迭遭兵燹宮牆殿廡多半頽壞荆棘叢生
郡人士會議培增基趾革故鼎新此舉亦誠善矣
同治十三年春予奉檄來守比土詣廟登堂瞻
仰之餘見正殿初成兩廡後殿及櫺星門各工程
均未告竣詢之因同邑縉紳互相評訟致捐資莫
繼猝爾止中為之惻然不安者累日爰啟請兩學
李孔二君並傳集在學諸生謂之曰今日之事功
虧九仞業敗垂成若不悉必妥議籌款次第加修
完善以藏厥功何以妥聖靈而培文教願出清
俸若干為之倡同人是其言舉欣然竭力傾囊

六

藏

解橐並於城鄉人士廣為激勸集腋捐資共襄斯
舉於以諏吉日鳩工而庀材凡越三寒暑而告成
從此菁莪棫樸造育有基將見人文蔚起平糞之
文教不蒸日上哉是役也監其事者李君燧照
孔君鑄顏襄其事者蔡生肇鏞楊生河洲李生恩
光馬生樹楨以及樂為翰將廣為勸導則城鄉之
同人先生均有力焉予忝戡此兩稔迄光緒元年
冬卸斯篆三年春調任芒部得平糞諸生致書索
誌於余亡不敏又何敢以不文辭爰綜其巔末而
為之誌

讀書子午夢初醒倏然有声驟至如萬馬奔騰驚
 濤暴漲震而恐之聳然起聽覺裂瓦有声振紗有
 声敲門打壁有声破竹傾盆有声又聞嘖嘖然荷
 喧雨鬧声轟上然迅雷烈風声簷前鉄馬雜以鈴
 鈴声閣上金鈴共以鏗上声蕉宿落葉晰瀝声茅
 階磚紅點滴声父老驚訝声兒童吵嚷声不聞鷄
 鳴声犬吠声烏雀喧呼声於是心有所疑開門起
 視但見若粒若蛛非砂非石厚者薄者疎者密者
 大者小者跳躍如秋荷承露錯落如疎星在天極

十九

壞

力形容莫可名狀既而風止雨收雲歛雷息耕者
 歸牧者返皆曰禾苗損矣豆麥壞矣牛羊被傷矣
 噫吁是物之利害而能若是耶因進父老而詢之
 僉曰此白雨也每當春夏之交則有之或一方一
 隅其所以摧折物產者莫此為甚余恍然曰雷也
 白雨之呼俗名也不覺喟然有感而相告曰是殆
 天之所以驚悟斯人也不然上天有好生之德五
 風十雨猶恐物之不能滋生長養豈忍一朝而損
 數百萬斛已成之民食乎蓋以人之有奸詐心有
 險阻心有欺罔刻薄心故降此災以為斯民之一

醒忿也人可不去奸詐心存忠厚心化儉阻心為
正直心變欺罔刻薄心歸仁民愛物心孝子弟悌
心尊親敬長心庶可回天而甘露被野嘉禾遂生
無烈風淫雨無水旱災殃共樂

昇平同登仁壽之域也僉曰可聽拱手而退

鳴鳳山記丙申春

竹虛草堂

嗟乎名之難得也古今來磊落英多懷奇負異之
士不遇其人不逢其時沒世而名不彰者不知凡
幾矣斯不獨於人惟然而於物也亦猶是焉如縣
城之鎮山今名為鳴鳳山者是也自建衛設縣於

二十

今數百年矣鬱々茲土而無以名焉豈前乎此無
其人而山故悶而不彰歟抑山之知己難逢而猶
有待歟余嘗謂縣之山夥矣大者以十數小者以
百數美惡均有名焉今但即其最尤者而略舉之
如縣之東則有宣威巒罔縣之西則有落蒙定南
縣之南則有白馬狀元縣之北則有蒙洞后所居
然列于名勝此山為一邑雄鎮諸山仰望縣治在
焉獨無以名不惟此山抱城亦一邑減色也間嘗
見古今文人學士詩歌互答有羅山平罔平巒諸
古地名之稱余按縣舊志元始立羅山縣明一統

志謂在霑益州東南一百二十里落蒙山元史謂
在摩弥部東竟任中宜直指為多羅舖考落蒙山
在縣城西半里今之旧城山多羅舖在縣城西十
五里舊為設驛處平夷鄉之名昔以衛名今以名
縣而非以名山也平岡則有名而無寔平巖則有
驛而無山則山之無名也由來久矣山之無名固
屬前人之畧獨不解後之賢達亦多建置閣有鳴
鳳橋有迎鳳是必有所取而名也而獨不以名此
山是豈山之幸也哉今得余而始名焉曷莫非山
之幸也然余之名此山亦即鳴鳳迎鳳一城之遺

二

意且以山之形似飛鳳翔飲而故以名之詩曰鳳
凰鳴矣于彼高岡余為此山詠之山若有靈其許
我乎山以我得名我為山作記吾知後之覽者必
將有感於斯文而歎名之難得也然寔至者名必
歸不患無名特患無寔彼夫懷奇負異之士亦何
患名之不立乎不獨山為然也

游溫泉記

天生塊澤之間有溫泉焉

李竹虛

丙甲春

良宜之西有湯池焉流潔而溫蒸上然有似釜中
之湯而未沸者昔楊升菴曾題為天下第一湯余
不獲往觀焉魯有沂水點也曾借以鳴志亦僅得

之紀載而徒嚮往焉天生塊澤之間有溫泉焉出於河濱源清而潔性溫而平着於肌膚宛暖而滓賦應不減於宜良之湯池魯上之沂水居人每借以為滌瑕蕩垢修禊之所往來絡驛雖嚴冬不廢甚稱述之甲午春余偕亡友楊君在南往游而試浴焉寔有如時人之所稱述者浴罷而風其爽快更難以言喻但山路崎嶇車馬莫通須攀援而下在南曾謂余曰是泉惜生於河濱騷人逸士足迹罕到名是以不彰使生於平原曠野其灌溉不知凡幾千萬利而一時風詠歌舞又不知若何安知

二二

不與沂水湯池而並稱歟余曰是不獨於物為然也而於人亦若是焉彼夫懷奇負異之士使得置身通顯抒其抱負功濟當時澤及後世豈非大丈夫得志之所為歟乃衡茅伏處盤澗嘯歌其湮沒而不彰者不知凡幾是不獨於無為然也在南領之今春友人而重游之約既傷夫在南之不遇而負累費志以歿曾幾何時而物是人非能不悲歎是以不果往彼夫在南其人者亦懷奇負異之士也

清溪洞記

李思光

去縣西二里有河奔流激湍四時水色常渾澄之
不清斗水積沙泥數升性使然也居人目之為小
黃河亦夜郎自大滇人多見山少見水故也河之
上有洞洞之中有溪上清而潔洵一隅勝概而為
讌游之佳境也洞之奇形怪狀天造地設前人記
之詳矣余始不具論而獨於溪有深異焉異者何
洞以溪而得名溪以清而見賞今者有溪之名無
~~之~~實此溪余之所深異也聞之父老道光年間倏
爾暴漲忽焉沒矣計至今將近百年其伏而不見
者豈欲自完其天與世相違故隱而不見耶抑以

三

衆流皆濁惟己獨清不肯以身之察上受物之汶
汶故秘而不宣耶如欲自完其天與世相違溪之
自為計得矣若以人濁己清故秘而不宣是則余
之所不取也夫天地之大也兼容並包相生相育
道固並行而不悖太山不嫌土壤故能成其高河
海不擇細流故能成其大聖人不泥滯於物無行
不與故能造其極至况水之清也無魚人之潔也
無徒使徒清流自居而處人以污下其禍有不可
甚言者矣故仲尼不為己甚亦以志在澄清而有
所不能也水哉水哉何取於水也余因繫之以詩

洞內溪自清洞外溪自濁清濁莫相混一見一
隱伏我笑山靈隘空洞難容物試看東洋海涇
渭分與不

平夷羅山考

光緒二十一年
端陽節午

邑李思光竹虛

平夷之名於古無考漢元鼎六年平南夷置牂牁
郡領縣十七第五為平夷平夷之名始見於此蜀
汗章武元年李恢領交州刺史持節駐平夷晉永
嘉三年分牂牁立平夷夜郎二郡唐貞觀八年改
盤州領縣三附唐今興義縣盤水在盤江上平夷至元十三年
始立羅山縣領於霑益州明洪武二十一年築平

二

夷堡二十三年置越州平夷二衛平夷之名層見

疊出而其地終莫能指惟建文元年築衛城於舊

城山

元謂落
蒙山

弘治七年遷築今地

元謂平
夷鄉

國朝康熙三十四年仍衛治設縣恪有可考然旧志

載明一統志云陸涼州即漢平夷縣也謂羅山縣

在霑益州東南一百二十里平夷鄉落蒙山滇後

記謂洪武二十三年建平夷衛於厄勒鋪

按年富與越
州衛並置以備

阿資之叛服不常也其地平行人烟稠密與長治里大河高山五寨且與普安縣
關基六寨相連為阿資竄普安出沒處於此置衛以防之寇或有也後始遷
於舊城山再遷於今地也又普安所志謂平彝廢縣在州地
今改名思樂鋪

香羅山下羅山縣亦在是即晉平夷縣故址也又

有平夷所之名諸多紀載迄無定所任中宜謂漢
平夷縣當在化勒堡元羅山縣當在多羅堡古城
寨為明初衛治平夷鄉乃今縣地其平夷鄉之名
亦由來舊矣以山川形勢道里據之其言近是然
陸涼州為漢平夷地亦非無因也音即牂牁興古西
平州盤州累朝建置其名雖殊而其地則仍舊今
滇之曲靖黔之西皆屬焉明一統志謂普安亦佐
陸涼屬盤州而無平夷普安志謂所即古盤州地
附唐平夷盤水屬焉而無陸涼又唐書謂西平州
故興古郡地其南交州領縣三亦即附唐平夷盤

二五

水元史謂西平州在南寧州今之南寧縣之東北據南盤
江北盤江之間明一統志又謂霑益唐初於此置
西平州滇通志古蹟西平州故城在霑益州東二
里霑益之名元初始見舊志謂即唐盤州領縣三
交水石梁羅山名梁縣志謂在州東北五十里石
梁山屬曲靖路志謂在所西與永山廢縣屬普
安路交水城今霑益州治舊志謂在州南二百三
十里順治十六年始遷霑益州於交水城則治當
元明不知何所以交水方里言之當在普安以羅
山方里計之當為今州地左近愚意二百三十里

當是二里或鈔傳之誤蓋州南當日一州東南今
州治二里太平橋外有舊州之名故老猶及見之
今廢疑即古之霑益州且於石梁羅山方里相便
於遷徙也近是至於未可知以李恢之隨丞相南
征按道向霑益州云南省也轉戰盤州普安諸處
也由是言之李恢之駐平夷多在縣地但海酋窟
本越州今陸涼平夷南甯霑益普安皆有其地而
陸越猶近意謂漢無陸涼等州名平夷已在十七
縣數晉又與夜郎同立郡其地必廣陸涼為平夷
地亦莫可知後之志者遂駐為陸涼漢平夷地也

二二

中宜謂平夷雖一下縣而地字幾遍郡治亦疑陸
涼為漢平夷地特無明文未敢定也姑留以考夫
平夷所之地舊隸云南屬縣地洪武中始割隸貴
州普安而其名仍舊廳志遂謂平彝廢縣在州屬
平夷里西五里香羅山下並謂羅山縣亦在是豈
以平彝之名而及之歟抑以羅山之名而及之歟
不知香羅山下之城當是舊日平夷守禦千戶所
城也並非漢晉平夷縣城也所志因平夷之名而
遂及之殊未深考耳應以中宜之論為是尚容博
考以證之姑著於此

五言律

明

入滇

雲南按察使

張時徹 浙江新縣人

天邊來傳客，歷險到殊方。
草長知烽息，民流屬歲荒。
巖花薰澗壑，木葉墮衣裳。
何事秋風起，愁看白髮長。
山路日多雨，我行猶未休。
碧溪雲不定，青草瘴仍留。
客久旌旄落，天空鶴鶴秋。
卜居何以賦，長嘯攬吳鉤。

平彝衛

雲南布政司彭而述

號禹峰鄧州人

路入茅華縣，溪邊忽有村。
環山簇石笋，拔地起松

之七

根苗女鷄窠，課保翁燕麥。
屯喇麻罈內，酒何必讓

金罇

滇境

雲南學道 山東海鹽人

吳自南 號克菴

終入滇南境，双目分外明。
諸巒環秀色，芳樹帶交情。
亂後民風險，秋來夜氣清。
相看初攬轡，何敢負生平。

晚入滇南勝境

昆陽知州

蔣全銓 長璜山江南長洲人

行盡黔陽路，南中自一天。
僕夫力愈勁，稚子喜從偏。
落日留殘照，疏林起暮烟。
旅吟猶未懶，回首意茫然。
文章相見晚，意氣問交初。
一日乍言別，長懷

偏

應有餘出疆惟憶友下榻只觀書重疊情難話僕
夫已策驢去年春月至今歲又春還車馬青郊日
蒹葭白露天心從樽下約書自雁邊傳莫作離情
看相知應有緣

宣威閣萬里亭七言律

萬里觀風此地游天涯到處是神州江城滿目羸
新賞原隰關心結暗愁能卧淮陽思長孺獨通西
域狀班侯霜輪不負蓬孤志應有豺狸避遠溷

滇南勝境

激江趙士瀛使部

天開勝境彩雲生金碧由來獨擅名唐代車書通

六

詔外漢家台沼逼昆明四時草木無寒暑萬戶桑
麻絕戰爭此去漸看萱舍遠登高陟屺不勝情

游清溪洞

清流如帶浸芙蓉行過村橋翠幾重古洞石蓮
葉吐幽堦玉笋先云封扶筇祇為探奇至埽徑何
期載酒從自是將軍能愛客不須蓬島覓仙蹤

和韻

鹽提舉号元臣
浙江蕭山縣人

來度

何年巨斧闢芙蓉擊碎空山翠幾重玉液霏微曾
不涸白雲飄緲竟難封新秋集雨催寒至好友臨
風載酒從顧我西行廖落甚何能勝地續游蹤

和韵

按察司經歷号德庵
廣西臨桂人

何清

千年鬼斧剪秋容
鑿破鴻濛竅幾重
玉乳滴殘仙桂經
石鯨斜倚翠屏封
檄傳巴蜀文章古
望托東山杖履從
明日倦懷千里路
聊將別意寫離蹤
明石龍古寺
平糶衛教授号紫雲
桑向舉人
境入滇南便翠微
禪閣曾鎖石龍歸
安排鱗甲埋芳草
怒捲滄溟送落暉
吟月不辭甘露冷
乘雲還帶篆烟飛
早知琪樹逢僧話
莫向山頭顯化機

東嶺晴雲

高峰率屺擁卿雲
咫尺陰晴翠蓋分
五色絢霞呈

九

鳳翥千尋疊嶂耀
龍文憑風舒卷開
天幕送雨蒼茫轉
夕曛維嶽降神先
應瑞東來紫氣正
氤氳

密岡翠竹

遙望晴雲鎖翠巒
千叢曉露濕琅玕
秋來不染湘妃淚
雨後長懸尚父竿
聽盡鸞蕭明月裡
披殘鶴氅遇林端
衛邦不減淇園賦
秀色於今尚可餐

宣威曉月

玉壘曾聞將畧敷
鉄衣千隊戍雲孤
一声畫角傳刁斗
數點疏星列戰圖
宿老梅花窺仗莽
吹殘楊柳泣樓烏
滇南半壁資英武
曉望江頭日未晡

烏伏

玉真仙橋

烟橫白石壘平橋，留下仙踪尚未消。
古驛月明金作履，長林風送玉吹簫。
牛眠野渡知春牧，鷗浴新堤倚曉樵。
圮上伊人今在否，重楊深處不須邀。

白馬留泉

樹藏煙雨噴流泉，引得龍媒到水邊。
卧老松花身帶雪，嚼殘楊柳鬣鋪綿。
雲深空谷原無影，月滿寒潭似欲旋。
一井尚存天馬去，声嘶兀自咽潺湲。

衆壑秋潮

衆壑秋潮在胡麻橋
秋霖衆壑赴橫塘，暴怒平頭噴八荒。
岼嶸滾蓼花蛟

二十

壑

俯仰波翻菰米雁，翱翔漁舟競渡歸。
人晚牧馬驕嘶過，峽忙流灌東郊。
木末盛潮回月下，聽滄浪

清溪仙洞

洞内有池名玉液

洞口花開無數春，千層幽竅駭游人。
鐘鳴列石鯨貌吼，灶突生風虎豹蹲。
流水有田通玉液，陰房無鎖斷紅塵。
年年似有神仙至，不為桃源好避秦。

國朝游清溪洞

雲貴總督潘陽人

范承勳

洞壑西南遍已塲，爭知黑箐亦丹邱。
雪泥細馬穿林濕，風籟溪橋曼玉幽。
獠若自來銅作鼓，仙家雅愛石為樓。
熒々松莖芝房曲，清晝潭宜秉燭游。

雷

風暖泥融雪未消，經冬木葉未全凋。
須停鼓角聽山雷，莫以車徒溷野樵。
樊烏羽千溪口，浴梅花鬚向客中飄。
採風更入前山路，六詔春深誦帝堯。
蠻煙盡是彩雲消，驄馬重來興未凋。
豈為野遊携竹杖，多因問俗狎松樵。
風翻石隙雷為動，雪入平林梅正飄。
握手還從樓上望，遙三萬里樂唐堯。

滇南勝境

管 灝

路入滇南第一關，黔峰登陟息辛艱。
茅從宣嶺分昆海，地闢滇溪拱玉山。
稷三松風傳野外，溶三煙縷入雲間。
幾家廛市無多景，已與羅施不一班。

三二

清溪洞

縣

洞曲青山日影斜，門前車馬最繁華。
溪流石壁甘泉冽，清上雲巖爽氣餘。
香霧紛振浮月窟，滴垂疏響散天花。
探奇高士經遊覽，何事蓬瀛更泛槎。

任中宜

鳥道梯空鎮日躋，松關路迫破霜蹄。
彩雲尚在千山外，沃野仍過六詔西。
風生馬足丹霄近，霧障征途絕巘低。
莫漫三危勞禹力，堯封果應遍雕題。

平彝縣

山城斗大披蒙茷，喪亂人傳故武功。
塞下民畊留

野戍天涯官定集哀鴻鼓刀有術群爭披製錦須
才我未工敢以清勤答 聖主嬰童焚女沐皇風

清溪洞和韻

入滇名勝此獨搜一曲溪流繞碧丘花放杜鵑春
未老月窺石屋景偏幽芳時載酒苔沾履得句題
詩客倚樓我亦公餘無箇事東薪時趁野人游

句

再詠滇南勝境

彩雲深處劃滇疆嶺上茅分古夜郎北望 帝京
程萬里南瞻金馬路遐荒蠻煙瘴雨迷寒暑火種
刀耕足稻梁壯矣河山烽燧息來游一任醉羲皇

三二

石龍古寺再詠八景

佛光曾聞迦葉先旃檀龍象首南天聽經法應飛
甘雨制毒安依入定禪鱗鬣塵荒迷徑草鼓鐘寺
廢老蒼烟祇今過客憑高望徒有松濤到耳邊

玉真仙橋

翩上飛鳥入雲初雨霽長虹澗渠海上漫誇方士
術圮橋疑授老人書幾聲鉄笛餘長嘯數縷清煙
薄太虛班剝苔痕迷蠟屐空留仙影亂樵漁

眾壑秋潮

縱橫山雨寫清秋萬壑奔騰激湍流傾洞聲高幽

寫

制

谷迥增以響答乱雲浮橋邊駭浪飛孤鷺沙上驚
滿避宿鷗漲入平田添野色寒空一碧韵悠悠

宣威曉月

千秋朧朧辨升沈桂魄何年注巨浸團影不聞殊
海朔清光轉見破晴陰星斗涵波分碎玉風雲湧
浪爍流金更看曉角吹霜處越：生輝透遠林

密岡翠竹

東嶺雲深綠玉叢輕翻翠浪泊蒼穹餌饒應似質
笛谷避客偏宜汝穎翁曲徑微聞声漸瀝空山日
照影玲瓏誰瞻淇澳歌君子正尔菁：弥望中

三三

白馬留泉

昔傳滄水生天馬今見神駒出日南丹嶂溪浸泓
一碧紫雲影宵注寒潭頓竊渴飲虞渊水服駕霄
騰昧谷嵐餘滙微濡還服：教人空自憶驂騑

東嶺晴雲

陰霾浮霧鬱雲根忽睹朝陽射小軒金籠玉山輝
草色半橫金柱破霜痕白衣變幻臨蒼狗丹鳳飛
颺趁海鯤任太虛真不礙惟留清氣自高騫

平糞老人

平糞老人髮兩肩衰七新語淚如泉時收斗粟輸

箴

田賦日向諸隣乞米錢風雨飢寒趨路側子孫流
落避兵年青春有伴難還土白首無家尚戍邊官
裡征徭何日已軍中苦樂古來偏魂驚鼓心猶怯
臂中飛狐肉盡穿獨去負戈巡夜若誰來銷甲種
春田敢愁溝壑填衰朽只擬封疆息燧煙我願麾
前法唐將籌邊有策到今傳

五言古 國朝

平彝八景

石龍古寺

古寺深山裏蕭疏意冷然陰晴分寒暑風雨判黔

三四

滇龍豈池中物何來岡上眠待到春雷發乘時欲
上天

巒岡翠竹

巒岡山下路翠竹喜森森風雨鳴金石蕭疏最宜
人叢篁深處好意欲尋幽居聊拓三間屋時還讀
我書

玉真仙橋

雷声和電影頃刻雨交加何處吹笙起遙聞賣酒
家橋邊曾進履圯上憶傳書不是仙人至何來迹
宛如

宣威曉月

月出鷄鳴候征夫起早行宣威山下路浩魄一輪
明零露猶疑雨疏星尚在天五更霜角曉清氣逼
征鞭

白馬留泉

雄鎮萬山巔丹崖產碧泉不盈亦不涸甘冽清且
連引得龍媒到驕嘶飲便至今遺迹在風雨護
靈壇

象壑秋潮

八月湖水平秋澄萬景清何來聲謖：反作不平

三之

鳴萬壑千蹊度蕭：木葉寒驚濤時暴漲風雨滿
林端

東嶺晴雲

最愛城東景卿雲嶺上生每逢天際雨轉覺日添
晴寶氣千重結祥光一色呈巒岡山下竹望眼倍
分明

清溪古洞

曲折城西路清溪水一灣撥雲尋古洞倚石叩禪
關室密容僧住堂寬供客閒別開仙佛界疊翠鎖
層巒

亦佐舊縣八景附

夜月明潭

寒潭千載碧萬籟寂無聲浩魄蛟宮映疏鐘遠寺
情

塊澤漁歌

風雨鳴三角叢篁聚一阿漁樵相互答烟霧滿笠
簑

十里花香

送客春深處山花十里長幽人欣獨賞風約滿林
香

三六

天生玉洞

古洞臨深澗天然一石橫往來行旅客莫不歎生
成

札村松韻

茅屋依山住松陰石徑深好風吹謾、雅韻最宜
人

東流西水

是水盡朝東斯流迥不同泉飛簾倒捲煙霧半空
濛

矣層名山

此山若有神禱之而輒靈五風兼十雨相與振鷄豚

烏龍密箐

密箐宛若蜓載飛而載潛蔚然深秀處雲氣共盤旋

平彝郊原送客

趙進士

與君聯袂踏晴沙欲訴離愁日已斜
大野風聲翻落木空山雪意入梅花
馬嘶殘照催行色人立荒原老歲華
果是客中還送客羈懷從此倍思家

遊清溪洞

趙桂

三七

東

未

清溪繞洞旁白雲迷洞口洞上魏驚猿洞外蔭垂柳
我昔過斯地碌碌風塵走今朝續勝遊聯袂招我友
策杖問鱗叢捫蘿陟峻峻豁然靈局開一天祢小有削壁割青冥
神工肆雕鏤洞後尤深還窺之頗昏黝山僧東炬前教我行低首
上忽登雲梯下忽墜淵藪躡足履巉岽怪石都奇醜愈進愈幽曠
萬象森結紐銳者或如矛覆者或如岳或蹲如餓鷓或立如老叟
或為蛟龍蟠或為獅象吼婀娜瓔珞垂纍若金章鈕最奇巨鬼搏槎
柯出雙手左顧勢畧平行彷彿開戶牖矮凡列棋枰神仙事或有

白

再進乃拗折嶽崎碍足肘惟見清冷泉涓涓盈石
白我友顧我笑到此已八九且當留餘興出門傾
一斗一斗亦不醉茲遊信非偶

滇南勝境

趙桂

鳥

連岡望與白雲齊絕頂登臨駐馬蹄鎖鑰遠開金
碧外河山雄扼夜郎西春深古驛車書會月冷空
庭虎豹啼歎息鬻琴人不見巖花草自萋萋
群山莽盡朝東峻嶺西回一徑通地湧虬龍占
石氣人沈隨猿鳥渡雲叢寒泉夜洒陰岩雪古木
晴豪大壑風咫尺丹霄疑可接振衣我欲陟蒼穹

六

石虬

穆皇當年遊八極鞭撻虬龍隨轍迹一龍狡獪不肯前罰向空山作頑石：今由來幾萬載陵谷頻遷石不改骨相嶙峋黛色深掉尾常欲赴東海乍起乍伏勢攫拿半縞半瘦鱗班剝山前怪石分成個小則鷓鴣蹲大虎坐一龍大矯踞其巔清高穩似南陽臥風流仙吏稱好事大筆點染擘窠字米巖下拜髯蘇駭從此衣冠比靈異我笑石虬徒前劣從來神物貴難測胡不補入媧皇天否則幼入僧繇墨奚為不見亦不藏岨強踰伏空崖旁兒童騎

三九

苔蘚

弄華鮮蝕變化輸與初平羊石虬聞言怒起舞雷公隨之擊大鼓頃刻風雲自吞吐洒作南天十日雨

鬻琴碑

來携此琴來去鬻此琴去傷哉廉吏不可為幾載山城空叱馭山城記得使君來春滿河陽花正開外戶不閉扉無吠中澤既集鴻何哀冰壺玉鑑清無底心水肯教門如市訟少庭間散吏衙塵甑之旁朱絃起三年課績循良奏百姓見肥使君瘦長途再將羸馬驅空囊只有焦桐售焦桐縱售值幾

閒

硯

何此去長安道路多
黠吏胡盧掩口笑
寶山空回
計則訛吏自笑
民自哭
豐碑屹立山一麓
一行巨
墨雲霞章百年正氣射
豺狼伏我來剝蘚
訪碑辭父
老往之為歎
歎清風捲起萬松巔
彷彿先生降靈
旗嗟：一碑何足異
去思德政塞天地
爭似史筆
照空山刻劃
龔黃無多字
不見硯山亭
羊叔記貪
夫讀之尚汗泚
嗚呼貪夫讀此當汗泚

清溪洞

趙進士

豐嶂參差怪石巍
巖簾無路入禪扉
一灣流水通
幽宅數頃荒疇繞
翠微石上蒼苔寒
溜滴窻前晴

四十

雨濕雲飛老僧釣罷
捫蘿坐那管人間是與非

白雲寺

竹虛草堂

祥光呈五色瑞彩煥南溟
如何云一片飛落黃河
邊我憶古皇初東南半壁顛
大風催雲霧散失在山顛
後有女媧氏鍊石補成
全求之不可得常伴
老僧既或呼玲瓏石或稱
太華蓮人世有代謝往
復幾千年我來縱眼現
審識舊依然意欲托雲根
飛上九重天

雜志

氣候祥異塚墓種人方言軼事風俗

問嘗讀史而外綜覽古今遺編見夫零珠碎錦哀
集成書其軼事遺文雖屬不經確有可據固足以
補正史之闕而不敢以小說目之今志刪天文一
門所遺氣候祥異並排纂地理建置志所載風俗
墓塚種人均有不合且畧方言而不紀因立雜志
一門以統繫之首氣候祥異次風俗塚墓次種人
方言而終之以軼事都為一卷庶弭異同之見亦
得位置之宜既事既屬墳屑文何嫌餽釘聊附卷

四一

末以備觀覽竹虛

氣候

平夷與黔接壤氣候相似多雨春冬風高視滇微
輕暑如五月寒如十月雖有薄暑微炎見雨輒涼
嚴霜密雪一霽即溫自曲靖而西漸入溫紐之鄉
月令五氣之中位宜在於西南滇處西南於后天
卦位為坤得土中氣故氣候異於他省

風俗

土瘠民貧俗尚樸質疾信醫巫婚喪循禮男務農耕女昧紡織人亦好義惟信釋道籍多辰沅故俗類楚土知向學科第漸出 按滇舊志云昔之風俗以道里分今之風俗以年世分百年不同風又數百十里不同俗譚景升元結所謂化也然有由鄙野而化為文物者有之由澆漓而化為淳厚者亦有之皇風翔洽在事賢達之教詔規感為多又有由文物而化為侈汰者由淳厚而化為淫慝者則五方游寓之為也草詞訟走公庭誅人子弟傾

四三

家業造為蜚語皆此儕也夫本地之人漢與夷耳且諸書所載陋惡不典者皆夷也今夷且漸化况非於夷耶

于
元日祝天地祖先用桃符揮門往來賀歲各家以松樹植門前用松針鋪地為檀堂室飲椒花酒以少拜老名曰拜年 立春日春盤賞春以餅酒饋上元夕賞燈張樂次夕男女以類相從游行携爆竹揮香**于**道相傳可以却病讌而拜之疾火樹星橋有古風三月三日效修禊事 清明揮柳祭墓 三月三日謁真武廟 二十七日東岳會

四月八日為浴佛會 五月五日懸艾虎繫續命
 縷飲菖蒲以角黍相饋 六月朔日至六日禮南
 斗祈福 二十四日為星回節東松莖于街衢田
 野醵飲村落炤田占歲 老云自慈善死居人哀之故有此節或
云即古桑田之意以禁蝗類理也 七夕
 婦女穿針乞巧 中元祭先祖於家或焚冥衣
 楮鏹夜放河燈 中秋以瓜餅供月 九月朔至
 九日禮北斗祈福最盛 重九登高飲茱萸酒賞
 花以麩籩諸果為糕親識相饋 十月祀先祭墓
 長至相賀互以糜餌相饋 腊八日作五味粥
 二十四日記灶 除夕炮竹飲分歲酒先少後

四四

老煨盡守歲四更迎灶接天地
 冠禮久廢士庶人家僅於婚期前夕請識禮者從
 俗尚謁祖先拜父母兄弟長猶餽羊存朔之遺意
 且婚禮於古親暨平日合式之家求之數請冰人
 於家識而拜之致主人意婦家既諾即讌之二姓
 互相往來酬拜下定儀將娶預期先訂期納幣然
 後親迎其儀物豐儉各稱其力六禮之儀猶能仿
 佛云尔
 喪禮棺槨殮殮皆從儉戚有力者於塋上銘石為
 記惟夷不用棺槨向從火化今亦漸染華風概用

雙

木卜葬者多矣

祭禮家嘗品食各視其力極儉者塊肉雙蛋亦以

禮祀兵燹之餘俗教民殘聊致孝思云耳

廬舍之制契各有異外者只用瓦惟慎中兼用

銅瓦相傳滇中風高明初敕特用然城市多瓦屋村墟仍草舍多耳

市肆以十二支所屬之自為率如寅為虎午為馬

之類俗呼為街子日中而聚日夕而散

交易昔用貝俗名肥子一枚曰莊田莊曰手四手

曰苗五苗為索每百索值銀一兩明嘉靖隆慶間

四五

兩次鑄錢表俗不識格不能行天啓六年因科臣

潘士聞之條奏撫臣閔洪學之力行錢法始通見閔奏疏

相繼而行至於明末每銀一兩敵貝三百五百索

後至七百索而貝廢不復用矣

古者女子出門必擁蔽其面後世宮人騎馬多著

罽羅全身障之猶是古意滇俗婦女出必以錦帕

覆首至老不去

用禮三農謂山農澤農平地農也註山農南方刀

耕火種巴蜀滇南之雷鳴田也澤農江南之葑田

廣東之海簪諺云序水插秧撐船割稻者也若平

地農只可以言中原不可以該邊甸也平夷絕無

平原畝若階梯山地無水種蕎麥豆粟雜糧之類
大約種稻者皆曰田雜糧者皆曰地近今數十年多種
包谷以為大宗亦
名芋麥山地乾田
均宜漠俗瀦水處皆稱海子高山峻嶺謂
之坡呼雲為云新月初生日月牙畫角為畫曉松
草為松明高田為雷鳴田雨沛始能播種也

祥異

嘉靖十六年地震

萬曆四十八年二月己卯有云氣黃紅漸變黑霧
晝晦如夜大風雨如注平夷折去樹木無算哨兵
舍吹去四里

康熙三十三年大水行人以舟渡

三十四年旱

三十五年大水后旱民飢

三十六年旱民飢

三十八年五月嚮水舖災歲大稔斗米三分

四七

三十九年歲大稔

四十一年虎吃人

四十六年丙戌城東關災四月丙申大水淹

死十六人十二月甲午石岑舖災

道光十三年大水多羅舖民房淹損數十家溢場

咸甯口三日始退 六月二十三日巳時

地震

咸豐六年六月彗星見於西北光焰異常越

夜而沒 同日地震

同治元年壬戌大飢

三四五六年歲大稔

光緒元年五月初四日地微震

四年戊寅三月十四日申未大風驟起飛沙

淹 淹日微時天晴

七年六月孛星見於西北十餘夕始滅

七八月大雨多水折橋無算

八年八月孛星見於東北旬始散

十年五月大水城外民舍皆被水

二十年四月十八日大西門唐姓馬產雙駒

四

十一月二十五日大西門災燬民房數戶

二十一年三月城南小沖災

四月二十二日夜大水

二十五年五月地微震

二十六年正月陰雨

三十二年豺狗充溢白晝入村吃人黃昏時

分竟至大街馳取幼女而莫追及焉

十月十二日子時地微震

省垣附近地東一帶均旱斗米八兩計一百二十

斤自十月起通省振旱災者八九惟黔省大

稔

三十三年丁未七月慧星見於東北

秋八月陰雨綿傷損禾稼秋水泛漲冲損
橋梁而多羅堡被水尤重 夏旱

三十四年秋大水多羅鋪尤甚報賑縣屬古木
克災亦報賑 秋成大稔十月多雨

宣統二年庚戌三月下旬彗星見於北

七月十一日夜大雨附城河堤冲損極多
三年辛亥大水附城隄硬冲損歲歉

冢墓

張聰明副使墓在巒岡山下嘉慶四年知縣王子音誌銘後裔懷珍重修

司馬楠墓在東閨外江西義園同治二年知縣全一 楸霖封教諭倪懋禮志銘公係平糶知縣二

年殉節
司馬耀焜

楠子從九府經隨父殉難墓在城北土城官

園兄弟合塚同治二年知縣全楸霖封教諭倪懋禮志銘

賀清縣典史墓在城南李氏坎塋同治二年典史

五十一

馮桂森封志

種人

黑羅：

夏

男子挽髮以布帶來之耳帶圈墜一隻披氈佩刀
 時不離婦人頭蒙方尺青布束於額上短衣上披
 袈裟褊裙結縉上下迴紋于帶象牙圈跣足頂代
 紅珠綠珠雜海貝瑇瑁以多為勝在表中為貴種
 足土官營長皆其類也土官服雖華不脫表羽士
 官婦纏頭絲縉且帶金銀大圈服兩截雜色錦綺以
 青緞為套頭衣曳地尺許背披黑羊皮飾以金銀
 鈴索各營長婦皆細衣短氈青布套頭居深山密

五二

箐雖高岡磽隴亦力耕之種甜苦二菽自贍善畜
 馬牧養蕃息器皿用行竹木繪花木交易稱貸無
 書契刻木而析之各藏其半布以丑戌日貴者裹
 以鼻比墊之賤者羊皮焚諸野而招之魂棄其灰
 能為乳酪雜蘇鬻于市腥穢侏儒若鹿豕然性多
 悍黠好攻掠漢人弗以女妻之

白羅：

鼻

男衣兩載衣裹頭跣足婦女耳帶銅圈披衣如架
 裝以革帶繫腰在表種為次貴即土之把目等役
 是也喪無棺槨縛以大麻裹氈鼻于竹椅前導七

人操甲冑執刀鎗箭弩四方射名禁惡止殺焚之
于山既焚鳴金執旗招其魂以竹簽裹其絮少許
置小篋籠懸生者床間祭以丑月念三日挿榛三
百枝于門列篋籠地上割燒豚每籠獻少許侑以
酒食誦夷經羅拜婚姻惟類以牛馬為聘及期聚
誑子女家奪其女而歸性竄情淫酒病惟祭鬼占
用鷄骨

乾糶

夷中之民也多貧披羊皮革帶佩刀每飯挿箸其
中仰天而祝以為報本好勇喜鬥殺人償以財有

五二

仇怨雖父子兄弟不顧以上三種飲食或用蕨灰
為鹽居無床蓆男女跣足以肯負重言語缺舌今
漸染既久風俗不變

狃夷

習俗儉約男女皆事犂鋤短衣長裙好水濱構樓
居好食犬鼠病不服藥惟務祭鬼相傳因宋時流
罪人投荒者祀祖猶類華族多姓王蔡

方言

雲

如呼雲為雲彩新月為月牙水為臭食為羹入声
 走為敗疾走為忙敗爺亡為波去声鹽為粗箸為
 把之類此皆夷語難以枚舉姑志一二以備一隅
 予嘗謂平邑漢音稍遲滯即得南北兩京語蓋
 音声清楚無拖沓字眼耳普安南霑等邑雖距
 数十里則有不合想因水土故耳予昔年到京
 即以本音語之京中人多謂予在京多年而不
 疑其初至也予細審之惟稍遲而後音微高則
 庶幾矣竹虛

五三一

軼事

光緒三十四年戊申嚴禁種烟亦為土藥俗名鴉
 片及吸烟販烟者違治罪
 按洋烟之流毒中國也始於英夷由印度窺入
 沿海邊境自乾嘉時已有之然不致肆然吸食
 迨道光末年漸推漸廣不惟吸者多而種者亦
 夥粵林文忠則徐督兩廣有見於此據情入告
 宣廟赫然震怒下旨嚴禁文忠督燒烟船以至英
 法聯兵侵擾廣東禍逼邊陲當道者不得已議
 弛其禁白門丁約遂有五口通商之說民間亦

裁

裁

准裁種土藥抽收厘稅以資軍國而敵洋藥以補漏卮於是直省地方無不廣種博收反為商貨大宗而於雲貴四川為尤甚及今江河日下挽回術迂臣邊帥咸思補救之方為自強之計合辭公請兩宮神謨睿算為國計民生籌善後久遠之慮爰於本年元旦下旨飭內外大小臣工嚴加禁止寔心整頓不殫誥誡周詳以絕盡根株為是違者按律治罪我滇值督師錫帥為政認真辦理縮期淨絕不事姑息令官紳善為廣勸外飭嚴行禁絕不准裁種違者田畝充公治以抗違之咎收販者截

五四

止年底止逾限故違定以法治一時官吏奉行無不僅持私心竊慰如是認真勿懈事必有成從此振作自強拔斯民於水火而登諸衽席實我中國之萬幸也亟志之竹虛識

變科目為學堂說

自**選**舉廢而科目起由唐宋元明以至我朝千百餘年其間名臣鉅儒代不乏人大慙極惡不堪屈指蓋由國家懸此格以待士而士亦從此奮興也迄今士風日下借鈔襲雷同剽竊之習遂博取人間富若貴畧不知恥自命為通儒且學非所仕仕非所學此有心人嗟儒術之日非而歎古風之不可再復也於是

兩宮

皇太后

皇上有奮然振興之旨而

一時內外臣工尋疵指瑕謂科目之宜停**選**舉之

成

宜復奏牘章疏盈車滿篋

兩宮者覽謂非適中原下其議而一二老成宿德始平心妥議謂**選**舉科目兩無偏廢而根本尤專重在學堂果能於學堂中切實講求以中學為宗而輔以西學不惟得古人國學鄉校庠序家塾之遺意而事歸實際道藝俱備本末兼該何至有才難之歎乎

題

上**題**其議遂下所司因而內設學部以總其成外設學司以分其任又恐學堂之漫無區別也始分為高等大小中初級之別極而至於農工商藝陸軍

術

師範等等難盡之名以宏造就且慮舊學之漸就湮沒也文為三科保送考過之法以疏通之將見十年後舊學已得出身而新學亦漸有起色矣嘻是誠善舉矣然予不能無說者從來國家之患不患無治術而患無治人得其人則選舉可科目可即學堂亦可失其人雖愈出愈奇愈救愈失而實則愈趨愈下其如此良法善政何是在內外大小諸公預與其事者與教員勸督學生等矢忠愛之心各盡義務寔心實事爭自淬厲以仰副

聖天子興賢育才嘉惠士林之至意則善矣使徒驚其名而不求其實官紳以是塞其責教督以是糜其費學生等亦借是為藏污納垢結黨營私假洋裝說鬼話自大自神而不顧主國姑毋論改革之下費君民數十億萬血資擲之無用之地且辜負聖朝一片維新雅意熱腸而其弊終有不可甚言者矣予姑為是說以拭之己酉新正人日

竹虛李恩光識